

**EXERCITIA
SPIRITUALIA S.
P. IGNATII
LOYOLAE,
FUNDATORIS...**

Ignacio : de Loyola santo
(santo)





P.3.
v

37-1-F. 9

37-1-B. 9.



Ex ijs quæ Diuino magistro didicerat N. Zamb. ad Greg.^{xv}
Micknobbart exc.



**Ex Bibliotheca
PP. Coll. Rom.
Societ. Jesu**

EXERCITIA SPIRITUALIA S. P. IGNATII LOYOLÆ,

Fundatoris Ordinis Societatis IESV



Cum Bullis Pontificum, tum approbationis Exercitiorum; tum Indulgentiæ plenariæ, pro omnibus, qui assidue illis vacant in domibus ejusdem Societatis.

Brevi insuper Instructione meditandi quæ omnia & dilucidantur & illustrantur pluribus ex ære impressis imaginibus.



ANTVERPIÆ;
apud Michaelē Knobbaert, sub signo S. Petri 1676.
Cum gratia & Privilegio.

6

A Nima Christi sanctifi-
ca me. Corpus Christi
salva me. Sanguis Christi
inebria me. Aqua lateris
Christi lava me. Passio Chri-
sti conforta me. O bone Je-
su exaudi me: intra tua vul-
nera absconde me: ne per-
mittas me separari à te: ab
hoste maligno defende me:
in horâ mortis meæ voca
me, & jube me venire ad te;
ut cum Sanctis tuis laudem
te in sæcula sæculorum. A-
men.



APPROB: PONT: EXERCIT: SIGN: pag.1

PAVLVS PAPA III.

ad perpetuam rei memoriam.

PASTORALIS officij cura, in universum Christi gregem nobis commissa, & divinae gloriae ac laudis amor facit, ut ea quae salutem animarum, & spiritualem earum profectum juvant, amplectentes, vota eorum qui aliquid, quod fovere & nutrire pietatem in Christi fidelibus valeat, à nobis exposcunt, ad exauditionis gratiam admittamus. Cum ergo (sicut dilectus filius, nobilis vir, Franciscus de Borgia, Dux Gandiae, nobis nuper exponi fecit) dilectus filius ! GENATIVS DE LOYOLA, Praepositus Generalis Societatis IESU, per nos in almâ Vrbe nostrâ erectae, & per nos auctoritate Apostolicâ confirmatae; quaedam documenta, sive exercitia spiritualia, ex sacris Scripturis, & vitae spiritualis experimentis elicita, composuerit, & in ordinem, ad piè movendos fidelium animos, aptissimum redegerit; illaque Christi fidelibus, ad spiritualem consolationem, & profectum magnoperè utilia & satubria esse, non solum famâ, ex plurimis locis allatâ, praedictus Franciscus Dux didicerit;

sed etiam experimento manifesto, cum Barcinone, tum Valentia, tum Gandia, id compertum habuerit. Quare idem Franciscus Dux nobis humiliter supplicari fecit, ut documenta, & spiritualia exercitia prædicta, quò latius eorum fructus pateat, & plures Christi fideles, majori cum devotione ad utendum illis invitentur, examinari facere: & si approbatione & laude digna inveniremus, approbare & laudare, aliasque in præmissis opportunè providere de benignitate Apostolicâ, dignaremur. Nos igitur, qui documenta & Exercitia huiusmodi examinari fecimus, & quæ testimonio ac relatione dilecti filij nostri Ioannis Tit. S. Clementis, Presbyteri Cardinalis, Burgensis Episcopi, ac hæreticæ pravitatis Inquisitoris; & venerabilis fratris nostri Philippi Salutarum Episcopi, ac dictæ Urbis nostræ in spiritualibus Vicarij generalis; nec non dilecti filij Ægidij Foscararij, nostri Sacri Palatii Magistri, nobis desuper factâ, pietate ac sanctitate plena, & ad ædificationem & spiritualem profectum fidelium valde utilia & salubria esse & fore comperimus; debitum etiam respectum ad fructus uberes, quos IGNATIVS, & ab ipso instituta Societas præfata, in Ecclesiâ Dei ubique gentium producere non cessant, & ad maximum adjumentum,

tum, quod ad id prædicta Exercitiâ attulerunt, non immeritò habentes; hujusmodi supplicationibus inclinati, documenta & Exercitia prædicta, ac omnia & singula in eis contenta, auctoritate prædictâ, tenore præsentium, ex certâ scientiâ nostrâ approbamus, collaudamus, ac præsentis scripti patrocínio communimus: hortantes plurimum in Domino, omnes & singulos, utriusque sexus, Christi fideles ubilibet constitutos, ut tam piis documentis & Exercitiis uti, & illis instrui de votè velint. Nec non concedentes, ut hujusmodi documenta, & spiritualia Exercitia imprimi, à quocumq; bibliopolâ per prædictum IGNATIUM eligendo, liberè & licitè valeant. Ita tamen, ut post primam editionem, sine consensu ejusdem IGNATII, vel successorum ejus, nec ab hoc, nec ab alio omnino, sub excommunicationis, & 500. ducatorum piis operibus applicandorum pœnâ imprimi possint. Ac mandantes nihilominus universis & singulis locorum ordinariis, ac personis in Ecclesiasticâ dignitate constitutis, & cathedralium, ac metropolitanarum Ecclesiarum Canonicis, & earundem ordinariorum Vicariis, in spiritualibus, generalibus, & officialibus ubilibet constitutis, quatenus ipsi, vel duo, aut unus eorum, per se, vel alium, seu alios, cuiusvis de So-

cietate

cietate prædictâ, vel aliis quorum intererit, in præmissis spiritualibus Exercitiis, efficacis defensionis præsidio assistentes; faciant auctoritate nostrâ, illos dictâ concessione & approbatione pacificè frui & gaudere: non permittentes eos, per quoscumque, contra præsentium tenorem quomodolibet molestari: contradictores quoslibet & rebelles, per censuras, & pœnas Ecclesiasticas, ac alia opportuna juris remedia, appellatione postpositâ, compescendo: invocato etiam ad hoc (si opus fuerit) auxilio brachij sæcularis. Non obstant. fel. rec. Bonifacij Papæ VIII. prædecessoris nostri de unâ, & Concilij Generalis de duabus dietis, dummodò ultra tres aliquis auctoritate præsentium non trahatur; & quibusvis aliis constitutionibus, & ordinationibus Apostolicis, ceterisque contrariis quibuscumque. Aut si aliquibus communiter vel divisim, ab eâdem sit Sede indultum, quòd interdici, suspendi, vel excommunicari non possint per litteras Apostolicas, non facientes plenam, & expressam, ac de verbo ad verbum, de indulto hujusmodi mentionem. Volumus autem, quòd præsentium litterarum transumptis, manu Notarij publici subscriptis, & sigillo alicujus Prælati, seu personæ in dignitate Ecclesiasticâ constitutæ, munitis, plena fides ubi-

*ubique habeatur, & illis stetur, tam in iudicio,
quàm extra, ac si originales litteræ exhiberentur
& ostenderentur. Datum Romæ apud sanctum
Marcum, sub annulo piscatoris, die ultimo Iulij.
Millesimo quingentesimo quadragésimo octavo.
Pontificatus nostri anno XIV.*

BLO. EL. FULGINEN.

TESTI:

TESTIMONIA

Eorum, quibus censura Exercitiorum est commissa.

In primâ translatione.

Legimus omnia in volumine hoc digesta, nobisque valdè placuerunt, & ad animarum salutem in primis conducibilia sunt visa.

CARDINALIS BURGENSIS.

Concedimus, ut opus hoc, omni laude dignum, & Christiana professioni valdè proficuum, imprimatur.

PHILIPPUS VICARIUS.

Non poterunt tam sancta Exercitia non maximum commodum prestare cuilibet studioso. Ideo obviis etiam ulnis amplectenda sunt.

F. ÆGIDIUS FOSCARARIUS,
Magister Sacri Palatij.

In secundâ translatione.

Legimus spiritualia hæc Exercitia, placentque nobis valdè: & digna judicamus, quæ ab omnibus orthodoxæ fidei cultoribus recipiantur & magnificent.

CARDINALIS BVRGENSIS.

Concedimus, ut opus hoc, omni laude dignum, & Christianæ professioni valdè proficuum, imprimatur.

PHILIPPVS VICARIVS.

Cum nequeat subsistere diu Christiana religio sine exercitiis & meditationibus aliquibus spiritualibus (in meditatione enim, inquit vates, exardescit anima mea) nullas arbitror magis opportunas his, quæ proutdubio ex scripturarum studiis, & longo rerum usu nata sunt.

F. ÆGIDIUS FOSCARARIUS,
Magister Sacri Palatii.

ALE-



Indulgentiæ Concessæ Ab Alexandro vi. p. m.



ALEXANDER PAPA VII.

Ad perpetuam rei Memoriam.

CUM sicut Nobis nuper exponi fecit dilectus filius Goswinus Nickel Præpositus Societatis JESU personæ ejusdem Societatis quotannis, & plerumque plurimæ aliæ sive Ecclesiasticæ, & aliorum Ordinum, & Congregationum Regularium, sive Laicæ exercitiis spiritualibus à Sancto Ignatio dictæ Societatis Fundatore institutis in domibus ejusdem Societatis per octiduum vacare consueverint. Nos, qui probè scimus quantoperè conducant exercitia hujusmodi dirigendis in viam Domini, & confirmandis in illâ Christi Fidelium mentibus devotionem eorum, qui operi adeò pio, & salutari vacaverint, cœlestium Ecclesiæ thesaurorum largitione magis incitare volentes, De Omnipotentis Dei misericordia, ac Beatorum Petri, & Pauli Apostolorum ejus auctoritate confisi, Omnibus, & singulis Christi fidelibus tam prædictæ Societatis, aut cujuscumque alterius Ordinis, & Congregationis regularibus, quàm aliis quibuscumque Ecclesiasticis, & Laicis qui in domibus memoratæ Societatis Exercitia prædicta juxta laudabilem ejusdem Societatis consuetudinem per octidui spatium quandocumque peregerint, & interea temporis verè pœnitentes, & confessi Sacrosanctum Eucharistiæ Sacramentum sumperint, quoties id egerint, plenariam omnium

omnium peccatorum suorum Indulgentiam,
 & remissionem misericorditer in Domino concedimus. Præsentibus in perpetuum valituris. Volumus autem quod si pro impetratione, præsentatione, admissione, seu publicatione præsentium aliquid vel minimum detur, aut sponte oblatum recipiatur eadem præsentibus nullæ sint eo ipso: quodque earundem præsentium transumptis etiam impressis manu Notarij publici, vel Secretarij dictæ Societatis subscriptis, & sigillo personæ in dignitate Ecclesiasticâ constitutæ, vel Præpositi generalis Societatis prædictæ munitis eadem prorsus fides adhibeatur, quæ præsentibus ipsis adhiberetur si forent exhibitæ, vel ostensæ. Dat. in Arce Gandulphi Albanen Diœc. sub Annulo Piscatoris die xij. Octobris M. DC. LVII. Pontificatus Nostri Anno Tertio.

C. GUALTERIUS.

Quidam

Quidam de Societate Iesu, devoto Lectori ejusdem Societatis S. in Domino.

HÆc documenta, ac spiritualia Exercitia, quæ non tam à libris, quàm ab unctione sancti Spiritus, & ab internâ experientiâ, & usu tractandorum animorum edoctus, noster in Christo Pater M. IGNATIUS DE LOYOLA Societatis nostræ institutor, & Præpositus Generalis (ut præmissum est) composuit, ab idiomate Hispanico in Latinum, duobus modis sunt versa: altera versio, non solum sensum sensui, sed penè verbum verbo; altera (quæ visa est præferenda) sensum tantum sensui, sed fideliter reddebat. Cum autem Exercitia hæc, ut satisfaceret quorundam, & præcipuè Illustrissimi Ducis Gandiæ, Francisci de Borgia devotioni, qui optabat approbari ea, Sedis Apostolicæ auctoritate, quæ jampridem, & spiritualis plurimorum omnis generis & conditionis hominum profectus (qui per ea Spiritum Domini vel hauserant, vel mirum in modum auxerant) ubique approbaverat: cum, inquam, ante approbationem summi Pontificis, destinatis censoribus videnda proponerentur, utraque translatio eis est oblata: & licet omnino libera censura eorum subiicerentur, ut adderent, minuerent, mutarent prout in Domino videretur; tamen ne verbo quidem mutato, utramque versionem (quod testimoniis eorundem in archetypis exemplaribus patet) approbarunt. Quod ad impressionem atzinet, hoc te, pie Lector, monitum velim, non iis, qui

B

tantum

tantum lecturi Exercitia; sed qui facturi, vel potius
 aliis tradituri sint: esse hoc laboris & opera impensum.
 Cum enim ad fructum uberem capiendum parum sit
 legisse, nisi strenue quis in eis se exercuerit, & magi-
 strum in rebus spiritualibus versatum sit nactus; con-
 stat non eo animo impressa esse, ut passim in vulgus
 emanarent: sed cum laboriosum nimis esset, nec sine
 magno temporis & impensarum dispendio, iam
 multa exemplaria manuscribere, quibus ad Societatis
 ipsius usum opus erat, & ut varietate, & erratis
 plurimis (quæ in manuscriptis deprehendi solent) de-
 vitatis, indubitata fides exemplaria suppeterent, ty-
 pis hoc opus excusum est: sed omnia excusa volumina
 in potestatem Societatis, ad ipsius, ut diximus usum
 (ita ut nec vendi, nec excudi ulli possint) sunt re-
 daeta. De his te monere, pie Lector (si forte minus
 innotuerant) cum perspecta mihi sint prædicta omnia,
 officij mei esse duxi. Vale in Domino. Roma, VI.
 Idus Augusti, M. D. XLVIII.

M O N I T I O.

Ad Lectorem pium juxta ac benevolum.

Te monitum velim, amice Lector.

1. **L**ibellum hunc non tam à libris, quam ab un-
ctione sancti Spiritus, & ab internâ expe-
rientiâ & usu tractandorum animorum, scriptum
esse Hispanicè ab S. Ignatio (quod autographum Ro-
mæ etiamnum servatur in Societatis archivio) prius
quam literis navasset operam. Reductum verò Lati-
nè, à Societate, duobus modis: altero non solum qui
sensum sensui; sed pene verbum verbo; altero qui
sensum tantum sensui, sed fideliter, reddebat. Utra-
que autem hæc translatio Apostolicis est proposita Cen-
soribus; qui tamen utramque (ne verbo quidem mu-
tato quemadmodum ex eorundem patet testimoniis)
approbarunt, laudaruntque. Tum verò à Summo Pon-
tificæ Paulo III. tam insigni Bulla 31. Julij 1548.
Pontificatus sui XIV. (quæ incipit: Pastoralis Of-
ficij cura) libellus hic fuit approbatus. Vti videre
est sub initium hujus libelli.

2. Libellum hunc, ita approbatum, primâ vicè,
impressum fuisse Romæ in Augusto ejusdem Anni
1548. ita tamen, ut omnia excusa volumina in po-
testatem Societatis venirent; sit ut nec vendi, nec
excudi alibi possent.

3. A quintâ generali Societatis Congregatione
25. Junij 1596. hunc libellum Exercitiorum iteriò
cum Hispanico autographo diligenter collatum denuò
fuisse typis editum.

B 2

4. Modò

4. *Modò libellum hunc, cum facultate Superiorum fieri publicum, (in strenam Anni 1673.) adjunctâ Bullâ S. D. Alexandri VII. 12. Octobris 1657. concedentis, omnibus & singulis Christi fidelibus: tam prædictæ Societatis, aut cujuscumque alterius Ordinis & Congregationis regularibus; quam aliis quibuscumque Ecclesiasticis, & laicis, qui in domibus memoratæ Societatis Exercitia prædicta juxta laudabilem ejusdem Societatis consuetudinem per octidui spatium, quandocumque peregerint; & interea temporis verè pœnitentes, & confessi Sacrosanctum Eucharistiæ Sacramentum sumpserit quoties id egerint, plenariam omnium peccatorum suorum Indulgentiam & remissionem.*

5. *Meditationes de damnis peccati mortalis; de Morte; de Iudicio, de Filio prodigo; & de Paradiso, non haberi quidem in autographo Hispanico; quia tamen passim in cujuscvis idiomatis impressionibus ea apponi solent: idcirco etiam hic suo ordine collocantur. Innuitur id Annotatione quartâ sub finem, dum dicitur: Expediit nonnumquam succidi sive contrahi hebdomadam quamcumque vel extendi; juxta materiæ subjectæ rationem.*

6. *Prius in Vrbe impressum fuisse hunc libellum cum imaginibus quinque suprâ viginti, laminis æneis: Nunc verò amplius duplo pluribus; tum ad dilucidationem, tum ad ornatum.*

7. *Adjunctos nunc geminos Indices: alterum rerum in libello contentarum Ordine consequente, alterum (qui servare possit tam tradituro, quam Exercitia suscepturo) cum duplici numero Arithmetico, communi, & capitali Romano, ac literis capitalibus*

A.B.

A. B. C. D. E. Capitalis Romanus numerus usque ad *XXV.* denotat dies majorum Exercitiorum (quæ, per quatuor septimanas fiunt in Societate sub initium tyrocinij ab omnibus; & iterum, à Sacerdotibus, in tertio probationis anno. Capitales vero literæ *A. B. C. D. E.* suggerunt ordinem Exercitiorum quovis die servandum. Numerus denique communis indicat paginam.

8. Regulas de scrupulis vel tradendas esse, vel non tradendas, ut exercitandus eguerit. Idem esse de aliis omnibus sive regulis, sive exercitiis juxta prudentiam tradentis & dirigentis.

Ad majorem Dei gloriam.



Docente magistra Religionis. *Rup'Abb*

Brevis Instructio Meditandi

COLLECTA

EX LIBELLO EXERCITIORUM

S. I G N A T I I

Societatis IESV Fundatoris.

CAPUT PRIMUM.

De Meditatione.

Meditatio quatuor habet partes; *Oratio-* Ex prima
tionem Preparatoriam, Præludia, Puncta, septimana
& Colloquia. titulo primo
Exercitiij.

§. I.

Pars Prima Meditationis.

Oratio Preparatoria.

PER hanc petimus à Domino gratiam, ut Ex I. Exer-
vires, atque operationes nostræ omnes citio I. sept.
sincerè ad ejus gloriam, & cultum tendant. verbo Ora-
Hæc Oratio semper fit eodem modo in omni tio & verbo
Meditatione. Notandum.

B 4

§. 2. Pars

Pars secunda Meditationis.

Praludia.

*Ex omnibus
Exercitiis
totius libelli.*

Sunt hæc dispositio proxima ad ipsam Meditationem, & pro diversitate materiæ, sunt vel *tria*, vel solum *duo*.

*Ex 2. 3. &
4. septima-
na.*

In Meditationibus quæ versantur circa aliquam historiam, aut Mysterium vitæ Christi, B. Virginis, vel Sanctorum adhibentur

* *Ex 1. sept. tria*; * in aliis tantum *duo*.

Quando solum adhibentur duo Praludia.

Primum est ratio quædam componendi loci. Pro qua Notandum: quod in quavis Meditatione de re corporeâ, ut puta de Christo, effingendus erit nobis, secundum visionem quamdam imaginariam, locus corporeus id, quod contemplamur, repræsentans, veluti templum aut mons, in quo reperimus Christum *Iesum*, vel *Mariam* Virginem, aut alia, quæ spectant ad Contemplationis nostræ argumentum; sin autem speculationi subest res incorporea, ut est consideratio peccatorum, virtutum &c. Poterit loci constructio talis esse, quæ repræsentet rem aliquam, vel ad benè postea intelligendum puncta necessariam, vel certè aliquo modo connexam & proportionatam materiæ Contemplationis. Exempli causa in Consideratione peccatorum

rum pro constructione loci possemus per imaginationem quasi cernere animam nostram in corpore isto corruptibili, velut in carcere, constrictam; hominem quoque ipsum in hac miseræ valle inter animalia bruta exultantem.

Utimur autem loci compositione, tum ut etiam phantasia nostra semetipsam ad obsequium & cultum divinum impendat, tum ne ipsa evagetur, aut si quando divertat, ut habeat ad manum, quo se facile colligat, & revoct in situm illum suum, in quo se ab initio composuit. Vitandum tamen est diligenter, ne nimis in eâ fabricandâ immoremur, & vim capiti faciamus, quia non consistit in eâ præcipuus fructus Meditationis, sed est tantum via & instrumentum ad ipsum fructum.

Secundum erit præludium, ut à Domino id postulem, quod exopto, juxta propositæ Contemplationis argumentum. Vti si argumentum Contemplationis fuerit de peccatis, exoptare & petere debeo cognitionem turpitudinis, & malitiæ eorum; item dolorem, fletum, pudorem, confusionemque mei, &c. Hinc è contrâ deducitur, si argumentum fuerit de aliqua virtute, me petere debere illius intimam cognitionem, ut, perspectâ ejus pulchritudine, illam desiderem & amplectar. Et sic conformiter faciendum in aliis materiis.

*Ex directorio
in Exercitiis
c. 14. num. 5
& 7.*

*Ex 1. & 3.
Exerc. 1.
sept.*

Quando

*Quando adhibenda sunt tria praeludia.**Ex 2. 3. 4.
septimana.**Primum* est, ante loci compositionem, re-
præsentatio quædā Historiæ contemplandæ.*Ex direct. 6.
19. 2. 4.**Hoc* autem non ita intelligendum est, ut
tunc immorari debeamus meditando; sic e-
nim nihil differret præludium à Meditatione:
sed ita est accipiendum, ut in primo hoc præ-
ludio proponatur historia generatim, & quasi
tota in communi, ut sciatur ejus materia, &
anima incipiat in ea actuari, & ad eam ele-
vari: deinde verò ut in ipsa Meditatione in-
cipiat in singulis ejus partibus immorari, eas-
que ponderare & penetrare. Ut cum quis con-
jicit oculos in tabulam aliquam pictam, in
qua sit varietas rerum pictarum, prius unico
intuitu omnia confuse cernit, & scit quid in
eâ tabulâ contineatur; postea verò figit ocu-
los in singulis particularibus rebus, quæ ibi
pictæ sunt, easque figillatim melius & accu-
ratiùs perpendit.*Ex 2. 3. 4.
septimana.**Secundum* pertinet ad loci compositionem,
& erit visio imaginaria, ut superiùs dictum est,
perinde ac si oculis pateret locus ille, in quo
contigit Historia, vel mysterium propositæ
Meditationis. Quinimo ita se debet, qui me-
ditatur, constituere, quasi præsens esset my-
sterio, dum ageretur.*Ex 2. sept.
in Med. 1.
diei verbo
Tertium
continet.**Tertium* continet postulationem illius gra-
tiæ, quam veluti scopum, seu finem Medita-
tionis intendo. Exempli causâ in Meditatio-
nibus vitæ Christi, finis quem intendere debeo,
&

& petere, esse debet intima cognitio propositi mysterij, ut abhinc amem Dei filium ardentius, & sequar studiosius, * ac imiter, nominatim in ferendis injuriis, & adversis omnibus, cum verâ tum spiritus, tum etiam rerum paupertate, expugnatâ carnis, sensuum, amorisque proprii, & mundani rebellionē.

* Ex 2. sept. in contemp. de Regno Christi verbo Tertio judicandū erit.

Si verò de Christi Passione fuerit Meditandum, petam insuper lacrymas, pœnas, angores ad compatiendum Christo patienti. Sin de resurrectione, petenda erit lætitia, quâ gaudenti Christo congaudeam.

Ex 1. sept. in 1. Exerc. verbo Secundum erit.

Similiter si fuerit Meditandum de vitis Sanctorum, finis, quem petam, esse debet intima cognitio illarum virtutum, quas in aliquo Sanctorum contemplari cupio, ut in his Sanctum illum deinceps sequar perfectius.

§. 3.

Pars tertia Meditationis.

Puncta.

Sunt hæc veluti certa quædam capita, ad quæ reducitur Meditatio, & solent esse vel tria, vel quinque; vel plura, vel pauciora; prout commodius fuerit, quâ in re magnopere juvabit, ante ingressum Exercitij, tractanda puncta comminisci, & numero certo præfinire.

Ex 4. sept. in 1. Contempl. verbo Tertio, quod.

In singulis punctis exercentur tres animæ potentie, Memoria, Intellectus, Voluntas. Per memoriam juvatur intellectus ad discurrendum, per discurrendum.

Ex 1. & 2. Exerc. 1. sept.

*Vbi quasi in
primo aditu
omnium
Exercitiarū
viam mon-
strat, quæ in
meditando
tenenda est.*

discursum excitatur *voluntas* ad amplectendum, vel fugiendum id, quod proponitur. Verum tres illæ animæ potentiæ non rarò juvantur à *phantasiâ*.

Memoria proponit materiam præparatam, aliaque tum lecta, tum audita, quæ spectent ad punctum, quod habemus præ manibus.

Phantasia proponit vultum personarum, motum animorum, situm corporum, circumstantias temporum, locorum, &c. In quantum hîc & nunc id exigunt animæ potentiæ, ut vivaciùs excitentur & efficacius.

*Ex 1. Med.
2. & 3. sept.*

Intellectus considerat materiam à memoria propositam, & circà illam discurrit, apprehendendo, judicando, concludendo, deducendo rem unam ex alia &c.

*Ex 1. Exere.
1. sept.*

*In Meditationibus, quæ spectant ad Mysteria vitæ
Christi vel Sanctorum.*

*Ex 2. sept.
in Med. 1.
dici.*

Considerari debent in singulis punctis *Persona, verba, opera*; non quidem hoc ordine, sed prout occurrunt.

Persona, utpote cujus sint sexus, ætatis, naturæ, valetudinis, conditionis; humilis, an sublimis; divitis, an pauperis &c.

Verba, videlicet quæ ea sint, quo modo, quovè animo prolata, quam humili, quam benigno, aut contrà &c.

Opera, qualia nimirum ipsa in se, quo fine, quâve intentione sint facta, quàm promptè, quàm celeriter, quàm exactè &c. aut contrà sint executioni mandata.

Et

Et ut fecundiores adhuc, fructuosioresque reddamus Meditationem, in considerationem etiam venire possunt cogitationes personarum, affectus interni, virtutes, &c; præterea, circa modum, & finem verborum, ac operum considerari possunt eorum occasio, causa, effectus, tempus, aliaque circumstantia, quæ faciant ad clariorem intelligentiam, & uberiores fructum.

In omnibus his tum personarum, tum verborum, tum rerum Considerationibus faciemus reflexionem, seu applicationem quamdam ad nos ipsos, ad verba & opera nostra, & studebimus ex tali singulorum reflexione fructum aliquem referre, illum imprimis, quem in tertio præludio petimus.

*Ex 2. sept.
in Med. 1.
dici.*

Notandum Primò. In mysteriis Passionis Domini non solum considerari debent *persona*, *verba*, *opera*, ut fieri debet in omni Meditatione, quæ spectat ad aliquam historiam, eo modo quo dictum est; sed insuper requiritur primò, ut advertam quid Christus Dominus noster in humanitate patiat, aut pati appetat, juxta punctum quod meditandum suscipitur, ut incipiam & ipse maximo conatu dolorem, mæsticiam & fletum mihi excitare: idemque curabo in sequentibus punctis. Secundò, ut mediter, quo se pacto abscondens Christi divinitas, adversarios suos, cum valeat, non perdat, sed pœnas adeò crudeles pati sinat humanitatem. Tertiò, ut cogitem, cum talia ferat pro peccatis meis, quid agere debeam, aut pati ejus causâ.

*Ex 1. Cinq.
templ. 3.
sept.*

No-

Ex 1. Con-
templ. 4.
sept.

Notandum Secundo. In mysteriis resurrectionis Christi, præter considerationem personarum, verborum, operum, eo, quo dictum, est modo similiter requiritur primo, ut advertam, quomodo Christi divinitas passionis, & mortis tempore abscondita, palam se faciat in resurrectione, ac tot miraculis elucescat. Secundo, ut æstimem, quam prompto, copiosoque functus sit Dominus consolandi suos officio, adhibitâ consolationis, quæ ab amicissimo quopiam præstari potest, similitudine.

In aliis vero Meditationibus, quæ non spectant ad ullum mysterium, aut historiam.

Ex 1. C. 2.
Exerc. 1.
sept.

Exercere se debet intellectus circa ea, quæ pro varietate punctorum offeruntur, & semper uti ratiocinationibus, similitudinibus, exemplis, comparisonibus, argumentis desumptis ex Sacris Literis, Sanctis Patribus, aliisque bonis auctoribus. Atque hoc ordinario discurrendi genere juvari etiam debet intellectus in Meditationibus spectantibus ad aliquam historiam.

Ex 1 Exerc.
1. sept.
Ex direct.
c. 14 n. 3.

Advertendum diligenter, quod, licet adhibendus sit intellectus ad cogitandum, major tamen habenda sit cura affectus, & interioris gustus, quam ut multi conceptus, quantumvis pulchri, & acuti formentur: quare cognitiâ aliquâ per discursum veritate, proponi statim debent voluntati varia motiva, verbi gratiâ, necessitatis, utilitatis, delectationis, honoris, facili-

facilitatis, &c. donec moveatur voluntas, impellaturque ad amplectendum, vel fugiendum id, quod proponitur.

Voluntas movetur per ea, quæ *proponuntur* Ex I. 6. 2. Exerc. I. sept. ab intellectu, excitaturque in se amorem, odium, iram, indignationem, timorem, dolorem, spem, gaudium, desiderium, aversionem; simileve affectus pro varietate rerum ab intellectu propositarum. Possunt deinde similes affectus dilatarī seu renovari per admirationem, humiliationem, invitationem, laudationem, obsecrationem, petitionem, prosopeiam, querelam, reprehensionem, oblationem, gratiarum actionem &c.

§. 4.

Pars quarta Meditationis.

Colloquia.

Possunt hæc esse vel plura, vel pauciora; Ex I. 6. 3. Exerc. I. sept. consistuntque in eo, quod loquamur voce, aut mente cum Deo, vel Sanctis; nunc donum aliquod petendo, nunc gratias agendo pro beneficiis acceptis, alias culpam aliquam meam inculpando, interdum propria quælibet familiariter communicando, ac petendo consilium super illis, sive auxilium &c.

Hoc autem universim loquendo in *Colloquiis* agere convenit, quod præsentis rei ratio postulat; videlicet, prout sentio in me consolationem, vel perturbationem, prout virtutem unam,

Ex I. Cons. templ. 3. sept.

unam, vel alteram expeto, prout in hanc, vel illam partem de me statuere intendo, prout etiam de re, quam contemplor, tristici volo, vel lætari. Denique postulandum erit illud, quod circa rem certam aliquam maximè desidero, & veluti scopum Meditationis intendo.

Ex Annotatione
tertia
ad Exercitia.

Hæc *Colloquia*, quia fiunt cum Deo, aut Sanctis, majorem exigunt à nobis reverentiam, quam dum per usum intellectus circa intelligentiam potius moramur.

Ex 1. Exerc.
1. sept.

Ut autem hæc *Colloquia* fiant majori cum attentione ac devotione, plurimum conferet inducere personam, modò filij agentis cum patre, modò servi loquentis cum domino, modò rei tractantis cum iudice, sponsæ cum sponso, amici cum amico &c. juxta internam sancti Spiritus motionem.

Ex 3. Exerc.
1. sept.

Adhibenda sunt similia *Colloquia*, quoties Spirituali motu se, qui meditatur, ad hæc impelli sentit, sive id sit in decursu, sive in fine Meditationis.

Ex omnibus
Exercitiis
prius libelli.

in fine autem semper adhibendum est vel unum vel triplex *Colloquium*; quia tunc anima ex Meditatione sentit se magis elevatam.

Colloquia, quæ adhibentur in fine, terminantur semper Oratione aliquâ vocali, directâ ad eam personam, cum qua proximè collocuti sumus.

Ex 1. Contempl.
3. sept. & alibi.

Si *Vnum* dumtaxat in fine adhibetur *Colloquium*, terminatur cum *Pater noster*.

Si devotio instiget, ut sit triplex: primum dirigi-

rigitur ad Dominam nostram Christi Matrem, flagitando intercessionem ejus apud filium ad obtinendum, quod desideratur, & recitando semel in fine *Ave Maria*.

Secundum fit ad Christum Hominem, Dominum & Mediatorem nostrum, ut, quod desideramus, nobis impetret ab æterno Patre, dicendo in fine *Anima Christi*.

Tertium est ad Deum Patrem, ut nobis largiatur, quod petimus; & in fine semel recitatur *Pater noster*.

CAPUT SECUNDUM.

Praxis Meditandi.

Ad Praxim Meditandi requiritur.

1. Preparatio $\left. \begin{array}{l} \text{Remota} \\ \text{Proquinqua} \\ \text{Proxima} \end{array} \right\} \text{ad Meditationem}$

2. Compositio sui-ipsius ad ingressum Meditationis.
3. Exercitium potentiarum in decursu Meditationis.
4. Colloquium sub finem Meditationis.
5. Recollectio post Meditationem.

§. I.

Preparatio remota ad Meditationem.

Qui mane meditabitur, pridie vesperi attentè legat bis terve materiam Meditationis: diligenter prævideat, quæ debeant esse prælu-

Ex 4. sept.
Notandum
tertio.

præludia; quor vel it adhibere puncta; deter-
minet unum aut plures fines, quos intendat;
advertat, quid circa singula puncta, conside-
rari possit; singulariter verò observet in My-
steriis vitæ Christi, ac Sanctorum quæ *personæ*,
quæ *verba*, quæ *opera*, possint cum fructu in
considerationem venire.

*Ex Additio-
ne prima ad
Exercitia.*

Post cubitum ante somnum, modico tem-
poris spatio, quo recitaretur semel Angelica
salutatio, cogitet de horâ, quâ surgendum sibi
erit, & de exercitio faciendo, idem fiet quo-
ties evigilari continger.

*Ex Additio-
ne 2. ad Ex-
erc.*

Mane expergefactus statim, exclusis om-
nibus aliis cogitationibus, proponat primò
diligenter observare quæ ad bene Meditandum
requiruntur; deinde animum ad illud appli-
cet, quod proximè contemplaturus est, exci-
tando in se affectum congruum Meditationi
faciendæ, ruminando verbi causâ piam ali-
quam sententiam alicujus ex SS. Patribus, aut
versiculum Sacræ Scripturæ; vel versando
mente similitudinem aliquam, quomodo sta-
ret vel miles coram rege, vel reus coram ju-
dice, vel servus coram domino, &c. prout ex-
igit materia proximæ Meditationis; sive quo-
modo æger ageret cum medico, vel pauper
cum divite, vel discipulus cum magistro, vel
filius cum patre, amicus cum amico, in iis
nempe circumstantiis in quibus se in proximâ
Contemplatione reperiet. Exempli causâ in
Meditatione de peccatis, majoris verecundiæ
& confusionis gratiâ exemplum sibi hujus-
modi

modi proponat. Quomodo miles aliquis staret coram rege suo, & cætu aulico erubescens, anxius & confusus, qui in regem ipsum, acceptis ab eo prius beneficiis donisque plurimis ac magnis, graviter deliquisse convictus esset, vel reputans quantum peccaverit, fingat se catenis vinctum esse, ac protinus sistendum coram summo iudice, sicut mortis reus quispian ferreis ligatus compedibus duci ad tribunal solet; * vel si meditandum fuerit de Vita Christi, tunc debet, simul atque excitatur à somno, Meditationem proximè instantem menti obijcere, ac desiderium provocare cognoscendi clariùs Incarnati Æterni Verbi, ut ipsi serviat, & adhærescat tantò propensius, quantò incredibiliorem erga se bonitatem ejus perspexerit. * His igitur, vel aliis, pro meditandarum rerum genere, cogitationibus ac affectibus imbutus vestitu suo se induet.

* Ex 2. sept.
5. Contempl.
Notandum
quartum.

* Ex addit:
2. ad Exerc.

Qui per diem meditabitur, ante ingressum exercitij comminisci debet puncta, & numero certo præfinire, aliaque hîc superiùs posita, quoad fieri potest, observare.

Ex 4. sept.
Notandum
tertio.

Ubi instare animadvertet meditandi horam, imaginetur sibi invitari se ab Angelo Custode, aut aliquo Sanctorum suo Patrono, ut coram Deo appareat; & priusquàm accedat, prospiciat eminus quo feratur, & coram quo sit appariturus, & acceptâ aquâ benedictâ, signet se signo crucis cum intentione propulsi omnes diabolicas fraudes, quæ fructum Meditationis impedire possent. Tum denique

Ex 2. sept.
Notandum
quintum.

accedat ad locum Meditationis cum certâ quâdam spirituali aviditate, desiderioque fruendi ac satiandi se divinâ præsentîâ.

inf.
Sof.

§. 2.

Præparatio propinqua ad Meditationem.

*Ex Addit. 3.
ad Exerc.*

ADhuc uno, vel gemino passu distans à loco futuræ Meditationis, per tantillum tempus, quo percurri Oratio Dominica posset, consideret Dominum suum JESUM ut Deum & Hominem, aut totam Sanctissimam Trinitatem, vel (ne erret phantasia) eliciat actum fidei, quam potest, perfectissimum, credatque vivaciter habere se Deum præsentem, & spectantem, quidnam acturus sit, cui reverentiam cum humili gestu exhibere debeat, semet nempe primum inclinando, ac flexis deinde genibus Deum adorando, cujus divinâ præsentîâ se, quoad potest, reputare debet indignissimum, & dolere ob indignitatem suam & peccata: fretus tamen Dei Clementiâ offerat se, suaque omnia per Orationem præparatoriam, eo, quo dictum est, modo

Cap. I. §. I.

Notandum quod tota hæc propinqua præparatio brevissimo temporis spatio fieri possit, & debeat, cum sit tantum quædam inductio ad ipsam Meditationem, nec in eâ consistat præcipuus ejus fructus.

§. 3. *Præ-*

§. 3.

Præparatio proxima ad Meditationem.

Fiant hîc duo, vel tria præludia, prout exigit præparata materia, eo, quo dictum est, modo *Cap. I. §. 2.*

§. 4.

Compositio sui-ipsius ad ingressum Meditationis.

Aggregiatur ipsam Contemplationem à primo pnncto, nunc prostratus humi, & pronus aut supinus jacens, nunc sedens aut stans, & eo se componens modo, quo speret facilius id consequi, quod optat: ubi adverti hæc duo debent. Primum, quod si flexis genibus, vel in alio quovis situ, voti compos fiat, nil requirat ultra. Secundum, quod in puncto, in quo assecutus fuerit quæsitam devotionem, conquiescere debeat, sine transcurrendi anxietate, donec sibi satisfecerit.

Notandum, quod compositio illa sui ipsius, quæ hîc ad ingressum Meditationis præscribitur domi tantum, & clanculum exequenda sit; in templo verò, vel coram aliis numquam, ubi ea compositio corporis est tenenda, quæ communiter solet ab omnibus publicè usurpari.

*Ex Additio-
ne 4. ad Ex-
erc.*

*In fine 1.
sept. Secun-
dum.*

§. 5.

Exercitium potentiarum in decursu Meditationis.

Ex. 1. §. 2.
Exerc. I.
sept.

Ex 2. sept,
in Med. 1.
dici.

Modus vero Meditandi hic erit: Memoria proponet partem aliquam materiæ, discutiet illam intellectus, donec moveatur Voluntas ad amplectendum vel fugiendum id, quod proponitur: ad quod multum proderit observare utrum personæ, quæ occurrunt considerandæ, operentur juxta naturam, rationem, conditionem, gratiam &c. quorum omnium reflexione, seu applicatione quâdam ad seipsum faciâ, studebit ex singulis non nihil fructus decerpere, atque ita absoluto uno puncto Meditationis transibit eodem modo ad alia, donec hora compleatur. In hoc autem modo Meditandi, diligenter observanda sunt, quæ diximus *Cap. I. §. 3.* cum in eo præcipuus fructus Meditationis consistat.

§. 6.

Colloquium sub finem Meditationis.

Circa finem instituat unum Colloquium, aut triplex, si instiget devotio, & absolvat Meditationem per unam, vel triplicem Orationem vocalem, prout dictum est. *Cap. I. §. 4.*

Meditatio integrè facienda.

Cum in quotidianâ Meditatione expendi debeat

debeat unius horæ tempus; curet semper animi quietem in hoc reperire, quòd plus temporis potiùs, quàm minus insumpsisse sibi sit conscius. Frequens est enim dæmoni hoc agere ut præfixum Orationi temporis spatium decurteretur. Cum autem facile sit ac leve affluente consolatione integram Contemplationis horam traducere: difficillimum è contrà, incidente desolatione; ideo aduersus tentationem ac desolationem semper pugnandum est, producto ultrà præfinitam horam exercitio, vincendi gratiâ. Ità enim non solum discimus resistere aduersario, sed eum etiam expugnare.

Ex Annot.
tione 12. &
13. ad Ex-
ercitia.

§. 7.

Recollectio post Meditationem.

HOrâ Meditationis completâ, sedens vel deambulans par quartam circiter horæ partem, secum dispiciat quonam modo Meditatio, seu Contemplatio sibi successerit; & si quidem malè, inquirat causas cum pœnititudine, ac emendationis proposito: sin verò benè, gratias Deo agat, eundem postcà modum observaturus.

Ex Addit. 5.
ad Exerc.

Primò. Itaque secum dispiciat, quem modum tenuerit in formandâ Dei præsentîâ, in Oratione præparatoriâ, in præludiis, in exercitio memoriæ, intellectus, voluntatis, in Colloquiis, & quo se modo habuerit ubique phantasia.

C 4

Secundò.

Secundò. Examinet distractionem vel collectionem mentis, ariditatem vel fecunditatem discursus, desolationem vel consolationem animi, inquirendo earum causas, ac qualitates, & quo modo se in iis gesserit.

Tertiò. Colligat lumina intellectus, qualia sunt certæ quædam ac evidentes veritates, dictamina rationis, axiomata &c. præterea affectus voluntatis, ut sunt amoris, odij &c. denique etiam propofita.

Quartò. Si quæ sint cognitiones, motiones, deliberationes singulares, eas brevissimè scripto annotet, non diffusè per modum sermonis.

Ex direct.
c. 3. n. 5.

Puncta verò, quæ deberent annotari, possunt esse duplicis generis: vel practica quæ pertinent ad agendum, ut sunt desideria quædam, aut firmæ deliberationes faciendi aliquid; vel quæ pertinent ad cognoscendum, ut sunt quædam veritates, aut lumina circa aliquam materiam, ut alicujus virtutis v. g. humilitatis, contemptus mundi, patientiæ &c. vel etiam in aliquâ materiâ Meditationis, ut incarnationis, vel passionis Domini, & similia, ejusmodi præsertim, quæ sint quasi axiomata quædam, & viam aperiant ad benè percipiendas, & meditandas illas materias.

CAPUT TERTIUM.

De Repetitione Meditationis.

Repetitio est veluti quædam eorum rumi- Ex 4. Exerc.
natio, quæ prius meditati sumus, ut ea I. sept.
continuè reminiscendo discurrat faciliùs in-
tellectus sine divagatione.

Hujus autem Repetitionis usus est valde Ex direct.
utilis, tum ut firmiùs nobis imprimatur, quod c. 15. n. 2.
ante meditati sumus, tum ut plus temporis
dari possit internis affectibus; quod non ita
potest fieri cum aliqua materia primum con-
sideratur, quando vel toti sumus in quærendis,
formandisque discursibus, vel intellectum po-
tius pascimus rerum novitate ac curiositate
quadam; quàm moveamus voluntatem in-
ternis affectibus, in quibus tamen potissimùm
consistit fructus.

Quoad Praxim, servanda sunt in Repeti- Ex 3. Con-
tione eadem omnia, quæ diximus *Cap. 2. de* templ. 2.
praxi Meditandi: nam Repetitio non differt sept.
à Meditatione: cum non sit aliud, quàm ite-
rata ejusdem materiæ Contemplatio. Hinc
etiam eadem prorsus adhibenda sunt in Re-
petitione Præludia, eodemque modo & ordi-
ne per eadem procedendum est puncta, sicuti
factum fuit in primâ ejusdem rei Medita-
tione.

Duo tamen sunt, quæ debent hîc peculia- Ex 3. Con-
riter observari. templ. 2.
sept.

Primò.

Primò. Oportet sibi tantùm simpliciter proponere singula puncta & quasi percurrere, quæ priùs meditati sumus, notando ubique & fixiùs tractando illas partes, in quarum priori transcurso aliquid illustrationis, consolationis, desolationis, aut alterius cujuscumque spiritualis affectionis acceperimus; ac illis diutiùs, diligentiusque immorabimur.

Ex 3. Extrc.
1. sept.

Secundò. Quia hîc in Repetitione supponitur plùs nos indulgere gustui ac devotioni internæ per frequentiores affectus, quam quidem fecerimus in primâ earumdem rerum Contemplatione, ideò plura hîc etiam Colloquia nobis sunt adhibenda; & occurrente nobis spirituali motu, ad Colloquia, quæ sequuntur tria veniemus.

Colloquium primum fit ad Dominam nostram Christi Matrem, flagitando intercessionem ejus apud filium, & gratiæ impetrationem nobis necessariæ. His expletis semel recitetur *Ave Maria*.

Secundum Colloquium fiat similiter ad Christum Dominum & Mediatorem nostrum, ut illa eadem nobis impetret ab æterno Patre. Subdetur in fine Oratio quæ incipit *Anima Christi*.

Tertiùm eodem processu faciendum est ad Deum Patrem, ut annuat petitioni, & in fine semel recitandum *Pater noster*.

Cætera observantur eo modo, quo dictum est supra Cap. 2.

Ex 4. Extrc.
1. sept.

Notandum, quod bis etiam repetere possimus

mus idem, si magna sentitur consolatio, aut alius bonus, & spiritualis affectus.

CAPUT QUARTUM.

De Applicatione sensuum per Imaginationem.

Apprimè conducit quinque imaginarios sensus etiam exercere circa mysteria, quæ ante meditati sumus, aut aliundè benè possidemus. *Primò*, quia anima ex cognitione mysteriorum in Meditatione impinguita, descendens deinde ad hæc sensibilia, in omnibus invenit pastum & consolationem, & fructum ex abundantia amoris, qui facit, ut minima quæquæ, ac vel ipsi nutus magni fiant, & materiam amoris & consolationis præbeant. *Secundò* quia cum interdum anima non possit profundiora speculari, dum in hoc genere Contemplationis immoratur, paulatim disponitur, & elevatur ad illa altiora.

Ex 5. Contempl. 2.
sept.
Ex direct. c. 20. n. 4.

Hoc Exercitium easdem habet partes, quas Meditatio de quibus *Cap. 1.* & etiam quoad praxim servanda sunt eadem, quæ habentur *Cap. 2.* excepto eo, quod ibidem diximus §. 5. *de exercitio potentiarum in decursu Meditationis*: nam sicuti in omnibus punctis Meditationis exercentur tres animæ potentiæ memoria, intellectus, voluntas, sic in singulis hinc exerceri, & applicari debent quinque sensus imaginarii visus, auditus, odoratus, gustus, & tactus. Differt itaque Applicatio sensuum à Meditatione

Ex 5. Exerc. 1. sept.
Ex 5. Contempl. 2. sept. & alibi.

Ex direct., c. 20. n. 3. tione in eo, quod Meditatio magis sit intellectualis, seu magis versetur in ratiocinatione, ac discursu: Applicatio verò non ità discurrat, sed inhæreat in illis sensibilibus, ut in aspectu, & auditu, & reliquis ejusmodi, quibus fruitur, & delectatur cum profectu spirituali.

Ex 5. Exerc.
1. sept.
Ex 5. Contempl. 2. sept. Inchoanda est hæc Applicatio sensuum à sensu visus, per quem imaginemur nos videre personas, actiones, eaque omnia, quæ in præsentis puncto sunt objectum visus. Deinde applicandus est auditus, odoratus, gustus, & tactus; singuli sensus ad objecta sibi propria: quamquam hic ordo applicationis non ità sit necessarius, quin pro præsentis devotione, aut aliâ objectorum oblatione, variari possit.

Ex 5. Contempl. 2. sept.
Ex 5. Exerc. 1. sept. Quod si aliqua fortè non sint objecta corporalia, aut sensibus imaginariis propria, proponantur metaphorica, & spiritualia: sic gustare possumus dulcedinem animæ cælestibus gratiis delibutæ, sic olfacere virtutum fragrantiam, aut fœtorem peccati, sic sentire vermem conscientiæ &c.

Ex Direct., c. 20. n. 1. Quia autem hæc sensuum Applicatio significat continuam quamdam rerum vel personarum, quas contemplamur, præsentiam, ideo fieri debet cum gustu, & amore earum tenero; tamen cum omni reverentiâ, modestiâ, ac timore; sicut fieri solet cum corporaliter invisuntur loca sacra; præcipuè vero reverenter applicandus est sensus tactus, cum loca seu personas sanctas, aut earum vestimenta, vestigia &c. tangimus, vel osculamur.

Ubi

Ubi verò in Applicatione unius sensus, *Ex 5. Contempl. 2. sept.* puta visus, devotioni nostræ satisfecerimus, pro reformatione aliquâ morum in nobis faciendâ reflectemus subito ad nos ipsos, & per brevem discursum, ac convenientem affectum conabimur voluntatem movere, & factum referre. Et sic uno sensu cum profectu spirituali applicato, applicabimus similiter & reliquos.

In singulis punctis propositæ Contemplationis adhibenda erit talis Applicatio quinque sensuum. Reliqua eo fiunt modo, quo dictum est *Cap. 2.*

CAPUT QUINTVM.

Praxis applicandi quinque sensus imaginarios.

Preparationes ad Meditationem, & compositio sui ipsius ad ejus ingressum, de quibus *Cap. 1.* hîc eodem planè modo observantur. Sed in decursu Meditationis loco exercitij potentiarum, adhibenda erit Applicatio quinque sensuum, eo, qui sequitur, modo, prout res subiecta feret. *Ex 2. sept. Contempl. 5.*

Primò. Debet is, qui hoc modo contemplabitur, secundùm imaginationem respicere personas omnes, & notatis, quæ circa eos occurrent, circumstantiis, utilitatē suam elicere.

Secundo. Velut audiendo quid loquantur, aut loqui eas deceat, omnia in usum suum attrahere.

Tertiò.

Tertiò. Interiore quodam gustu, & olfactu sentire, quanta sit suavitas, & dulcedo animæ divinis donis, ac virtutibus imbutæ, juxta rationem personæ, quam consideramus, adaptando sibi ea, quæ fructum aliquem afferre possint.

Quartò. Per internum tactum attingere, ac deosculari vestimenta, loca, vestigia, cætera-que personis talibus conjuncta, unde fiat devotionis, vel boni cujuslibet spiritualis major accessio.

Absoluto sic uno puncto Contemplationis, transibit ad aliud eundem ordinem in eo servando, donec hora compleatur. Per unum vel triplex Colloquium imponendus erit finis, adjectâ itidem unâ, vel triplici oratione vocali, prout dictum est. *Cap. 1. §. 4.*

Denique examinet successum Contemplationis, & annotet fructus, sicuti dictum est suprâ. *Cap. 2. §. 7.*

CAPVT SEXTVM.

De tribus modis orandi.

Ex direct.
6. 37. n. 1.
6. 13.

HI modi orandi aptissimi sunt, & valde utiles profectui spirituali, præsertim cum quis non potest ita habere perpetuos discursus in Oratione, ut diutiùs hæreat in unâ materiâ; vel quia est fatigatus, vel malè habet, vel aliunde non est dispositus ad altio-rem Contemplationem, & mentis excursus.

§. 1.

§. I.

De primo modo orandi.

Primus modus orandi est brevis aliquis discursus circa præcepta Dei aut Ecclesiæ, circa septem peccata capitalia, circa tres potentias animæ, & quinque sensus corporis, hoc, quod si sequitur, modo.

*Ex libello
Exerc. de 1.
orandi modo.*

Primò circa præcepta, cogitando quomodo malè ea servaverit, & proponendo in posterum meliùs servare.

Secundò circa peccata, considerando quomodo facilè ea commiserit, & statuendo posthàc diligentius fugere.

Tertiò circa animæ potentias, & sensus, videndo quomodo iis usus sit malè, & concludendo in usu eorum deinceps vel Christum, vel Christi Matrem imitari.

Est tamen *advertendum*, maximè in meditando peccatis, non ità debere institui Meditationem, quasi examinare velimus conscientiam, ut fit cum nos præparamus ad confessionem, sed hîc principalis intentio est, cogitare ipsas materias, & hâc occasione reflectere ad nos ipsos.

*Ex direct.
c. 37. n. 6.*

Potest autem hic *primus orandi modus* altiùs paululum elevari, & dilatari.

In præceptis quidem, considerando *primò*, præceptum ipsum in se. *Secundò*, quam utilis ejus observantia. *Tertiò*, quomodo antea observatum sit, & si benè, agendo gratias Deo;

*Ex direct.
c. 37. n. 3.*

fin

fin contrà, dolendo & petendo veniam. *Quartò*, proponendo in posterum perfectam & exactam observantiam, & petendo ad hoc gratiam per Colloquium, quo finito, si non expleta si hora, transeat ad aliud præceptum eodem ordine, donec hora expleatur.

In peccatis autem, videndo *primò* singula, quàm mala sint, & quàm justè prohibita. *Secundò*, quantum noceant, si non fugiantur. *Tertiò*, quomodo adhuc fugerit, vel in posterum decreverit fugere.

In potentiis & sensibus, cogitando *primò* quàm nobiles, & quàm nobis utiles sint singulæ. *Secundò* ad quem finem datæ. *Tertiò* quomodo iis usus sit Christus, vel Beatissima Virgo. *Quartò*, quomodo nos usi simus, & quomodo possimus meliùs. *Quintò*, hoc proponendo, & ad hoc gratiam petendo per Colloquium.

Hoc orandi genus dicitur S. Franciscus Xaverius commendare solitus omnibus animabus, quas tractabat, ità ut etiam pœnitentiæ loco injungere soleret, ut manè & vespere aliquod tempus huic impenderent.

Ex direct.

c. 37. n. 7.

Notandum primò. Sicut hic orandi modus circa præcepta, & peccata capitalia magis est pro iis, qui in sæculo, assiduis peccandi periculis expositi, non rarò Deum offendunt; sic qui sæculo renuntiarunt, vel ad perfectionem tendunt, per eundem hunc orandi modum convenientiùs se, ac fructuosiùs exercere possunt circa consilia Christi Domini, seu consti-

constitutiones, regulas, ordinationes, quibus se sponte suâ propter amorem ipsius obstrinxerunt.

Notandum secundò. Quod, sicut in hoc orandi modo discurremus circa tres animæ potentias, & quinque sensus corporis; similiter id fieri possit circa alias potentias, & sensus singillatim, & inter alia circa facultatem loquendi, virtutem motivam, & similia; ut sunt sedere, stare, incedere, comedere & sic circa reliquas actiones humanas, denique etiam circa internam animi affectionem, seu constitutionem à quâ, tamquam à suo principio externi illi actus promanant. Et sicut hic orandi modus in usu potentiarum, ac sensuum nobis proponit exemplum Christi, vel Beatissimæ Virginis, ita plurimum conferet ad interni externique hominis nostri reformationem.

§. 2.

Praxis orandi primo modo.

Priusquàm orem hoc modo, sedabo vel deambulabo paulisper (prout ad animæ quietem facere videro) pensitans apud me, quò mihi accedendum sit, & quid faciendum. Et hoc æquipollet illi, quod diximus *de formandâ Dei presentia* Cap. 2. §. 2.

Oratio præparatoria gratiæ contineat postulationem, ut mihi detur agnoscere quidquid deliquero, meque in posterum emendare ad Dei gloriam & salutem meam.

D

Pri-

Ex direct.

c. 37. n. 5.

Ex libello

Exerc. de 1.

Orandi

modo.

Primò ergo , mandatum quodlibet ordine discutiam attendens, quo pacto servaverim illud, aut violaverim , de quæ succurrentibus in memoriam delictis veniam precabor, recitando semel *Pater noster*. Porro in excutiendis singulis præceptis, satis fuerit infumi spatium temporis, quo ter posset Oratio Dominica percurri : * tamen si quis in aliquo gustum inveniret, vel utilitatem aliquam spiritualem, deberet ibi hære diutius; etiamsi non posset absolvere omnia præcepta.

* *Ex Addit.*
4. *ad Exer.*

Ex libello
Exerc. de P.
Orandi modo.

Notandum, quòd universim loquendo circà præceptum, cujus prævaricatio rarior nobis accideret, minùs immorandum esset; ac cò amplius , quò lapsus fuerit ex assuetudine frequentior. Hæc similiter circà consilia Christi & regulas &c. præstari possunt.

Completo sic per singula discursu post mei accusationem , & gratiæ implorationem, ut ea vigilantius deinceps custodiam , Colloquium dirigam ad Deum juxta rei occasionem.

Secundò, similem Orationis modum prosequi possumus circa peccata, nullâ re mutatâ, nisi quòd præcepta sint servanda , peccata vero devitanda.

Tertiò, idem eodem modo fieri debet circa potentias & sensus nullâ itidem re mutatâ præter materiam.

Hic autem *subnotandum* est , quòd si quis optet in sensuum suorum usu Christum imitari , debet in Oratione præparatoria seipsum super hoc Deo commendare, factæque sensuum

scum singulorum examinationi Dominicam Orationem subicere: si verò similem affectet B. Virginis MARIE imitationem, ei se commendet; tamquam à filio id impetraturæ, & Salutationem Angelicam, dum sensus excutit, identidem recitet.

§. 3.

De secundo modo orandi.

S*ecundus modus orandi* consistit in eo, ut flexis genibus vel sedendo (pro habitudine corporis, & animi devotione) oculis vel clausis, vel defixis in partem unam, neq; huc & illuc motis recitemus Orationem aliquam vocalem, & in primâ voce Meditationis figamus pedem, hæreamusque, quamdiu circa eam variæ nobis significationes, similitudines, spirituales gustus, & aliæ commotiones devotæ incident; & ita deinceps per singula verba Orationis facitabimus.

*Ex libello
Exerc. de 2.
Orandi modo.*

Oratione quâlibet sic completâ, fiet Colloquium ad illâ personam, ad quam pertinebat.

Notandum primò. Quando una vox non facit sensum, plures debent conjungi, ut in Oratione Dominicâ *Qui es in calis*, aut *Sanctificetur nomen tuum*. Aliæ sunt voces, quæ solæ præbent materiam Meditationis, ut *Pater*, vel *nosfer*.

*Ex direct. c.
37. n. 9.*

Notandū secundò. Quod hic dicitur de Oratione vocali, idem intelligendum est de aliquibus Scripturæ locis, ac præsertim psalmis, è quibus aliqui eligi possunt, vel psalmi toti, vel eorum

*Ex direct. c.
37 n. 10.*

versiculi, qui uberrimè pascunt intellectum ,
& affectum.

Regulæ tres circa hæc observandæ.

*Ex libello
Exerc. de 2.
Orandi
modo.*

Prima, ut in tali precationis cujuslibet ruminatione, horæ spatium insumamus, quo expleto *Ave Maria*, *Credo*, *Anima Christi*, & *salve Regina* semel juxtà communem morem, vel mente solâ, vel etiam voce percurrantur.

Secunda est quòd si orantibus hoc modo nobis, in unâ voce, vel duabus Meditatio affluat, & interna simul delectatio; postponenda erit transcurrendi cura, licet hora tota prætereat, quâ elapsâ reliquum Orationis cursim recitetur.

Tertia, ut quando ità contigerit meditandæ voci uni, aut pauculis, horam impendisse, proximâ vice recitato breviter eo, quod excussum fuit, ad sequentis verbi considerationem pergamus.

§. 4.

Praxis orandi secundo modo.

*Ex libello
Exerc. de 1.
modo orandi.*

Primò. Sedens vel deambulans, prout facit ad animæ quietem, cogitabo paulisper apud me, quo mihi accedendum sit, & quid faciendum, quòd ad omnem Orationem si-
ve mentalem siue vocalem præmitti debet.

*Ex libello
Exerc. de 2.
orandi modo.*

Secundò. Oratio præparatoria personæ congruet, ad quam dirigitur Meditatio.

Tertiò.

Tertiò. Auspicabor Meditationem à primâ voce precationis, eo modo, quo dictum est hîc suprâ §. 3. & ità prosequar per alia verba, donec præfinitum tempus expleatur.

Quartò. Præfinito tempore sic expleto, personam illam, ad quam pertinebat, paucis compellabo, virtutem aliquam aut gratiam petens, quâ maximè indigere me sensero. His expletis recitabo *Ave MARIA, Credo, Anima Christi, & Salve Regina* ut dictum est hîc suprâ §. 3. *Regulâ primâ.*

§. 5.

De tertio modo orandi.

T*ertius modus orandi* in eo consistit, ut inter singulas respirandi vices, singula cuiusvis Orationis verba transmittamus, expensâ interim vel significatione vocis, vel personæ, ad quam Oratio spectat, dignitate, vel meâ ipsius vilitate, vel utriusque postremo differentiâ.

*Ex libello
Exerc. de 3.
orandi
modo.*

Juvat autem hic modus, ut assuescamus facere Orationem vocalem cum attentione & devotione debitâ, ut servemus illud Apostoli, *orabo spiritu, orabo & mente.* Quare hoc exercitium est valde utile iis, qui obligati sunt ad horas Canonicas, vel alias Orationes vocales.

*Ex direct.
c. 37. n. 12.*

Praxis orandi tertio modo.

*Ex libello
Exerc. de 3.
orandi
modo.*

PRaxis orandi hoc modo in nullo differt à praxi superioris modi, nisi quod hìc in considerandis singulis vocibus cujusvis Orationis, solùm id temporis infumamus, quo communiter una respiratio durare solet.

*Ex Addit:
4. ad Exer.*

Quod si quis pro suâ devotione diutiùs hìc uni voci immorari vellet, poterit quidem, & deberet, si gustum peculiarem inveniret, vel utilitatem aliquam spiritualem, sed tunc potiùs ad secundum orandi modum pertinebit, quàm ad tertium.

ANNOTATIONES

Quædam aliquid afferentes intelligentiæ ad Exercitia spiritualia quæ sequuntur.

Vt juvari possit tam is, qui ea traditurus est, quam qui accepturus.

PRima est Annotatio, quòd ipso nomine *Quid nomine exercitiorum spiritualium.* spiritualium exercitiorum, intelligitur modus quilibet examinandi propriam conscientiam: item meditandi, contemplandi, orandi secundum mentem, & vocem: ac postremò alias quascunque spirituales operationes tractandi, ut dicetur deinceps. Sicut enim deambulare, iter facere, & currere, exercitia sunt corporalia; ita quoque præparare & disponere animam ad tollendas affectiones omnes malè ordinatas, & iis sublatiis, ad querendam & iuveniendam voluntatem Dei, circa vitæ suæ institutionem, & salutem animæ, exercitia vocantur spiritualia.

Secunda est, quòd ille, qui modum & ordinem alteri tradit meditandi, sive contemplandi fideliter narrare debet meditationis, seu cōtēplationis historiam; percurfis obiter dumtaxat

D 4

punctis

Quid præhandum tradenti Exercitia.

punctis illius præcipuis, & adjectâ soium brevi declaratiunculâ: ut is qui meditaturus est, accepto veritatis historicæ primùm fundamento discurrat postea & ratiocinetur per seipsum. Ita enim fiet, ut dum aliquid invenerit, quod elucidationem vel apprehensionem historię, aliquantò majorem præbeat (sive ex discursu proprio, sive ex divinâ mentis illustratione id contingat) gustum delectabiliorem, & uberiores fructus percipiat, quàm si res ipsa ei ab altero diffusius narrata & declarata esset. Non enim abundantia scientiæ, sed sensus & gustus rerum interior desiderium animæ explere solet.

*Ubi major
reverentia.*

Tertia est, quòd cùm sequentibus omnibus Exercitiis spiritualibus utamur actibus intellectus, quando discurremus, voluntatis verò, quando afficimur; advertendum est in operatione quæ præcipuè est voluntatis, dum voce aut mente cum Domino Deo, vel Sanctis ejus colloquimur, majorem exigi à nobis reverentiam, quàm dum per usum intellectus, circa intelligentiam potiùs moramur.

*Ordo hebdomadarum
moderari
potest.*

Quarta est, quòd licet Exercitiis sequentibus, assignentur quatuor hebdomadæ, totidem exercitiorum partibus, singulæ singulis respondententes, videlicet; ut in primâ hebdomadâ fiat consideratio de peccatis; in secundâ de D. N. JESU Christi vitâ, usque ad ingressum ejus in Hierusalem die Dominicâ Palmarum; in tertiâ de passione ejusdem; in quartâ de resurrectione, & ascensione, adjectis
tribus

tribus orandi modis : non tamen ita accipien-
dæ sunt dictæ hebdomadæ, ut necesse sit u-
namquamque continere septem vel octo dies.
Cum enim contingat alios aliis tardiores, vel
promptiores esse ad consequendum id, quod
quærunt (puta in primâ hebdomadâ contri-
tionem, dolorem, & lacrymas de peccatis suis)
aliquos etiam plus aut minùs agitari proba-
rique variis spiritibus : expedit nonnumquàm
* succidi hebdomadam quamcumque, vel * 2
extendi, juxta materiæ subjectæ rationem.
Solet tamen totum Exercitiorum tempus tri-
ginta dierum, aut circiter, spatio concludi.

Quinta est, quòd mirum in modum juvatur, *Quid exer-*
qui suscipit Exercitia, si magno animo atque *citia facien-*
liberali accedens, totum studium, & arbitrium *ti.*
suum offerat suo Creatori, ut de se, suisque
omnibus id statuatur, in quo ipsi potissimum
servire possit, juxta ejusdem beneplacitum.

Sexta est, quòd tradens Exercitia, si anim- *Quid cum*
advertat ei qui recipit, nullas incidere spiri- *nulla animi*
tuales animi commotiones, ut sunt consola- *motiones.*
tiones, vel tristitiæ, neque diversorum spiri-
tuum agitationes, sedulo debet percontari, an
ipsa Exercitia præscriptis agat temporibus, &
quibus modis, an etiam observet diligenter
cunctas Additiones, & de singulis ratio postu-
letur. Porro de consolationibus, & desolatio-
nibus infra tractabitur, p. 253. De additioni-
bus verò p. 107.

Septima est, quòd is, qui alterum exercen- *Quid cum*
dum curat, si eum videat desolatione affici seu *tentatio, &*
tentatio, *desolatio.*

tentatione, cavere debet ne se durum vel austerrum ipsi exhibeat, sed mitem potiùs, ac suavem præstet, confirmato ejus animo ad agendum strenuè in posterum, detectisque inimici nostri versutiis, cum ad consolationem studeat disponere tamquàm brevi subsequituram.

*Reg. pro de-
solatione, &
consolatione.*

* b

*Quid cum
inexperto
Exercitio.
vnm.*

Octava est, quòd circa consolationes, & desolationes sumentis Exercitia, & circa astutias inimici, poterunt usui esse regulæ, quæ * in prioribus duabus hebdomadis habentur, de variis spiritibus internoscendis.

Nona est, quòd quando exercendus est quispiam spiritualium rerum inexpertus, unde contingat, eum in primâ hebdomadâ crassis quibusdam apertisque tentationibus vexari, ostensis jam inde prosequendi obsequiî divini certis impedimentis, (cujusmodi sunt molestia, anxietas, pudor, timor, habitâ honoris mundani ratione) tunc illi, qui eum exerceri docet, supersedendum est usu regularum, quæ ad secundam hebdomadam pertinent, de discretionem spirituum, & iis utendum solis, quæ in primâ dantur. Quia quantum alter ex his accepturus est commodi, tantumdem ex illis dispendii referret ob subtilitatem rei, & sublimitatem, quæ est supra ejus captum.

Decima est, quòd qui exercetur, si tentationibus jactetur, boni speciem præferentibus, tunc muniendus est per dictas regulas hebdomadæ secundæ. Humani enim generis inimicus, per boni speciem, eos ut plurimum oppugnat, qui antea in viâ vitæ, quam illumi-

nativam

nativam appellant, respondente Exercitiis secundæ hebdomadæ, fuerint potius versati, quā in alterâ, quæ purgativa dici solet, * atque per Exercitia primæ hebdomadæ comprehenditur.

Undecima est, quòd exercenti se in primâ hebdomadâ, expedit nescire, quid in secundâ sit acturus: sed ad consequendum illud, quod tunc quærit, acriter laborare, perinde ac nihil boni postea esset reperturus.

Duodecima est, quòd admonendus est is, qui exercitatur, ut cùm in quotidiano quolibet exercitio, ex quinque infrâ describendis, expendi debeat unius horæ tempus; curet semper animi quietem in hoc reperire, quòd plus temporis potius, quam minùs insumpsisse, sibi conscius sit. Frequens est enim dæmoni hoc agere, ut præfixum meditationi vel orationi temporis spatium decurratur.

Decima tertia est, quòd cum facile sit ac leve, affluente consolatione, integram contemplationis horam traducere: difficillimum è cōtra, incidente desolatione; idcirco adversus tē-tationem, ac desolationem semper pugnādum est, producto ultra præfinitam horā exercitio, vincendi gratiâ. Ita enim non solùm discimus resistere adversario, sed cum etiam expugnare.

Decima quarta est, quòd si vacans Exercitiis cernatur consolatione multâ, & fervore magno ferri, obviandum est, ne promisso aliquo vel voto inconsulte ac præcipitanter factio se obstringat: Idque tanto fuerit diligentius

Exercenti nascitur sequentes meditationes.

In quotidiano exercitio quies animi reparienda.

Exercitii tempus producat.

Vbi freno utendum in ferventioribus.

*Circa vota
faciendâ.*

tiùs prævertendum, quanto ille ingenij esse instabilioris perspicitur. Quamvis enim unus alterum julte movere possit ad ingressum religionis, in quâ emittenda sint obedientiæ, paupertatis, atque castitatis vota; quamvis præterea majoris meriti sit opus ex voto quàm sine voto factum; plurima nihilominus ratio habenda est conditionis propriæ personarum. Item attentè est considerandum, quid commodi, vel incommodi possit occurrere, ad illud præstandum, quod aliquis promissurus sit.

*Tempore exercitiorum
nemo impellatur ad
paupertatem.*

Decima quinta est, quòd tradens Exercitia non debet alterum impellere ad paupertatem & promissionem ejus magis quàm ad oppositum; neque ad hoc potiùs, quam ad illud institutum vitæ: quia licet extra Exercitia licitum sit, & pro merito ducendum, si quis cælibatum, religionem, & aliam quamcumque Evangelicam perfectionem amplecti suadeat iis omnibus, quos ex personarum, & conditionum ratione probabile sit fore idoneos; longè tamen convenientiùs, meliusque est, inter Exercitia ipsa id non attentare: sed Dei potius voluntatem quærere, atque præstolari, donec ipse Creator ac Dominus noster animæ sibi devotæ sese communicet, eamque amplexans ad sui amorem, laudem & servitium disponat, prout maximè scit esse commodum. Quapropter dictanti Exercitia standum est in quodam æquilibrio, sinendumque, ut citra medium, Creator ipse cum creaturâ, & hæc vicissim cum illo rem transfigat.

Decima

Decimâ sexta est, quòd, ut Creator ipse, Dominusque noster in creaturâ suâ certiùs operetur, si accadat animam ad aliquid minus rectum affici atque inclinari, summoperè ac totis viribus nitendum est in contrarium; (ut puta, si ad officium vel beneficium adipiscendum aspi-ret, non divinæ gloriæ, aut communis animarum salutis causâ, sed commoditatis suæ, negotiorumque temporalium dumtaxat) tunc affectus ad oppositum impelli debet, per assiduas orationes, & alia exercitia pia, in quibus à clementiâ Dei oppositum petatur: videlicet, hunc ut ille animum offerat ipsi Deo, se tale officium vel beneficium, aut aliud quidvis, jam non appetere, nisi priorem affectum adeò mutaverit, ut nihil jam omnino desideret, vel possideat aliâ ex causâ, quàm divini cultus & honoris.

Decima septima * perutilis est, quòd scilicet tradens exercitia, inquirere ac scire nolens proprias alterius cogitationes & peccata; superest, ut certior factus fideliter de cogitationibus à vario spiritu inmissis, & ad majus, aut minus bonum trahentibus, spiritualia nonnulla Exercitia illi præscribat, præsentì animæ necessitati opportuna.

Decima octava est, quòd juxta ejus, qui exercetur, habitudinem, puta pro ætate, doctrinâ, vel ingenio, accommodari debent Exercitia: ne cui rudi aut imbecilli seu debili ea imponantur, quæ ferre non possit citra incommodum, nedum ad profectum suum assu-
mere.

*Quid cum
ad aliquid
minus re-
ctum affi-
tur.*

* d

*Quid cum
varia cogita-
tiones.*

*Quomodo
accommo-
danda Exer-
citia, & ex-
ercens at-
temperanda.*

mere. Similiter prout cuique in animo est sese disponere, impartiendum id demum est¹, quod cum potissimum juvare possit. Propterea ei, qui se instrui dumtaxat postulat, & ad gradum aliquem perducitur, in quo animus suus conquiescat; tradi potest Particulare primum Examen infra positum, pag. 69. deinde generale pag. 73. simulque modus orandi mane per horæ dimidium, ex præceptorum Dei, & peccatorum mortalium consideratione, de quâ pag. 77. Suadendum etiam fuerit, ut octavo quoque die peccata sua confiteatur, & quindecim dierum intervallo, vel octo potius, si affectus impellat, sumat Eucharistiæ Sacramentum. Ista exercitationis ratio propriè competit rudioribus, seu illitteratis, quibus insuper exponenda erunt singula præcepta Dei, atque Ecclesiæ; mortalia peccata, cum quinque sensibus, & operibus misericordiæ. Itidem si is qui tradit Exercitia, alterum viderit debilis esse naturæ, ac parum capacis, unde modicus proventus & fructus sperari queat, satius fuerit aliqua ex dictis levioribus exercitiis ipsi præscribere, usque ad confessionem peccatorum: postea nonnulla conscientiæ examina, & methodum confessionis frequentioris dare, quibus jam paratum sibi animæ profectum seu lucrum tueri possit. Non erit autem progrediendum ad electionum dictamina; aliorumve, quam primæ hebdomadæ, Exercitiorum; quoribus præsertim alii adsunt majori cum fructu exercitandi, nec omnia omnibus præstare temporis permittit angustia.

Decima

Decima nona est, quod homini negotiis publicis, vel aliis convenientibus districto, sive ingenio sive litteris præditus sit, suppetente ipsi horâ unâ & dimidiâ diebus singulis ad sumenda nonnulla exercitia; exponendum primo erit, quem in finem homo creatus sit: deinde per horam dimidiam examen particulare, deinceps generale cum modo rite confitendi, sumendique sancti Sacramenti, tradi ei possunt: præscribendo etiam, ut manè, per triduum, spatio unius horæ meditationem agat de primo, secundo, ac tertio peccato, ut docetur paginâ 79. Postea per alios tres dies eadem horâ de processu peccatorum, ut paginâ 87. Per alios totidem de pœnis, quæ peccatis respondent paginâ 105.

Quod cum homine publico negotio districto.

Dictandæ quoque illi erunt intra totum dictarum trium meditationum tempus, decem additiones illæ, quæ habentur paginâ 44.

Observabitur eadem meditandi ratio circa mysteria Domini nostri Jesu Christi, quæ infra in ipsismet Exercitiis latè explicatur.

Vigesima est, quod ei, qui à negotiis liberior est, & fructum consequi spirituales optat, quam possit maximum, tradenda sunt omnia exercitia eodem, quo procedunt, ordine (& quidem scribi rerum capita, ne excident è memoria expedit) in quibus (secundum successum communiorum) tanto majorem faciet progressum spiritualis vitæ, quanto magis ab amicis notisq; omnibus, & ab omni rerum humanarum sollicitudine sese abduxerit: ut si ab
adibus

Quid cum libero à negotiis & fructum consequi cupiente.

ædibus pristinis migret in domum cellamve aliquam secretiorem, unde ipsi liberum securumque sit egredi ad matutinum, sacrum Missæ, vel ad vespèrarum officium cum libuerit, audiendum, absque familiaris cujusquam interpellatione. Ex quâ quidem loci secessione inter alias multas commoditates hæ tres præcipuè consurgunt. Prima, quod exclusis amicis & familiaribus, negotiisque minus recte ordinatis ad Dei cultum, gratiam apud Deum non mediocrem meretur. Secunda, quod per hujusmodi secessum intellectu minus quam antea distracto in diversas partes, sed collecta redactaque omni cogitatione ad rem unam, scilicet ad obsequendum Deo Creatori suo, & salutem animæ suæ consulendum, multò liberius ac expeditiùs utitur naturæ viribus in quærendo eo, quod desiderat tantoperè. Tertia, quòd quantò se magis reperit anima segregatam ac solitariam, tantò aptiorem seipsam reddit ad quærendum, attingendumque Creatorem & Dominum suum: ad quem insuper, quo propiùs accedit, eò meliùs ad suscipienda bonitatis divinæ dona disponitur.

E X E R C I T I A

Quædam spiritualia, per quæ homo dirigitur, ut vincere seipsum possit, & vitæ suæ rationem, determinatione à noxiis affectibus liberâ, instituere.

IN primis, ut per hujusmodi exercitia, tam qui ea tradit, quàm qui accipit, juvari queat, supponendum est Christianum unumquemque pium, debere promptiore animo sententiam seu propositionem obscuram alterius, in bonam trahere partem, quàm damnare. Si verò nullâ eam ratione tutari possit, exquirat dicentis mentem, & si minùs recte sentiat, vel intelligat, corripiat benigne: hoc nisi sufficit, vias omnes opportunas teneat, quibus illum sanum intellectu, ac securum reddat ab errore.

Re ad sentiendum.

Ab errore liberandum.



Cofiderād'. e finis & fm̄ finem dirigend' ē curs?
Cal. Col 17.

P R I N C I P I V M

S I V E

F V N D A M E N T V M.

CReatus est homo ad hunc finem, ut Do-
 minum Deum suum laudet, ac revereatur, *Hominis finis.* eique serviens tandem salvus fiat. Reliqua verò supra terram sita, creata sunt hominis ipsius causâ, ut eum, ad finem creationis suæ prosequendum, juvent: unde sequitur utendum illis, vel abstinendum catenus esse, quatenus ad prosecutionem finis vel conferunt, vel obsunt. Quapropter debemus, absque differentiâ, nos habere circa res creatas omnes, (* prout libertati arbitrij nostri subjectæ sunt, & non prohibitæ;) Ita, ut (quod in nobis est) non quæramus sanitatem magis, quàm ægritudinem: neque divitias paupertati, honorem contemptui, vitam longam brevi præferamus. * Sed consentaneum est, ex omnibus ea demum, quæ ad finem ducunt, eligere ac desiderare.

* e

* f



E X A M E N

P A R T I C U L A R E

*Et quotidianum, tria tempora complectens, ad
dispositionem sui ac duplicem discussionem
accommoda.*

Primum tempus est matutinum, quo de- ^{1. Tempus}
bet homo, statim dum à somno surgit, ^{matutinum.}
proponere diligentem sui custodiam circa
peccatum, aut vitium aliquod particulare, à
quo emendari cupit. Secundum est pomeri- ^{2. Pomeri-}
dianum, in quo petenda est à Deo gratia, ut ^{dianum.}
reminisci possit ille, quoties in peccatum seu
delictum istud particulare inciderit, & in po-
sterum cavere: deinde priorem faciat discus-
sionem, exigens ab animà suà ratiōem de
peccato, seu vitio jam dicto, & singulas diei
partes præteritas percurrens ab eâ horâ, quâ
surrexit, usque ad præsentem, quoties illud
commiserit, & puncta totidem signet in priore
lineâ figuræ subscriptæ. Quibus peractis de-
nuò proponat per spatium diei reliquum, di-
ligentiùs sese cohibere. Tertium erit vesperti- ^{3. Vesperti-}
num tempus, in quo, post cœnæ horam, fa- ^{num.}
cienda est discussio secunda, percursis itidem
horis singulis, ab examine priore usque ad
præsens lapsis, & eodem modo rememoratis
enumeratisque vicibus, quibus deliquerit,

parem eis punctorum numerum signabit in posteriore lineâ figuræ, sequenti similis ad hoc præparatæ.

A D D I T I O N E S.

Q U A T U O R

*Utiles ad faciliorem & celeriore[m] peccati seu vitij
cujusvis extirpationem.*

*Prima vitij
expiatio.*

PRima est, ut quoties id peccati seu delicti genus homo commiserit, manu pectori admotâ, doleat de lapsu, quod fieri potest etiam assistentibus aliis, nec advenientibus.

Secunda.

Secunda est, ut sub noctem numeratis, comparatisque invicem punctis linearum, quarum prior priori examini, posterior posteriori assignatur, attendat, an à priore examine usque ad secundum aliqua successerit emendatio.


Tertia.

Tertia est, ut conferat dici secundæ, atque præcedentis examina invicem: considerans ecquid sibi emendationis intervenerit.

Quarta.

Quarta, ut collatis hebdomadarum duarum inter se examinibus, pari modo, factæ vel omissæ emendationis rationem habeat.

Item notandum est ex sequentibus figuris, primam ceteris longiorem deputari dici primæ, puta Dominicæ: secundam verò dici Lunæ, paulò breviorē: & ita deinceps: cum par sit diminui in dies erratorum numerum.



1. Gratias age. 2. Pete lumen. 3. Examina 4 Dole.
5. Propone.

E X A M E N

C O N S C I E N T I Æ

G E N E R A L E ;

*Ad purgationem animæ, & ad peccatorum
confessionem utilissimum.*

PRo comperto ponitur triplex incidere *Triplex cogi-*
homini cogitationum genus ; Unum ex *tationum ge-*
proprio surgens motu ipsius hominis: Reliqua *nerum.*
verò duo extrinsecùs advenientia, ex boni
scilicet, vel mali spiritus suggestione.

De cogitatione.

Duobus modis elicitur meritum ex malâ
cogitatione in materiâ peccati mortalis, de
quâ hîc sermo est. Primò, quando suggeritur *Quotuplex*
de patrandò mortali crimine cogitatio, sed ea *meritum in*
confestim repugnando vincitur. Secundò, *repellendâ*
quando pravæ istiusmodi suggestioni semel, *malâ cogita-*
ac iterum repulsæ, & subinde nihilominùs *tione.*
revertenti continuè resistit homo, donec pe-
nitùs expugnetur: quod quidem victoriæ ge-
nus meritò alterum antecellit.

Peccat autem leviter aliquis, seu veniali-
ter quando in subortâ peccati mortalis cogi-
tatione, aliquantulùm moratur, quasi auscul-
tando,

*Quando le-
vis culpa in
cogitatione.*

*Quando
mortalis, &
quod simplex.*

tando, vel quando aliqua obiter sensus delectatione afficitur, vel in ea retundenda sese exhibet negligentem. Mortale verò peccatum, per cogitationem duobus modis admittitur; Primo, quando cogitationi peccati præbetur quacumque ratione, assensus. Secundò, quando peccatum illud opere completur, idque gravius est priore, ex tribus causis: Videlicet, ob majorem temporis decursum: ob actum intensiorem: & ob plurius denique offendiculum sive detrimentum.

De loquelâ.

*Quotuplici-
ter verbo
offendatur.*

Verbo etiam multifariam offenditur Deus; ut in blasphemia, juramento. Nam jurandum non est, neque per Creatorem, neque per creaturas ullas, nisi concurrentibus his tribus, veritate, necessitate, ac reverentia. Porro intelligenda est necessitas, non in veritatis cujuslibet affirmatione, sed ejus tantum, quæ circa spirituale, corporale, vel etiam temporale bonum aliquod, momenti est non levis. Reverentiam dicimus, quando assumens divinum nomen adhibet considerationem, ut Deo Creatori ac Domino debitus honor tribuatur.

*De jura-
mento.*

Sciendum est autem, licet juramentum temerè seu vanè factum per Creatorem, sit gravius peccatum, quàm per creaturam; difficilius tamen esse, per hanc, quàm per illum licitè

licite jurare, servatis debitis circumstantiis, quas diximus. Primò, quia in mentione creaturæ facienda per juramentum, non ita excitamur aut reddimur attenti, ut ex veritate ac necessitate juremus, sicut nominato rerum omnium Creatore. Secundò, eò quòd ad honorem Deo exhibendum cum reverentiâ, longè debiliùs movemur ex commemoratione creaturæ, quàm ipsius Dei Creatoris. Quamobrem jurare per creaturas, perfectis magis conceditur, quàm crassioribus sive idiotis: quandoquidem perfecti ex contemplationis usu assiduo, & illustratione intellectus, considerant propiùs, atque deprehendunt Deum secundum essentiam, præsentiam, & potentiam suam creaturæ cuilibet inesse: unde ad præstandam illi debitam in juramento reverentiam paratiores sunt aliis, qui eò perfectionis nondum provecti sunt. Tertio, quia creaturis ad confirmationem juramenti crebriùs adscitis, periculum esset idololatriæ: id quod imperfectis magis, quàm perfectis fuerit timendum.

Vitandum est insuper verbum otiosum (inter alia locutionis peccata,) quale esse intelligitur, quodcumque nec loquenti, nec alteri prodest, nec eo etiam animo profertur, ut afferat utilitatem. E converso vero minimè otiosum censendum est verbum illud, quodcumque ad animæ vel propriæ, vel alienæ, aut ad corporis, aut rei etiam temporalis commodum pertinet: aut certè ad tale quippiam

*Otiosum
verbum vi-
tandum, &
quale sit.*

piam ex dicentis mente dirigitur : etiam si quis de negotiis loquatur , ab instituto suo alienis, ut religiosus de bellis, vel mercimoniis. Ceterum ex sermone quidem , ad finem bonum ordinato, meritum contingit : ad malum verò finem , aut futiliter prolatus sermo, generat peccatum.

Oris peccata. Sunt & oris peccata, mendacium , falsa testimonia , detractio. Nam detrahendum non est alteri , nec obmurmurandum. Revelato enim mortali alicujus peccato , quod publicum non sit, cum malâ intentione , vel gravi damno famæ alterius , mortale itidem peccatum committitur : veniali autem , veniale solum. Ad hæc quotiescumque alienum patefacimus vitium, vel defectum, nostrum ipsorum vitium , ac defectum simul commonstramus. Verumtamen ubi recta mens est, de proximi delicto licebit loqui bifariam.

*Quando de
proximi de-
licto licet
loqui.*

Primo, quando publicum est , ut meretricium, vel damnatum in judicio, vel perniciosum, puta ob errorem publicum, animos conversantium corrumpentem.

Secundo, quoties occultum alicujus crimen indicatur alteri, per cujus subventionem, ille relevari à peccato possit ; dummodò rei hujus , probabilis aliqua ratio vel conjectura offeratur.

Possent inter oris peccata, irrisiones, contumeliæ, & alia id genus adscribi, quæ persequi licebit tradenti Exercitia, prout opus esse judicaverit.

De

De opere.

Propositis ante oculos decem mandatis *Operis peccata.* Dei, cum Ecclesiæ præceptis & jussis majorum, seu Superiorum, æstimandum est, quidquid sit operis adversus quodlibet eorum, id peccatum esse : levius aut gravius tamen, pro inæquali peccandi modo, & pro diversâ peccantium habitudine. Porro reduci ad jussa ducimus Superiorum, diplomata seu indulta Pontificum, pro infidelium expugnatione, vel Christianorum pace, concedi atque promulgari solita : per quæ ad confessionem peccatorum, & Eucharistiæ sanctæ sumptionem, Christi fideles invitantur. Peccat siquidem non leviter, quicumque tam pias Rectorum Ecclesiæ cohortationes, sanctionesque aspernari audet, ac transgredi.

E X A M I N I S G E N E R A L I S

*Modus, particulas seu puncta quinque comple-
tentis.*

1. *Gratia
agenda.*

Primum punctum est, Domino nostro Deo, pro beneficiis acceptis, gratias agendas esse.

2. *Gratia
petenda.*

Secundum, quòd debemus pro cognitione, & expulsionem peccatorum gratiam flagitare.

3. *Quomo-
dò discuti-
enda consci-
entia.*

Tertium, de admissis præsentis die peccatis, rationem ab animâ nostrâ exigere, per horas singulas, ex quo surreximus, vestigando. Et primò quidem circa cogitationem: deinde circa loquelam, atque operationem, eodem ordine, quo in particulari examine traditum est.

Quartum, poscere veniam de delictis.

Quintum, proponere cum Dei gratiâ emendationem: & orationem dominicam post dicta omnia recitare. Pater noster.

CON:

C O N F E S S I O N I S

Generalis & Communionis usus.

EX Confessione generali ultro factâ, inter *Confessionis*
 alia pleraque, percipiuntur tria hæc emo- *generalis*
 lumenta. Primum, quòd tametsi, qui annis *emolumenta.*
 singulis saltem confiterur semel, ad genera- *Primum.*
 lem hujuscemodi confessionem minimè obli-
 getur; eam tamen facienti ipsi multò plus
 commodi & meriti accedit, ob dolorem sci-
 licet de peccatis, & malitiâ vitæ præteritæ,
 quem ita sentit vehementiorem.

Secundum, quoniam inspectâ, per spiri- *Secundum.*
 tualem exercitationem, longè quàm antea
 manifestiùs naturâ & malitiâ peccatorum,
 tantò amplius commodum ac meritum per-
 cepturus est.

Tertium quia consentaneum est, hominem *Tertium.*
 sic rite confessum, atque dispositum, multò
 meliùs se habere ad Eucharistiæ sumptionem,
 quæ maximè confert & ad fugam peccati &
 ad gratiæ receptæ conservationem & aug-
 mentum.

Porro generalis ista confessio, post hebdo-
 madæ primæ Exercitia potissimum erit op-
 portuna.



pl. 45



DE SIDERIVM PECCATORVM PERIBIT *Pl. 3*

P R I M U M E X E R C I T I V M

*Meditandi secundum tres animæ potentias;
circa peccatum triplex. Et continet ora-
tionem præparatoriam, duo Præludia;
& Puncta tria præcipua, cum uno Collo-
quio.*

O Ratio præparatoria est; qua petimus à *Oratio præ-*
Domino gratiam, ut vires atque ope- *paratoria.*
rationes nostræ omnes, sincerè ad ejus glo-
riam, & cultum tendant.

Primum Præludium est; ratio quædam *1. Prælu-*
componendi loci. Pro quâ Notandum est, *dium.*
quod in quavis meditatione, siue contem-
platione de re corporeâ, ut puta de Christo,
effingendus erit nobis, secundum visionem
quandam imaginariam, locus corporeus, id
quod contemplamur, repræsentans, veluti
templum, aut mons; in quo reperiamus
Christum JESUM vel MARIAM Virginem, &
cætera, quæ spectant ad contemplationis no-
stræ argumentum. Sin autem speculationi
subest res incorporea, ut est consideratio pec-
catorum nunc oblata; poterit loci constructio
talis esse, ut si per imaginationem cernamus
F animam



220.45



DE SIDERIVM PECCATORVM PERIBIT *Pja. 3*

P R I M U M E X E R C I T I V M

*Meditandi secundum tres animæ potentias;
circa peccatum triplex. Et continet ora-
tionem præparatoriam, duo Præludia;
& Puncta tria præcipua, cum uno Collo-
quio.*

O Ratio præparatoria est; qua petimus à *Oratio præ-*
Domino gratiam, ut vires atque ope- *paratoria.*
rationes nostræ omnes, sincerè ad ejus glo-
riam, & cultum tendant.

Primum Præludium est; ratio quædam *1. Prælu-*
componendi loci. Pro quâ Notandum est, *dium.*
quòd in quavis meditatione, sive contem-
platione de re corporeâ, ut puta de Christo,
effigendus erit nobis, secundum visionem
quandam imaginariam, locus corporeus, id
quod contemplamur, repræsentans, veluti
templum, aut mons; in quo reperiemus
Christum JESUM vel MARIAM Virginem, &
cætera, quæ spectant ad contemplationis no-
stræ argumentum. Sin autem speculationi
subest res incorporea, ut est consideratio pec-
catorum nunc oblata; poterit loci constructio
talis esse, ut si per imaginationem cernamus
F animam

animam nostram in corpore isto corruptibili, velut in carcere constrictam: hominem quoque ipsum, in hac miseriæ valle, inter animalia bruta, exulantem.

2. Prælu-
dium.

Secundum erit Præludium, ut à Domino id postulem, quod exopto, juxta propositæ contemplationis argumentum: nimirum si de Christi resurrectione fuerit meditandum, petenda erit lætitia, quâ gaudenti Christo congaudeam: sin de passione; lacrymas, pœnas, & angores petam, ad compatiendum Christo patienti. In præsentī ergo meditatione, pudorem confusionemque mei ipsius debeo exposcere, attendens quàm multi homines, ob peccatum mortale, vel unicum, damnati fuerint; & quod ego, toties peccando, sim damnationem commeritus.

Quæ oratio-
ni præmit-
tenda.

Notandum ad hæc, quod omni meditationi, seu contemplationi, præmitti debent tam Oratio præparatoria, quam Præludia duo: sed Oratio quidem semper fit eodem modo, Præludia vero, pro diversitate rerum, sunt diversa.

Circa pri-
mum Ange-
lorum pecca-
tum.

Primum punctum erit, ut exerceatur memoria mea circa primum peccatorum omnium, quod fuit ab Angelis commissum; adhibito statim discursu intellectus, atque voluntatis motu, instigante me ad volvenda, & intelligenda ea, per quæ erubescam, & confundar totus, factâ unius tantum peccati Angelorum, cum tot meis comparatione: Unde colligere

colligere liceat, cum illi ob unicum crimen addicti sint inferno, quam sæpe ipse supplicium idem meruerim. In memoriam itaque dicimus trahendum esse, quo pacto Angeli creati primùm in statu gratiæ, sed (quod necesse erat ad beatitudinis consummationem,) non volentes per arbitrij libertatem, Creatori suo reverentiam, & obsequium præstare; ac contra eum ipsum insolescentes, conversi fuerint ex gratiâ in malitiam, & de cælo ad infernum præcipitati. Consequenter discurrendum erit per officium intellectus circa hæc pensulatiùs, nec non concitandis simul voluntariis affectionibus, acriùs insistendum.

Secundum est pundum, easdem potentias *Circa peccatum primorum parentum.* circa peccatum primorum parentum (quod secundum appellabimus) exercere: tractando memoriâ, quam diuturnam ob illud pœnitentiam egerunt: quanta humanum genus corruptio invasit: quot hominum millia ad inferos deturbata sunt. Memorandum est videlicet, quomodo Adam in Dan aesceno campo, de limo terræ factus, positusque in terrestri Paradiso, & Eva formata ex unâ costarum ejus, cum de fructu arboris scientiæ boni & mali prohiberi essent comedere, & nihilominus comedisent; post peccatum subito ex Paradiso ejecti sint: vestibibus pelliceis induti, & originali justitiâ privati, reliquum vitæ suæ tempus, in laboribus, ac ærumnis maximis, pœnitendo traxerint. Super his et-

iam ratiocinio intellectus, & affectibus voluntatis utendum erit, sicut priùs.


Circa peccatum mortale, & veniale.

Tertium est, ut exerceamur pari modo, circa peccatum mortale, & particulare quodlibet (ipsum nos tertium peccatum dicemus, ut à duobus suprà positis distinguatur) considerando, quòd peccato tali, vel semel dumtaxat commisso, fortè detrusi sint multi ad infernum: quodque præterea propè innumerari, ob delicta meis pauciora atque leviora forte crucientur æternis pœnis. Unde memoria versandum erit, quanta sit peccati gravitas & malitia, Deum omnium Conditorem atque Dominum offendentis. Ratiocinandum quoque est, supplicium æternum peccato justè irrogari, ut pote adversus infinitam bonitatem Dei perpetrato. Postremò suscitandi sunt affectus, sicut jam dictum est.

Colloquium. Colloquium fiet imaginando Jesum Christum coràm me adesse, in cruce fixum. Itaque exquiram mecum rationem, qua Creator ipse infinitus, fieri creatura, & ab æterna vita ad temporariam mortem venire, pro peccatis meis dignatus sit. Arguam insuper me ipsum, percontans quid hætenus dignum memoratu egerim pro Christo? quid agam tandem, aut agere debeam? Et in eum intuens sic cruci affixum, ea proloquar quæ, suggeret mens & affectus. Porro Colloquij proprium illud est, ut fiat sicut amici sermo ad amicum, vel servi ad Dominum, nunc gratiæ aliquid

aliquid petendo ; nunc culpam aliquam
meam incusando : interdum propria quæli-
bet communicando, ac petendo consilium
super illis, sive auxilium. Ultimò dicatur,
Pater noster.





In pūcto ad inferna descēdunt Job.2

II. EXERCITIVM.

*Est meditatio de peccatis, complectens ultra
Orationem præparatoriam, & duo Præludia,
quinque articulos, seu Puncta, cum Colloquio
ad finem.*

Pæparatoria oratio eadem, quæ suprà. *Orat. præp.*
Prius præludium eandem exigit con-
structionem loci, ut in præcedenti medita-
tione. *1. Prælu-
dium.*

Posterior verò fiet, poscendo id, quod hîc
querimus, dolorem scilicet intensum de pec-
catis, atque abundantem fletum. *2. Prælu-
dium.*

Punctum primum, sit processus quidam, *Revocanda*
per quem peccata totius vitæ in memoriam *in memo-
riam peccata*
revocantur, percurtis gradatim discussisque *totius vitæ.*
annis, & spatiis temporum singulis. Qua in
re, triplici juvamus compendio; consideratis
videlicet locis habitationis nostræ, conversa-
tionum modis; & officiorum seu negotio-
rum, quibus functi sumus, generibus diver-
sis.

Secundum est, peccata ipsa perpendere, *Ipsum pec-
catorum per-
pensio.*
quanta sit sceleritas & nequitia singulorum ex
natura sua, si vel prohibita non essent.

Tertium est, considerare me ipsum quis-
nam aut qualis sim; additis exemplis, quæ *Sui ipsius
cogitatio.*
me in maiorem mei contemptum trahant: ut

si mecum reputem, quantulus sim ad hominum omnium cœtum comparatus: quid deinde sit multitudo universa mortalium, si cum Angelis, Beatisque omnibus conferatur: post hæc attendendum est, quid rei sit tandem, quidquid est creatum, præ ipso Deo Creatore: iam quid homuncio ego unus esse possum? Demum inspiciam corruptionem mei totius, pravitatem animæ, atque corporis scditatem, ac me tamquam ulcus sive apostema esse ducam, ex quo tanta sanies peccatorum, tantaque vitiorum lues defluerit.

*Dei offensus
perceptio.*

Quartum est, cogitare quid sit Deus, quem ita offendi, collectis comparatisque perfectionibus attributis Deo, ut propriis, cum oppositis meis vitiis atque defectibus: summam scilicet ejus potentiam, sapientiam, bonitatem, & justitiam, cum extremâ meâ infirmitate, ignorantia, malitiâ, & iniquitate conferrando.

*Exclamatio
ex affectu
dolantis.*

Quintum, In exclamationem prorumpere, ex commotione affectus vehementi; admirando valdè, quomodo creaturæ omnes (discursu facto per singulas) me sustinuerint tamdiu, & hucusque vivum servaverint: quomodo Angeli, divinæ justitiæ gladium ferentes, æquo me animo tulerint, custodierint, suisque etiam juverint suffragiis: quomodo pro me intercesserint Sancti: quomodo cælum, sol, luna, & alia sidera, elementa, cunctaque animantium genera, & terræ germina, debitæ vindictæ loco, mihi servierint: ut quo denique modo

modo non absorbuerit me dehiscens tellus,
& mille infernos referans, in quibus perpetuas
pœnas daturus essem.

Terminanda demum erit hæc meditatio *Colloquium*
per colloquium, extollendo infinitam Dei
misericordiam, gratias pro viribus agendo,
quod vitam ad hunc usque diem prorogave-
rit; unde propositâ in futurum mei emenda-
tione, recitabo semel *Pater noster*.

III. EXERCITIVM

*Non erit aliud, quàm repetitio primi, & secundi,
unâ cum tribus colloquiis.*

Post præparatoriam orationem, & duplex *Repetitio*
Præludium, repetenda erunt præcedentia *duorum Ex-*
duo exercitia, notatis punctis, seu locis, in qui- *ercitiorum.*
bus majorem senserimus consolationem, de-
solationem, aut aliam quamcumque spiritua-
lem affectionem: ac illis diutius, diligentius-
que immorandum erit. Deinde occurrente
nobis spirituali motu, ad colloquia quæ se-
quuntur tria veniemus.

Colloquium primum fit ad Dominam no-
stram, Christi Matrem, flagitando inter-
cessionem ejus apud Filium, & gratiæ impe-
trationem nobis tripliciter necessariâ: Pri-
mò, ut internam criminum nostrorum cog-
nitionem, ac detestationem sentiamus. Secun-
dò, ut operum nostrorum agnoscentes,
abhor-

abhorrentesque ordinem perversum, correcto
eo, nosmetipsos secundum Deum rectè ordi-
nemus. Tertiò, ut perspecta & damnata
mundi pravitate, à rebus mundanis ac vanis
nos recipiamus. His expletis semel recitetur
Ave Maria.

2. Colloq. ad
Christum
Dominum.

Secundum colloquium fiat similiter ad
Christum Dominum, & Meditatore[m] no-
strum, ut illa eadem nobis impetret ab æter-
no Patre. Subdetur in fine oratio, quæ inci-
pit *Anima Christi.*


3. Ad Pa-
trem,

Tertium eodem processu faciendum est
ad Deum Patrem, ut triplicem illam gra-
tiam nobis largiatur, & in fine semel recitan-
dum *Pater noster.*

IV. EXERCITIVM

Conficitur ex tertij repetitione.

Ponitur repetitio ejusmodi, veluti quædam eorum ruminatio, quæ meditata sum in Exercitiis prioribus, ut ea continuè ^{4. Exercitium est repetitio tertij.} reminiscendo, discurrat faciliùs intellectus sine divagatione. Adiicienda quoque erunt tria eadem colloquia.



ME.



In fine illorum inferi, tenebræ & poenæ *ſect. 22.*

MEDITATIO

DE DAMNIS.

Ex Peccato mortali proventientibus.

O Ratio præparatoria eadem, quæ semper.

Præludium primum erit, ponere sibi ob oculos miserandum hominis spectaculum, in quo à planta pedis usque ad verticem capitis non sit sanitas, sed vulnus, & livor, & plaga tumens.

Secundum erit, petere à Deo gratiam, ut peccatoris conditione, & damnis peccati mortalis intimè perspectis, illud summopere devitemus.

Punctum Primum erit, considerare, quod hominis intellectus per peccatum obæcatur. Ratio sensui subjicitur: voluntas à Divinis rebus avertitur, cum nausea rerum spiritualium: Naturales facultates pervertuntur: sensus illecebris addicti depravantur: Corpus morbis quandoque inficitur, torusque homo privatur amicitia Dei, gratia, & specialibus auxiliis Divinis, omnibusque virtutum ornamentis, quibus ditatus erat, tamquam Dei filius: unde nihil aliud in eo remanet, quam horrificum Chaos, & luti volutabrum. Atque ita Dei inimicus constitutus, &c. pater-
terna

terna Dei cura, & filij adoptione rejectus, injuste, & tamquam fur utitur terrâ, aquâ, & omnibus aliis creaturis.


Secundum erit, cogitare, quòd per peccatum remanet synderesis, & conscientiae stimulus quidam, qui totum hominem continuè torquet & cruciat. Vermis enim peccatoris non moritur in æternum, & ideo quasi, mare fervens, numquam quiescit, sed assiduâ tentationum procellis hinc inde agitur, & acutissimis aculeis confossus, tamquam alter filius prodigus, ad porcorum stabulum sese reducit, & de eorum filiquis ventrem suum implere cupiens, fame rerum spiritualium perit: unde funibus peccatorum quotidie magis ac magis constrictus, tandem ad inferni iter accinctus, suomet pondere in Gehennæ barathrum præceps ruit.

Tertium erit, animadvertere, quod homo cum peccavit, Christi Domini vulnera, ejusque sanguinem crucem, mortem, & merita omnia quodammodo conculcavit, & quod culpam auget, ipso Deo intimè sibi præsentem ac spectantem, abutens Divina opè, qua ad omnes, ac singulas corporis animique functiones opus habet, largitoris beneficia, ac dona, in hostilia tela convertit. Ipsam vero sanctissimam Virginem, Angelos, ac Beatos omnes, quantum in se fuit, contristavit, & gloriæ accessione privavit; malo denique exemplo quamplurimis hominibus præbuit offendiculum peccandi.

Quar-

Quartum postremo erit, perpendere, quod homo per mortale peccatum non modo opere, sed vel assensu consummatum, mortem æternam sibi generavit, unde & æternam gloriam perdidit, & jus ad perennem illam vitam amisit, atque ita è Regno Beatorum ejectus, spoliatus infelix Dei amore, qui summa est hominis felicitas, ac bonorum omnium fons, æternis inferni flammis addictus, & infami servituti, ac durissimæ dæmonis Tyrannidi traditus, numquam ab illa neque sua, neque hominum, neque Angelorum potestate poterit liberari.

Colloquio uno; vel pluribus terminabitur
Contemplatio: recitato in fine, *Pater noster.*



QVA HORA NON PV TATIS *Luc. 12*

EXERCITIVM DE MORTE.

O Ratio præparatoria, ut suprà, in primo Exercitio.

Primum præludium est: ut me ipsum, in lectulo, decumbentem, à medicis derelictum, sine ullâ spe vitæ, quam possum vehementissimâ apprehensione, concipiam.

Secundum præludium: ut petam, à Deo, gratiam, sentiendi nunc mortis incommoda: ut vitam, ac mores, in melius, emendem, eâ ratione, quâ tunc fecisse maximè vellem.

Punctum primum. Considerare mortem esse perpetuam privationem hujus vitæ: parentum, cognatorum, amicorumque; & rerum omnium, tum delectabilium, tum utiliū, quas maximè diligis. Sine spe ullâ, eadem, in hac vitâ, revisendi. Homo, inquit Job, cum mortuus fuerit, nudatus, & consumptus, ubi quæso est?

Secundum punctum. Perpendere certitudinem mortis: quæ primò. Colligitur ex ipsâ hominum naturâ; ex contrariarū qualitatū, & humorum conflictu interiore, ex cæli exteriore intemperie. Secundo, ex Dei præceptis: statutum est, ait Apostolus, omnibus hominibus semel mori. Tertiò, ex pœnâ peccati: per unum hominem, ait idem Apostolus, peccatum in hunc mundum intravit, & per peccatū, mors. Quarto, experientia omniū, qui præcesserunt, ab initio mundi, usque ad hoc tempus, quamvis insignes in sanctitate, doctrinâ, divitiis, fuerint, & Ecclesiæ Dei viderentur valde utiles.

G

Ter-

Tertium Punctum. Expendere incertitudinem mortis, ratione ætatis, horæ, loci, generis mortis, status, sive gratiæ, sive damnationis, in quo erit homo. Quot putas, hæc ipsâ horâ morientes, pœnis æternis mulctandos? Jam, si tibi moriendum esset, quid, de te, futurum crederes? Illa Christi Domini dicta perpende: Vigilate! quia nescitis quâ horâ Dominus venturus sit. Et: Estote parati: quia nescitis quâ horâ Filius hominis venturus est.


Quartum punctum. Considerare quæ sunt ventura circa corpus: tum ante, tum post mortem. Primò enim superveniet dolor incomparabilis à diuturnitate & gravitate morbi, ab animæ discessu, mox futuro. Quare vix poterit suscipi ulla efficax cognitio de salute: quia illuc rapitur naturaliter intentio mentis, ubi est, vis doloris, ait S. Augustinus. Secundò insensibilitas, & defectus in omnibus sensibus. Tertio horror fœdissimi sepulchri, mentis oculis, objecti, in quo, à charioribus, corpus expulsum, ponendum est: ut sit esca vermium, ne, suâ putredine & corruptione, mundo noceat. Quartò, quod S. Iob noverat, cum aiebat: putredini dixi: pater meus, & mater mea, & soror mea vermibus.

Quintum Punctum. Considerare quæ, circa animam, sint futura. Longè enim gravissimus erit animæ languor. Primò ob instantis iudicii rigorem: quia nemo scit, an odio vel amore dignus sit. Secundò ob incertitudinem veræ Contritionis. Tertio ob multitudinem peccatorum

torum occurrentiū, nec, dignâ pœnitentiâ, deletoŕiū. Quarrò ob occulta peccata; quæ tunc, fortasse, & multa & gravia, occurrent. Quintò ob gravitatē corū, quæ ante levia putabantur. Sexto ob, terribilium dæmonum, gravissimas tentationes: contrâ fidem Spem, Charitatem, Pœnitentiam. Septimò ob anxietatem: quia nescit, an adhuc sit in hâc vitâ, vel in alia; & propterea an adhuc sit pœnitendi locus.

Sextum Punctum. Quo me vertam nesciam. Regredi vetabit morbus; progredi horribile erit; consistere non sinet Deus. Suprà iudex iratus cernetur; infrâ sepulchrum fœtidū corpore; infernus verò animæ paratus; intrâ conscientia condemnabit, circum dæmones instabunt; proximi item, & amici vix ad tumultum comitabuntur: omnia omninò erunt relinquenda, &, tamquam umbra, præteriisse clarè perspicientur. Intimè cogitabo quod me tunc fecisse vellem: quia non concedetur ulterius tempus pœnitendi. Quia vocavi, & renuistis; ego quoq; in interitu vestro ridebo. Erit enim tunc nox, quando nemo poterit operari.

Colloquium ad Christum in cruce ipsâ pro me mortuum. Magno affectu petendo, ut, per ejus mortis merita, hæc mihi penitus animum penetrent; & ad seriam mutationem propellant. Idque etiam per B. Virginem; & sancta Patronorum suffragia, postulabo. *Pater. Ave.*



quis poterit cogitare diem aduentus eius *Malac. 3*
57.

EXERCITIVM

DE JUDICIO GENERALI.

*Oratio præparatoria est qua petimus gratiam,
Ec.*

Primum præludium. Est vallis Iosaphat juxta montem Oliveti imaginaria constructio.

Secundum præludium. Est petitio gratiæ ad cognoscendam supremi judicis justitiam, ut hinc concipiam dolorem & odium peccatorum cum firmo proposito illa non amplius admittendi.

Primum Punctum. Iudicium est inevitabilis sententia à justissimo judice Christo Iesu legitime ferenda in malos omnes ut puniantur & pro bonis ut præmiis afficiantur juxta singulorum merita.

Secundum Punctum. Præcedent judicium signa in cœlis, in elementis, & in hominibus ardentibus præ timore & expectatione eorum quæ superventura erunt, & varia subinde sentientibus quoad mores & doctrinam, Antichristo adveniente, qui omni cura operaturus est, ut si fieri posset in errorem inducantur etiam electi, succedet ignis conflagratio inexpectata terribilis, nemini parcens, efficax, cuncta destruens: omnia enim, ut ait S. Bernardus, igne dissolvenda sunt.

G 3

Tertium

Tertium Punctum. Resurgent homines omnes ex omni orbis parte in jussu & voce Archangeli, & in tuba Dei quam S. Hieronymus, sive manducaret, sive biberet, audire sibi videbatur sonantem horrendum illud, surgite mortui, venite ad judicium. Secundo congregabuntur omnes boni malique in valle Iosaphat. Tertio. Separabuntur mali de medio sanctorum, Angelorum ministerio. Quarto. Tantus horror ac timor sententiæ ferendæ invadet injustos, ut amaturi sint latebras, & dicturi montibus. Cadite super nos & collibus, operite nos; item montibus & petris, cadite super nos & abscondite nos à facie sedentis super thronum, & ab ira agni.

Quartum Punctum. Primo adveniet Christus Dominus cum potestate magna & maiestate, comitante illum Angelicorum agminum multitudine copiosa. Secundo parebit signum filij hominis in cælo. Tertio plangent omnes tribus terræ cum videbunt ipsum judicem, iratum, paratumque ad puniendum mala ab ipsis patrata.

Quintum Punctum. Primo examinabuntur minutissime peccata omnia mortalia, venialia, propria, aliena, manifesta, oculra, cogitationes, operationes, verba etiam otiosa. Secundo exigetur ratio beneficiorum, munerum obitorum & talentorum, juxta parabolam Christi servatoris, ita ut cui plus datum est plus ab eo exigatur. Tertio cumulabunt accusationes Angeli, propria conscientia coram omnibus

omnibus patens, & Dæmones. Præsto enim
aderit adversarius Diabolus, inquit S. Augu-
stinus, & recitabuntur verba professionis no-
stræ, & objiciet nobis in faciem quicquid feci-
mus, qua die peccavimus, & quo loco, & quid
boni tunc temporis facere debuimus. Quarto
fiet comparatio eorum qui majora acceper-
e cum infidelibus & peccatoribus qui magis
profecissent si talia à Deo dona acceperent:
juxta illud Christi. Væ tibi Corozain, væ tibi
Betsaida, quia si in Tyro & Sidone factæ essent
virtutes quæ factæ sunt in vobis, olim in cili-
cio & cinere pœnitentiam egissent. Quinto fe-
retur sententia in reprobos, ite maledicti in ig-
nem æternum &c. Et pro bonis & electis: Ve-
nite Benedicti Patris mei percipite regnum
&c.

Colloquium fiet juxta affectum, termina-
biturque totum exercitium oratione domini-
ca, *Pater. Ave.*



Quis habitabit ex uobis cu ardorib' sēpiter̃
 91.33

Q U I N T U M E X E R C I T I V M

*Est contemplatio de inferno, continetque ultra
Orationem præparatoriam, & duo Præludia,
Puncta quinque, & unum Colloquium.*

O Ratio præparatoria non differt à superiore. *Orat. præp.*

Prius præludium, hîc habet compositionem loci, subjectâ oculis imaginationis, inferni longitudine, latitudine, ac profunditate. Posterius verò, consistit in poscendâ intimâ pœnarum, quas damnati luunt, apprehensione, ut si quando me ceperit divini amoris oblivio, saltem à peccatis supplicij timor coërceat. *1. Prælud. 2. Prælud.*

Punctum primum est, spectare per imaginationem vasta inferorum incendia, & * animas igneis quibusdam corporibus, velut ergastulis inclusas. *Ignem inferni imaginari.*

Secundum, audire imaginariè, planctus, ejulatus, vociferationes, atque blasphemias in Christum, & Sanctos ejus, illinc erumpentes. *Audire planctus.*

Tertium, imaginario etiam olfactu fumum, sulphur, & sentinæ cujusdam seu fæcis, atque putredinis graveolentiam persentire. *Imaginarius olfactus.*

Quartum, gustare similiter res amarissimas, ut lacrymas, rancorem, conscientiaque vermem. *Res amaras gustare.*

Quin-

Tangere ignem.

Quintum, tangere quodammodò ignes illos, quorum tactu animæ ipsæ amburantur.

Colloquium.

Colloquendo interim cum Christo, in memoriam adducendæ erunt illorum animæ, qui ad inferni pœnas damnati sunt, vel quia credere noluerunt adventum Christi; vel licet crederent, non tamen conformem præceptis ejus vitam exegerunt: idque vel ante adventum Christi, vel eodem tempore, quo vixit Christus in hoc mundo, vel post illud deinceps. Gratiz postremò agendæ sunt eidem Christo quàm maximæ, quòd in tale quodpiam exitium non permiserit me corrumpere, sed potiùs ad hunc usque diem summa pietate & misericordia me persecutus sit. Finis imponetur, dicto *Pater noster*.

*Quando his
adjuvenda
sunt meditatio-
nes.*

Si visum erit ei, qui tradit Exercitia, expedire ad profectum eorum, qui exercentur, alias meditationes his adjicere, ut de morte, ac aliis peccati pœnis, de judicio, &c. non se putet prohiberi, licet hæc non ascribantur.

*Temporis
distributio.*

Exercitiorum verò tempus ita distribuendum est, ut primum eorum fiat in media nocte, secundum manè simul ac surrexerimus; tertium ante, vel post Missæ sacrum, nondum sumpto cibo; quartum, circiter horam vesperarum; quintum, horâ ante cœnam. Quæ temporis distributio, singulis quatuor hebdomadis communis est: variari tamen potest, atque augeri vel minui, prout unicuique, ad peragenda dicta quinque Exercitia,

tia, ætas, animi corporisque dispositio, sive naturæ ipsius complexio subservit.

A D D I T I O N E S A D E X E R C I T I A

Meliùs agenda, & ad ea quæ optantur, invenienda, perutiles.

Prima est, ut ego, post cubitum, ante somnum, modico temporis spatio, quo recitaretur semel Angelica salutatio, * cogitem de horâ, qua surgendum mihi crit, & de exercitio faciendo.

*Post cubitum
cogitanda.*

* h

Secunda, ut expergefactus, statim exclusis omnibus aliis cogitationibus, animum ad illud applicem, quod in primo mediæ noctis exercitio contemplaturus sum: Utque, majoris verecundiæ, & confusionis gratia, exemplum mihi hujusmodi proponam: Quomodò miles aliquis staret coram Rege suo & cœtu aulico erubescens, anxius & confusus, qui in Regem ipsum acceptis ab eo priùs beneficiis donisque plurimis ac magnis, graviter deliquisse convictus esset. In secundo itidem Exercitio, reputans: quantum peccaverim, fingam me carnis vinctum esse, ac protinus sistendum coram summo iudice, sicut mortis reus quispiâ, ferreis ligatus compedibus duci ad tribunal solet. His igitur, vel aliis, pro meditandarum rerum

*Quid post
quam exper-
gefactus.*

rerum genere, cogitationibus imbutus, vestitu meo me induam.

Sic paululum ante orationem.

Tertia, ut à loco futuræ meditationis, uno, vel gemino adhuc passu distans per tantillum tempus, quo percurri oratio Dominica posset, animo sursum elevato, considerem Dominum meum IESUM, ut præsentem, & spectantem, quidnam acturus sum, cui reverentiam cum humili gestu exhibere debeam.

Quomodo orandum.

Quarta est, ut ipsam aggrediar contemplationem, nunc prostratus humi, & pronus, aut supinus jacens, nunc sedens, aut stans, & eo me componens modo, quo sperem facilius id consequi, quod opto. Ubi adverti hæc duo debent: Primum, quòd si flexis genibus, vel in alio quovis situ, voti compos fiam, nil requiram ultra. Secundum, quòd in puncto, in quo affecutus fuero quæsitam devotionem, conquiescere debeo sine transcurrendi anxietate, donec mihi satisfecero.

Completo Exercitio dispiciat ut successerit.

Quinta, ut completo Exercitio sedens, vel deambulans, per quartam circiter horæ partem, mecum dispiciam, quonam modo meditatio, seu contemplatio mihi successerit. Et si quidem malè, inquiram causas cum pœnitidine, ac emendationis proposito: sin verò benè, gratias Deo agam, eundem postea modum observaturus.

Cogitationes istas vitet.

Sexta, ut cogitationes quæ gaudium afferunt, qualis est de gloriosâ Christi resurrectione, subterfugiam: quoniam talis quælibet cogitatio impedit fletum & dolorem de peccatis

catis meis, qui tunc quærendus est, adscitâ
potius mortis vel iudicii recordatione.

Septima, ut eandem ob causam, omni me
privem lucis claritate, januis ac fenestris clau- *Sit in tene-*
sis tantisper, dum illic moror, nisi quamdiu *bris.*
legendum, aut vespendum erit.

Octava, ut à risu, verbisque risum provo- *A risu se*
cantibus, maximè abstineam. *temperet.*

Nona, ut in neminem oculos intendam, nisi *Neminem*
salutandi aut valedicendi poscat occasio. *aspiciat.*

Decima, ut aliquam addam satisfactionem, *Pœnitentia*
seu pœnitentiam. Quæ quidem in interiorem *facienda.*

& exteriorem dividitur: Interior est, dolor de
propriis peccatis, cum firmo proposito ca-
vendi, tum ab illis, tum ab aliis quibuscvis in
posterum. Exterior autem est fructus interio-
ris, videlicet castigatio aliqua de commissis,
quæ tribus potissimum modis assumi potest.

Primò circa victum, subtractis quibusdam
non superfluis solum (quod temperantiæ est, *Circa vi-*
non pœnitentiæ) sed etiam convenientibus ali- *um.*

mentis: Et eò fit melius, quò plus subtrahitur,
viratâ interim naturæ corruptione, aut debili-
tate gravi, seu infirmitate. Secundò circa som- *Circa som-*
ni & strati modum, sublatis non mollibus tan- *num.*

tum, aut delitiosis rebus, sed aliis etiam oppor-
tunis, quantum licet, circa vitæ aut valetudi-
nis grave periculum. Quapropter de somno
necessario nihil demendum est, nisi aliquan-
tisper ad consuetudinem (si cui est nimij som-
ni) moderandam. Tertiò circa ipsam carnem, *Circa cor-*
ut inflictum sentiat dolorem, admotis, gesta- *pus.*

tisque

tisque ciliciis, funibus, aut vectibus ferreis, vel incussis verberibus, ac plagis, vel aliis austeritatis generibus assumptis. In quibus tamen omnibus magis expedire videtur, ut doloris sensus in carne tantum sit, nec penetret ossa cum infirmitatis periculo. Quare flagellis potissimum utemur ex funiculis minutis, quæ exteriores affligunt partes, non autem adeo interiores, ut valetudinem adversam causare possint. Notanda sunt insuper quatuor hæc.

*Exterioris
pœnitentia
usus triplex.*

Circa pœnitentiam, Primum, quod pœnitentiæ exterioris triplex est usus, seu effectus: nimirum, ut pro delictis præteritis nonnihil satisfiat: ut vincat seipsum homo, inferiorem sui partem quæ sensualitas appellatur, superiori, hoc est rationi, magis subjiciens. Ut postremo quæramus atque impetremus aliquod gratiæ divinæ donum, quod optamus, puta intimam cordis contritionem de peccatis, & abundantiam lacrymarum, vel propter illa, vel propter pœnas & dolores passionis Christi, aut dubij alicujus, quod nos angit, resolutionem.

*Duæ primæ
Additiones.*

Secundum, quod, Additiones primæ duæ, solis conveniunt Exercitiis, quæ mediâ nocte, & sub auroram fiunt. Quarta verò in templo, vel coram aliis numquam, sed domi tantum & clanculum exequenda est.

*Quando
quæ Exercitia
suum finem non
assequuntur.*

Tertiò, quod quando is qui exercitatur, affectum quæsitum non consequitur, ut dolorem, vel consolationem: mutare subinde expedit rationem victus somnique, & alia gene-

ra pœnitentiæ : ita ut pœnitentiam unam per triduum sectemur, & proximo eam biduo relinquamus, vel etiam triduo, prout diversis, plus aut minus pœnitentiæ est sumendum.

Præterea, cum pœnitentias hujusmodi sæpè omittamus ob affectum carnis, aut erroneum judicium, quasi naturalis nostra complexio ferre illas non possit, citra ingens valetudinis detrimentum; & è contrario justum nonnumquàm pœnitentiæ modum excedamus, de corporis robore nimis confidentes; mutatis, ut dictum est, pœnitentiæ generibus, ac per vices sumptis, & relictis, evenit plerumque, ut clementissimus Dominus, qui naturam nostram perfectissimè cognoscit, unicuique id compertum reddat, quod ipsi expedit.

Quartum, quòd, Particulare examen fiat ad tollendas culpas & negligentias, quæ circa Exercitia & additiones solent obrepere : id quod etiam per tres alias sequentes hebdomadas, observandum venit.



Mercenarij in domo Patris abundant.

Luc. 15.

MEDITATIO

De filio prodigo Luc. 15.

Oratio præparatoria eadem quæ semper.

Primum præludium. Proponemus ob oculos ex una parte locum illum, ubi filius prodigus in summa egestate porcos pascibat ex altera palatium in quo prodigi filii pater in affluentia rerum omnium cum suis versabatur.

Secundum præludium. Petemus à Deo ut nos in suam gratiam benigne receptos numquam amplius à se recedere permittat.

Primum punctum erit considerare quam dispar sit eorum conditio, qui longe à Deo recedentes, peccatorum sordibus, quasi porcorum filiquis pascuntur, & eorum qui à peccatis absoluti, gratia perfruuntur. Id autem facilius intelligetur ex iis, quæ de filio prodigo in Evangelio narrantur, & potissimum ex illis verbis. (Quanti mercenarii in domo patris mei abundant panibus, ego autem hic fame pereor.)

Secundum punctum. Erit perpendere filii prodigi confusionem, cum ex altera parte

H

patris

patris in se clementiam & liberalitatem à quo portionem substantiæ acceperat, recordaretur, ex altera vero suam in patrem ingratitudinem animadverteret. Quam confusionem tum maximam fuisse considerabimus, cum se squalore ac pannis oblitum coram patre sisteret, suumque ac patris dissimillimum ornatum inspiceret. Hæc & alia partim ad nos tanquam filios, partim ad Deum tanquam parentem referemus.


/ Tercium punctum. Erit attendere summam patris in filium benignitatem, quem adhuc longe existentem videns; misericordia motus est, & accurrens cecidit super collum ejus, & osculatus est eum; sic nos Deus, cum adhuc longe absumus, intuetur & misericordia motus, auxilio suo præventos benigne amplectitur delictorumque oblitus in gratiam denuo recipit: unde merito coram illo humillimè prostratus, cum filio prodigo exclamabis (Pater peccavi in cælum & coram te, jam non sum dignus vocari filius tuus.)

Quartum punctum. Erit considerare eò progressam esse patris benignitatem, ut ad se redeuntem filium non modo receperit, verum etiam pristinæ dignitati restitutum stola prima vestiri, annulo insigniri, calceamentis indui, hoc est gratia cæterisque donis ornari jusserit: Quin imo ad ostendendam cordis profusam lætitiā, ut universæ familiæ gaudium de vitulo saginato, è selectis armentis convivium instruxerit; quod quidem convivium,

vium, recte sacram Eucharistiam interpreta-
bimur, ubi sanctissimo Christo corpore &
sanguine reficimur.

Colloquium. Erit ut cum Deo loquens hanc
tantam ipsius bonitatem in te alioqui indignis-
simum admireris, interrogando quid in te vi-
derit, ut te tam benigne amplecteretur. Gra-
tias igitur summas parenti optimo referes, pe-
tesque ab eo, ut te tandem in domum ac hæ-
reditatem suam receptum, numquam am-
plius à se discedere patiatur.

Pater. Ave.



H 2

HEB.



Excem? adeu extra castra impropiu ei² portant
8f.

H E B D O M A D A

S E C U N D A

Contemplatio Regni I E S U Christi, ex similitudine Regis terreni, subditos suos evocantis ad bellum.

O RATIO præparatoria fiet more supradicto. *Oratio præparatoria.*

Præludium primum ad constructionem loci nunc erit, ut spectare nos imaginemur synagogas, villas, & oppida, quæ prædicans Christus pertransibat: & sic de locis aliis. *1. Prælud.*

Secundum ad gratiam poscendam pertinēs in hac parte erit, petere à Deo, ne obsurdescamus vocante nos Christo: sed ad sequendum, ac obtemperandum prompti simus. *2. Prælud.*

Punctum primum esto, proponere mihi ob oculos, humanum Regem divinitus electum, cui Principes, & populi omnes Christiani reverentiam & obsequiam præstare debeant. *Regem electum sibi proponere.*

Secundum est, imaginari quod audiam illum Regem loquentem ad omnes subditos: In animo est mihi regiones infidelium universas ditioni meæ subicere. Quicumque igitur comitari me velit, paratus sit oportet non alio uti victu, vestitu, rebusque aliis, quàm me utentem conspexerit. In iisdem quoque laboribus, vigiliis, & casibus ceteris mecum persistendum. *Audire loquentem.*

dum erit, ut particeps fiat victoriæ & felicitatis unusquisque, prout laborum ac molestiarum socius extiterit.

*Considerare
quid illi re-
spondendum
sit.*

Tertium est, considerare quidnam respondere debeant Regi amantissimo & liberalissimo fideles subditi, & quam promptè ad omnem ejus volūtatem offerre se accinctos. Contra vero, si quis non obaudiret, quanto apud homines universos vituperio dignus esset, atque quam ignavus miles æstimandus.

*Pars 2. hujus
Exercitii.*

Pars secunda hujus Exercitii consistit in collatione similitudinis inter dictum Regem, & Dominum Jesum Christum, circa triplex illud punctum.

*Exempli 5.
applicatio.*

Primò, sic applicabimus exemplum: Si terrenus ille Rex, cum bellicâ suâ evocatione, dignus est, cui attentio & obsequium præstetur; quantò magis Christus Rex æternus, mundoque toti conspicuus? qui singulos ad se his invitat verbis: Mea hæc est justissima voluntas totius mundi dominium mihi vindicare, inimicos meos debellare omnes, ac ita demum in Patris mei gloriam intrare: proinde quisquis eò mecum venire cupit, laboret mecum necesse est, labori enim præmium respondebit,

*Quis se
Christi ser-
vitio non
addicet?*

Secundum, ratiocinabimur neminem fore sanæ mentis, qui non cupidissime Christi servitio se totum offerat, & addicat.

*Eorum re-
sponsum.*

Tertio, judicandum erit, quod ii, qui se obsequiis illius prorsus duxerint mancipandos, non se ipsos tantum ad laborum tolerantiam; verum etiam majora & præclariora quædam mu-

munera oblaturi sunt, expugnatâ carnis, sensuum, amorisque proprii & mundani rebellionem. Unde respondebit quisque in hunc ferè modum: En, ô Rex supreme, ac Domine universorum, tuâ ego, licet indignissimus, fretus tamen gratiâ & ope, me tibi penitus offero, meaque omnia tuæ subijcio voluntati: attestans coram infinitâ bonitate tuâ, nec non in conspectu gloriosæ Virginis Matris tuæ, totiusq; curiæ cælestis, hunc esse animum meum, hoc desiderium, hoc certissimum decretum: ut (dummodò in maiorem laudis tuæ, & obsequii mei proventum cedat) quam possim proximè te sequar, & imiter in ferendis injuriis & adversis omnibus, cum verâ, tum spiritus, tum etiam rerum paupertate: Si (inquam) sanctissimæ tuæ majestati placeat ad tale me vitæ institutum eligere atque recipere.

Fiet bis interdiu hoc Exercitium, manè cum primùm surreximus, & in horâ prandium vel cœnam præcedente.

*Bis fiet hoc
Exercitium.*

In hac hebdomadâ secundâ, & subsequen-
tibus, utile fuerit, aliquid subinde legere ex
Evangelio, vel pio alio codice, ut de Imita-
tione Christi, Sanctorum vitâ, &c.

Lesio pia.



P R I M Æ D I E I

M E D I T A T I O

Prima erit, de Incarnatione Iesu Christi, complectens Orationem præparatoriam, tria Præludia, & Puncta tria, cum uno Colloquio.

O RATIO præparatoria nihil à superioribus *Orat. præp.* variatur.

Præludium primum est, proferre in me. *1. Prælud.* dium contemplandæ rei historiam, quæ hoc loco erit: Quomodo personæ tres Divinæ, universam terræ superficiem speculantes, hominibus refertam, qui ad infernum descende-
bant, in Deitatis suæ æternitate decernunt, ut secunda persona, pro salute humani generis, naturam hominis assumat. Unde adveniente tempore præstituto, Archangelus Gabriel ad beatam Virginem Mariam nuntius destina-
tur, ut dicetur infra. pag. 185.

Secundum pertinet ad loci compositionem, *2. Prælud.* quæ erit visio imaginaria, perinde ac si oculis pateret terræ universæ ambitus, quam habitant tot diversæ gentes. Deinde ad certam mundi partem domuncula spectetur beatæ Virginis, apud Nazareth in provincia Galilææ sita.

Tertium continet gratiæ postulationem, ut *3. Est gratia postulatio.* intimè cognoscam, quo pacto Dei Filius

H 5

mei

mei causâ sit homo factus, ut ardentius ipsum amem, & abhinc sequar studiosius.

*Eadem ora-
tio præp.*

Notandum hîc est, tam Orationem præparatoriam, quam tria Præludia per totam hanc hebdomadam, & reliquas sequentes itidem fieri, Præludiis dumtaxat pro diversitate rerum variatis.

*Contempla-
tio personarum.*

Punctum primum est, ut speculer personas omnes, de quibus agitur: Et primò quidem homines super faciem terræ degentes, ad eò moribus, gestibus, & actionibus diversos; quosdam albos, & nigros alios; nonnullos fruantes pace, & reliquos bellis agitados: hunc plorantem, & ridentem illum: sanum unum, alterum ægrotum: nascentes multos, & multos vicissim morientes, ceterasque varietates propè innumeras.

Deinde contemplandæ erunt personæ tres divinæ, è solio regali suo intuentes omnia hominum genera, in superficie terræ cæcorum more viventium, passimque morientium, & descendentium ad infernum. Postcà Virginem Mariam cum Angelo eam salurante, considerabimus, aliquid inde semper ad nos reflectendo, ut ex consideratione tali fructum aliquem referamus.

*Audire eas
loquentes.*

Secundum punctum est, auditu interno excipere, quid loquantur personæ omnes, ut homines in terris confabulantes, blasphemantes, sibi que invicem conviciantes. Divinæ verò personæ in cælo de redimendo humano genere colloquentes: Virgo & Angelus in cellula
de

de Incarnationis mysterio tractantes. Quorum omnium reflexione, seu applicatione quadam ad meipsum facta, studebo ex singulis nonnihil fructus decerpere.

Tertium consequenter erit, actiones quoque personarum simul attendere: ut puta, quomodo sese invicem mortales infestent, concutiant, trucident, & omnes ruant ad inferos: quomodo sanctissima Trinitas Incarnationis opus exequatur legatione, & Beata Virgo humillime se gerens, Divinæ gratias agat majestati. Ex quibus ad nos ipsos, ut dictum est, reflexis, fructus obiter est legendus.

*Actiones
attendere.*

Colloquium postremò subjiciam disquisitionis studiosè verbis, quibus divinam quamlibet personam, Verbum incarnatum, & ipsius Matrem dignè valeam compellare: petendo etiam pro affectu, quem in me sensero, quidquid ad majorem juvet imitationem Domini mei Jesu Christi. velut nunc recens incarnati. Recitabitur in fine *Pater noster*.

Colloquium.

CON.



Aut Xpus fallitur, aut mundus errat *Per Nat.*

CONTEMPLATIO II.

*De Nativitate.*

O RATIO præparatoria sicut suprà:
Præludium primum ex historiâ dependet, quæ recensenda est ab egressu Beatæ Virginis ex oppido Nazareth: quo scilicet modo jam nono mense gravida, & insidens asinæ (ut piè meditari licet) ac Joseph comes, cum ancillulâ, & bove, profecti sunt Bethlechem, tributum à Cæsare exactum, pro se soluturi.

Orat. præp.
1. Prælud. i.

Secundum verò deducendum erit ex consideratione itineris, æstimatâ ejus longitudine, obliquitate, lenitate, vel asperitate passim occurrente. Deinceps etiam nativitatis locum rimabimur, speluncæ similem, latum, vel angustum, planum, vel erectum, commodè, vel incommodè paratum.

2. Præludium.

Tertium, à superiore nihil mutabitur.

3. Præludium.

Punctum primum est, aspectus personarum, ut Virginis Deiparæ, & Joseph conjugis, cum famulâ, & Christi Domini, ut infantis nunc primùm nati: * Inter quos me adesse fingam, tamquàm pauperculum, eorum utcumque necessitatibus, cum reverentiâ maximâ famulantem. Ac inde quid ad me redire emolumenti, ex tali spectaculo possit, dispiciam.

Aspectus personarum.

* i

Secundum conficitur ex verborum, quæ ibidem fiunt, apprehensione fructuosâ.

Earum verba.

Ter-

*Cogitare labores itin-
ris.*

Tertium ex negotiorum, quæ illic geruntur, inspectione, puta itineris, laborum, & causarum ob quas summus omnium Dominus, in summâ natûs sit egestate, laturus quoque in hac vitâ cum perpetuâ paupertate labores, famem, sitim, æstum, frigus, opprobria, verbera, & crucem tandem subiturus, idque mei causâ: unde per singulas studebo proveni-
tum aliquem spirituales colligere. Hæc de-
mum concludenda erunt inito colloquio, & finito cum *Pater noster*.

III. CONTEMPLATIO,

Est repetitio præcedentium duarum.

*Pro 3. Exer-
citiis repetun-
tur duo præ-
cedentia.*

PRO tertio Exercitio, seu contemplatione, repetuntur duæ præcedentes cum Oratione præparatoriâ, & iisdem tribus Præludiis, notando ubique, & fixius tractando illas partes, in quarum priore transcurfu aliquid illustrationis, consolationis, vel desolationis acceperim. Subdetur etiam Colloquium cum oratione Dominicâ, ut prius.

*Idem est in
hac hebdo-
mada repe-
tendi modus
qui in se-
quentibus.*

Notandum, eundem esse repetendi Exercitii modum, & ordinem in hac hebdomada, & in sequentibus, qui fuit in prima: nisi quod mutatur materia, eadem forma permanente.

IV. CONTEMPLATIO,

Est prima ac secunda iterata repetitio, proxima præcedenti penitus conformis.

V. CONTEMPLATIO,

Est applicatio sensuum ad prædictas.

Post Orationem præparatoriam, cum tribus jam dictis Præludiis, apprimè condu- ^{Quinque sensuum consideratio.} cit, quinque imaginarios sensus circa primam & secundam Contemplationem, eo, qui sequitur, modo, exercere, prout res subjecta feret.

Punctum primum erit, secundum imaginationem respicere personas omnes, & notatis, ^{Imaginari personas.} quæ circa eas occurrent, circumstantiis, utilitatem nostram elicere.

Secundum, velut audiendo, quid loquantur, aut loqui eas deccat, omnia in usum nostrum attrahere. ^{Quasi audire.}

Tertium, interiore quodam gustu, & olfactu sentire, quanta sit suavitas, & * dulcedo a- ^{Quasi gustare.} nimæ, divinis donis ac virtutibus imbutæ, juxta rationem personæ, quam consideramus, adaptando nobis ea, quæ fructum aliquem afferre possint. * k

Quartum, per internum tactum attrectare, ^{Quasi attrectare.} ac deosculari vestimenta, loca, vestigia, ceteraque personis talibus conjuncta, unde fiat nobis devotionis vel boni cujuslibet spiritualis major accessio.

Huic erit Contemplationi per Colloquium imponendus finis, sicut prioribus, adjecto itidem *Pater noster.* ^{Per Colloquium finiendum,} NO-

N O T A N D A

Insuper sunt hæc quinque.

*Nullū aliud
mysterium
meditandū.*

Primum, quòd tam in hac, quàm in qualibet sequente hebdomadâ nullum debeo legere, vel cogitare aliud mysterium, nisi quod eadem horâ aut die considerandum sit, cùm alioquin unum alteri obturber.

*Exercitiorum
qua repetuntur
distributio.*

Secundum, quòd primum de Incarnatione Christi Exercitium fit mediâ nocte, proximum diluculo, tertium circa horam Missæ, quartum sub vespas, quintum paulò ante cœnam: & eorum cuilibet, spatium impendetur unius horæ. Id quod abhinc deinceps ubique venit observandum.

*Quid cum
senibus vel
valetudinariis
agendum.*

Tertium, quòd si is, qui exercitatur, sit senex, vel per hebdomadam primam viribus attritus, præstat eum aliquoties non surgere de nocte, sed tres tantùm contemplationes peragere, in aurorâ, circa Missæ tempus, & ante prandium: * superaddita circa vespas una repetitione, & sensuum applicatione ante cœnam.

* i

*Qua in 2.
hebdomadâ
varianda.*

Quartum, quòd in hac hebdomada secunda, ex decem additionibus in prima traditis, variari debent secunda, sexta, & septima, cum decimâ ex parte. In secundâ quidem hoc mutatur, quòd simulatque excitor à somno, meditationem proximè instantem debeo menti objicere, ac desiderium provocare, cognoscendi

di clariùs Incarnati æterni Verbi , ut ipsi serviam, & adhærescam tantò propensius, quantò incredibiliorem erga me bonitatem ejus perspexero.

In sexta verò, ut frequenti versum memoria vitam Christi à tempore Incarnationis ad locum usque, sive mysterium, de quo in præsentī die, vel hora sum meditaturus;

In septima, ut luce, vel obscuritate, sereno cælo, vel turbido delecter, quatenus ad scopum refert desideratæ rei, pertingendum.

In decima, ut ita me geram, sicut exigere videtur mysterii contemplandi genus; cùm nonnulla ex mysteriis pœnitentiam requirant, alia non item. Decem igitur Additionibus utendum erit circumspectè.

Quintum est ultimò notandum, quod in omnibus aliarum horarum (præterquàm notis mediæ & auroræ) Exercitiis, assumendum erit aliquid, quod secundæ & tertiæ additioni æquivaleat, hunc in modum: ubi primùm in mentem veniet adesse meditandi horam, priusquàm accedam, prospiciam eminus, quò ferar, & coram quo sim appariturus, ac transcurfa obiter exercitii oblatis parte, contemplationem statim auspicabor.

*Quid in
aliis horis
mutandum*

I N I I . D I E

A R G U M E N T U M

P R I M Æ E T S E C U N D Æ

C O N T E M P L A T I O N I S ,

*Erit Christi Præsentatio in templo, de quâ infra pag. 195. & * Fuga in Ægyptum, de quâ pag. 197.*

* m

Fiet repetitio.

Super duabus his Contemplationibus fiet repetitio duplex, & sensuum applicatio, ut supra.

Interdum remittendum & variandum in Exercitiis.

Notandum, quòd expedit nonnumquàm eum, qui exercitatur, quamvis & vigore animi, & corporis robore sit præditus; nonnihil tamen remittere de præscriptis Exercitiis secundæ hujus hebdomadæ, & subsequentium duarum: ut assequi, quod cupit, commodius valeat, acceptâ solummodò contemplatione unâ in crepusculo matutino, & alterâ circa Missæ tempus: quarum repetitionem faciat horâ vespèrarum: & sub cœnam, quinque imaginationis sensus super iisdem exerceat.

Alia meditationes de vitâ Christi.

Die verò tertiâ meditandum occurret, quo pacto puer Jesus apud Nazareth subditus erat parentibus, ut habetur p. 197. Deinde, quomodò ab eis repertus fuerit in templo p. 199. Fient item duæ repetitiones, cum sensuum applicatione.

Præ-

*Praludium quoddam, circa considerationem
statuum, seu generum vitæ diver-
sorum.*

CUM * suprà propositum fuerit exemplum * n
Christi, de vitæ genere, quod in manda- *Praludium
de diversis
vitæ generi-
bus.*
torum Dei observatione consistit, & primus
seu communis status appellatur; nunc idem
ipse Dominus, dum parentibus suis fuisse sub-
ditus memoratur, formam videtur exhibere,
alterius seu secundi status, pendentis ab obe-
dientiâ, & perfectionem Evangelicam affe-
rentis, quando videlicet in templum se con-
tulit, patre adscititio, & naturali Matre dere-
lictis, ut æterni Patris obsequio vacaret. Quare
opportunitate hic erit, nos quoque illius vitam
contemplantibus, vestigare & efflagitare pro-
prium vitæ genus; in quo majestati suæ nos
servire malit.

Ad hoc igitur inquirendum, possumus in-
troducti persequens proximè Exercitium, ad
Christi mentem attendentes, collatam cum
oppositâ inimici. Discemus etiam exinde qua
sit nobis opus dispositione, ut perfecti in eo
evadamus statu, quemcumque bonitas divina
eligendum nobis suggesserit.



Eligite hodie cui seruire potissimum debeatis.

Is. 24.

QVARTA DIE

*Fiet meditatio de duobus vexillis; uno quidem
I E S U Christi optimi nostri Imperato-
ris; altero verò Luciferi, hostis hominum
capitalissimi.*

O Ratio præparatoria fit secundum mo- *Orat. præp.*
rem,

Prælium primum, erit historica quædam *1. Præli. est
historia.*
consideratio Christi, ex unâ parte, & ex alterâ
Luciferi, quorum uterque omnes homines ad
se vocat, sub vexillo suo congregandos.

Secundum est ad constructionem loci, ut *2. Est con-
structio loci.*
repræsentetur nobis campus amplissimus cir-
ca Hierosolymam, in quo Dominus J E S U S
Christus, tamquàm bonorum hominum om-
nium summus Dux assistat. Rursum alter cam-
pus in Babyloniâ, ubi se Lucifer, malorum &
adversariorum ducem exhibeat.

Tertium, ad gratiam petendam illud erit, *3. Est petiti-
o gratia.*
ut poscamus exploratas habere fraudes mali
Ducis, invocatâ simul Divinâ ope ad eas vi-
randas: veri autem, optimique Imperatoris
Christi, agnoscere mores ingenuos, ac per gra-
tiam imitari posse.

Punctum primum est, imaginari coram o- *Imaginari
ducem impi-
orum.*
culis meis, apud campum Babylonicum, du-
cem impiorum in cathedrâ igneâ, & fumosâ
federe, horribilem figurâ, vultuque terri-
bilem.

*Vt convocat
dæmones.*

Secundum est, advertere quomodò convocatos dæmones innumeros per totum orbem spargit ad nocendum, nullis civitatibus & locis, nullis personarum generibus immunitibus relictis.

*Ejus concio
ad suos.*

Tertium, attendere cujusmodi concionem habeat ad ministros suos, quos instigat, ut correptis injectisque laqueis, & catenis, homines primùm trahant (quod fere contingit) ad cupiditatem divitiarum, unde postea facilius in mundani honoris ambitionem, ac demum in superbiæ barathrum deturbari queant.

*Tres gradus
tentationum.*

Atque ita tres sunt præcipui tentationum gradus, in divitiis, honoribus, & superbiâ fundati: ex quibus in alia vitiorum genera omnia, præceps fit decursus.

Similiter ex opposito, considerandus est summus optimusque noster Dux & Imperator Christus.

*Imaginari
de contra
Christum.*

Punctum primum erit, conspiciari Christum in amœno campo juxta Hierosolymam, humili quidem constitutum loco, sed valde speciosum formâ, & aspectu summe amabilem.

*Vt suos per
orbem disci-
pulos mittat.*

Secundum autem est, speculari quo pacto ipse mundi Dominus universi, electos Apostolos, discipulos, & ministros alios per orbem mittat, qui omni hominum generi, statui,

statui , & conditioni doctrinam sacram ac salutiferam impartiant .

Tertium, auscultare concionem Christi exhortatoriam , ad servos & amicos suos omnes in opus tale destinatos , qua eis præcipit , ut juvare studeant quemlibet , ac primò inducendum curent ad spiritualem affectum paupertatis : & insuper (si divini obsequii ratio & electio cælestis eò ferat) ad sectandam actu ipso veram paupertatem : deinde ut ad opprobrii , contemptusque desiderium alliciant , unde humilitatis virtus enascitur . Et ita tres consurgunt perfectionis gradus , videlicet paupertas, abjectio sui, atque humilitas, quæ ex diametro divitiis, honori, & superbiz opponuntur , ac virtutes omnes statim introducunt .

Colloquium postea formandum erit ad Virginem beatam, implorandaque est per eam à Filio gratia , ut recipi possim & manere sub vexillo ejus ; Idque primum , per spiritualem tantum paupertatem , aut etiam in rerum expoliatione sitam , (si quidem ad eam me vocare , atque admittere dignabitur ;) deinde per abjectionem quoque , seu ignominiam , ut ipsum imiter vicinius , deprecando tamen culpam aliorum , ne contemptus mei , tam in alicujus detrimentum , quam in offensam Dei cedat .

Terminabitur primum hoc colloquium per Ave Maria.

*Finitur per
Ave Maria.
Colloquium*

2. *Ad Christum.*

Secundum Colloquium ad Christum hominem dirigitur, ut mihi à Patre impetret illud idem, subdeturque in fine oratio, *Anima Christi.*

3. *Ad Patrem.*

Tertium ad Patrem, ut annuat petitioni, cum *Pater noster.*

Fiet etiam in media nocte.

Transigetur hoc Exercitium semel in mediâ nocte, & alterâ vice sub auroram.

Dua repet. quando fiunt.

Repetitiones verò duæ circa matutini facri, atque vesperarum tempus erunt faciendæ, additis in fine tribus Colloquiis. Sequens verò Exercitium fiet ante cœnam,



SEQVAR TE QVOCVMQVE IERIS *Matth. 8.*

MEDITATIO

*Eodem quarto die facienda, de tribus hominum
Classibus, seu differentiis, ut potissimam
partem amplectamur.*

O Ratio præparatoria, ut semper ante-
hac. *Orat. præp.
1. Prælud.*

Præludium primum fiat, propositis vice
historiæ, tribus hominum classibus distinctis,
quarum unaquæque decem millia ducato-
rum, alio quàm divini cultus & amoris studio
sibi paraverit: nunc autem placatum habere
Deum, & salva fieri exoptet, sublato * utcum-
que noxio affectu rerum, utpote salutis impe-
dimento.

Secundum est, loci cujusdam imaginaria *2 Præl. loci
constructio.*
constructio, in quo videam meipsum coram
Deo Sanctisque omnibus, cum desiderio astan-
tem, atque perseverantem, quonam pacto ipsi
Deo placere queam potissimum.

Tertium est, optatæ rei petitio, nimirum *3. Reipeti-
tio.*
gratiæ, per quam id eligam, quod & Deo
acceptissimum, & mihi saluberrimum futu-
rum sit.

Prima igitur classis optat quidem acquisitæ *1. Classis af-
fectus.*
rei exuere affectum, ut conciliari Deo possit:
sed media, * debitaque adminicula toto vitæ
tempore non admovent.

Se-

2. *Affectus.* Secunda itidem affectum malè ordinatum auferre cupit: sed rem interim mordicus tenere, ac Deum potiùs trahere ad votum proprium, quam relicto impedimento, per conducibiliorem statum ad illum tendere.

3. *Affectus.* Tertia postremò affectum insincerum volens abjicere, rem ipsam vel tollere, vel tenere æquè parata est, prout ad divinum cultum commodius fore, vel ex divino instinctu, vel ex rationis dictamine animadverterit: * Ac, interim omnia relinquens integra, illud tantum versat, & inquirir, nec aliam admittit relinquendæ, aut retinendæ rei acquisitæ causam, præter rationem ac desiderium divinæ gloriæ, ut quam maxima sit,

Colloquium. Colloquia tria subsequuntur, ut nuper facta sunt de vexillis.

De affectu perfectæ paupertatis. Notandum ad hæc, quòd ubi affectum sentimus paupertati perfectæ, quæ tum in spiritu, tum in rerum abdicatione subsistit, adversantem, & ad divitias magis inclinantem: multum confert, ad eum elidendum, petere ex Deo, licet renitente carne, ut ad paupertatem ejusmodi sectandam nos eligat: * servabimus tamen interea desiderii nostri libertatem, quâ liceat convenientiorem servitio divino viam invadere.

QVINTA DIE

Sequetur contemplatio de Domini transitu, à Nazareth ad Iordanem fluvium, deque ejus baptismo pag. 201.

Fiet tam mediâ nocte, quam primo mane. *Fiet circa mediam noctem: bis repetitur.* Bis præterea repetitur circa Missæ, ac vespèrarum horam. Ante cœnam applicabuntur quinque sensus. Ad hæc quodlibet horum quinque Exercitiorum præcedet Oratio præparatoria, cum tribus Præludiis, ut in superioribus de Incarnatione & Nativitate traditum est. Nec non adjectis tribus Colloquiis, ut circa classes, vel juxta id, quod ibi fuit subnotatum.

Examen autem particulare à prandio & cœnâ usitatum, fiet hîc, & insequentibus de *Examen particulare de quâ re.* erratis ac negligentis, quæ circa proprias ejus dici meditationes, & Additiones contigerunt.

Sexta deinceps die, contemplandum se offeret quomodo Christus Jesus à flumine Jordanis petierit desertum, ibique versatus sit. *Sextâ die quid meditandum.* Servatâ omnino Exercitii diei quintæ formâ, pag. 201.

Septima, quomodo Beatus Andreas, & 7. *Dis.* alii successive Christum secuti sunt, ut dicitur pag. 205.

Octava, quomodo sermonem fecit Domi- *s. Dis.*

MUS

nus in monte, octo beatitudinis modos edisserens, pag. 209.

9. *Dis.*

Nona, quomodo navigantibus discipulis se ostendit, ambulans super aquas maris, p. 211.

10. *Dis.*

Decima, quomodo in templo docuit, p. 217.

11. *Dis.*

Undecima, de Lazari suscitatione, p. 215.

12. *Dis.*

Duodecima, de gestis in die palmarum, pag. 217.

Notanda hoc loco sunt hæc tria.

In 2 hebdomadâ possunt adjici meditat.

PRimo, quod in hac secundâ hebdomadâ juxta temporis facultatem, & utilitatem personæ sese exercentis, possunt aliquot meditationes vel adjici, ut de mysteriis visitationis pastorum, circumcisionis, & trium Regum; vel subtrahi ex suprapositis, quippe, quæ introductione tantum delineantur, ad formandam meliùs contemplationem.

• f

Quando inchoanda electionum discussio.

Secundò,* quod inchoanda est electionum discussio à contemplatione discessus Christi ex Nazareth Jordanem versus usq; ad eam, quæ fit quinto die, simul comprehendendam.

Quid ante materiam electionum.

Tertiò, quod antequam electionum materiam aggrediamur, ut ad capeßendam germanam Christi doctrinam affectum nostrum disponamus, apprimè juvat considerare, ac per diem totum revolvere idem idem tres sequentes modos humilitatis, nec non colloquia dicenda, crebro agitare.

Tres



Mihi absit glori^a nisi in Cruce Dñi Nñ Iesū Ch



Tres gradus Humilitatis.

Primus humilitatis modus hic est, ad salutem necessarius, ut me penitus subdam divinæ legi observandæ, utque ne mundi quidem totius oblato mihi dominio, vel extremo vitæ discrimine objecto, transgrediar ex deliberato mandatum ullum divinum, aut humanum, quod quidem peccati mortalis vinculo nos obliget.

Primus humilitatis modus.

Secundus majoris est perfectionis, ut fixo animo, ad divitias, paupertatem, honorem, ignomiam, brevitatem vitæ, ac longitudinem, æquè sim propensus, ubi æqualis est divinæ laudis, & salutis mea occasio. Utque nullâ, vel humanæ quantæcumque felicitatis, vel propriæ mortis conditione propositâ, adducar umquam, ut culpam, licet venialem tantum, decernam admittere.

2. Modus.

Tertius est modus humilitatis absolutissimus, ut priores duos jam adeptus, etiam si nullo superaddito, laus Dei par foret, ad maiorem tamen imitationem Christi, eligam potius cum eo paupere, spreto, & illuso, pauperiem, contemptum, & insipientiæ titulum amplecti, quàm opes, honores, & sapientiæ æstimationem. Porro ad gradum hunc humilitatis attingendum, magnum afferet compendium, triplicis colloquii præcedentis de vexillis usus, per quod suppliciter poscamus (si divinæ placeat benignitati) ad talem perducere electio-

3. Modus.

K

nem

nem, five major, five æqualis obsequii mei erga Deum, & gloriæ divinæ proventus sub-
sit.

Praludium ad electionem faciendam.

*Requisita ad
electionem.*

AD benè quippiam eligendum, nostræ sunt partes, ut oculo puro ac simplici spectemus, quorsum fuerimus creati, nimirum ad laudem Dei, & salutem nostram. Quapropter eligenda sunt ea tantum, quæ conducunt ad dictum finem; cùm ubique fini medium, non medio finis habeat subordinari. Unde errant, qui uxorem ducere primitus, aut Ecclesiasticum munus seu beneficium adipisci statuunt, atque ita demum Deo postea inservire, utentes præposterè fine ac medio, nec ad Deum tendentes rectè, sed obliquè ipsum ad perversa vota sua pertrahere conantes. Atqui è contrario planè agendum est, propositum primum divino cultu, tamquàm fine nostro, & electo deinceps conjugio, vel sacerdotio; ceterisque rebus omnibus, quatenus expedit, ad præfixum finem ordinatis. Idcirco nihil movere nos debet, ad mediis quibusvis utendum, aut supersedendum, nisi habitâ in primis tam divinæ laudis, quàm nostræ salutis certâ ratione,

*Introductio ad eligendarum rerum natitiam,
complectens quatuor puncta, & annotatiun-
culam unam.*

Primum punctum est, quod res omnes, <sup>Res electio-
nis quales,</sup> quæ sub electionem cadunt, necessario bonæ esse debent ex seipsis, aut certè non malæ, nec nisi consonæ institutis orthodoxæ Matris Ecclesiæ.

Secundum, quod genera duo rerum electio- <sup>Quot gen-
ra rerum,</sup> ni quadrant. Nam quarundam electio immutabilis est, ut ordinis sacerdotalis, & matrimo-
nii: aliarum verò mutari potest, sicut reddi-
tuum Ecclesiasticorum, vel sæcularium, quos
recipi & relinqui ex causâ fas est.

Tertium, quod circa ea, de quibus fa- <sup>Quando n-
superest vlt-
gendum,</sup> cta jam sit electio immutabilis, nihil su-
perest eligendum. Sed advertendum est, quod
si quis improvidè, nec sine obliquis affec-
tionibus aliquid elegerit, quod non liceat
retractare, reliquum est, ubi eum cæperit
pœnitere facti, electionis dominum probita-
te vitæ, & operum solertiâ pensare: resili-
re autem nullo pacto deest, quamvis electio
istiusmodi non videatur vocatio divina esse,
utpote obliqua atque inconsulta. Quâ in
re non pauci errant, electionem malam, &
obliquam pro divinâ vocatione reputan-
tes, cum hæc semper pura & clara sit,

K 2

non

non carnali ullo affectu, vel studio perverso mixta.

Quando enim est violanda electio.

Quartum, quod, si quis debito modo & ordine, absque carnali mundanoque affectu quippiam elegit, quod mutari possit, non est cur violet electionem talem, sed potius, ut in ea magis ac magis proficiat, adiri debet.

Quando corrigenda.

Notandum autem est, quod si electio rerum huiusmodi mutabilium, non ita recte acque sincere processerit; eam expedit corrigere, ut fructus uberior, & Deo gravior produci possit.

De tempore triplici, ad electiones recte faciendas magis opportuno.

1. Tempus cum nulla subest dubitatio.

Tempus primum erit, quando voluntatem divina virtus sic impellit, ut omnis dubitatio, imo etiam dubitandi facultas animæ sublata sit, quo minime sequatur impulsione talem: sicut legimus Beato Paulo, & Matthæo, & aliis nonnullis, vocante Christo, accidisse.

2. Cum constet de Dei beneplacito.

Secundum est, quoties satis clarum comperit, tumque fit beneplacitum divinum, docente id aliquo consolationum vel diversorum spirituum prævio experimento.

3. Quando cum tranquillitate sit electio certa vite.

Tertium est, quando per animi tranquillitatem aliquis, considerato fine, ad quem conditus est (ad Dei gloriam scilicet & salutem suam)

suam) eligit certum vitæ genus intra Ecclesiæ Catholicæ limites constitutum, per quod ceu medium, commodiùs securiusque ad suum finem tendat.

Porro tranquillitas ea tunc noscitur adesse quotiescumque anima nullis agitata variis spiritibus, vires naturales suas liberè exercet. Itaque nisi primi vel secundi temporis beneficio electio contingat, superest ad tertium recursus duobus modis sequentibus distinctum.





Proposui in conspectu tuo vitam, & mortem. Deut. 30
124.

*Modus prior sanæ bonæque electionis faciendæ, sex
constans punctis.*

Punctum primum, erit proferre in medium *Rem delibe-*
rem deliberandam, ut de officio, vel be- *randam*
neficio, acceptandumne, an potius rejicien- *proferre.*
dum sit; & ita de ceteris rebus, quæ ad muta-
bilem electionem spectant.

Secundum est, adducto ante oculos creatio- *In neutram*
nis meæ sine, in hoc consistente, ut cum Dei *partem pen-*
laude salvus siam, in neutram declinare par- *dere.*
tem amplectendæ vel repudiandæ rei contro-
versæ: quin potius velut in medio quodam in-
terstitio, & æquilibrio subsistere, parato inte-
rim animo, ut in eam illicò partem totus fe-
rar, quam novèro divinæ gloriæ, & saluti
meæ fore aptiorem.

Tertium, obsecrare Dei clementiam, ut di- *A Deo lu-*
gnetur mentem instruere, & impellere volun- *tempore.*
tatem, quocumque potius mihi tendendum
sit, adhibito nihilo secius, pio fidelique intel-
lectus mei ratiocinio: per quod apprehensâ,
& probatâ Dei voluntate, ad electionem
ferar.

Quartum, perpendere quot tandem com- *Commoda*
moda vel adminicula mihi ad finem meum *vel admini-*
prosequendum accedent ex tali officio vel *cula perpen-*
beneficiâ suscepta: quot rursus ex eodem *dere.*
incommoda & pericula impendent. Præte-
reâ, quot per oppositum, omisso illo,
tam commoda & adminicula, quàm di-
K 4 scriimi.

discrimina & damna possim expectare.

*Tum ratio-
cinari in
utramque
partem.*

Quintum, his præmissis, ratiocinari in utramque partem, & juxta ipsius rationis dictamen, seposito carnis appetitu omni, electionem concludere.

*Electiorem
factam Deo
offerre.*

Sextum, electione factâ, ad orandum citò profilire, & illam offerre Deo perfectè demum, si ei placeat, recipiendam & stabilendam.

*Modus posterior bene eligendi, in Regulas
quatuor, & Annotationem unam di-
stributus.*

*Puritas af-
fectus.*

Regula prima, quod, cum oporteat per affectum ex Dei amore cælitus infusum fieri electionem, eligentem convenit perfectificare in seipso, quòd quidquid affectionis (sive multum sive modicum sit) erga rem electam tenet, ex solius Dei amore, & intuitu proficiscatur.

** r
Quid si a-
mico consule-
rem.*

Secunda,* est considerare, si quis mihi vir amicissimus, cui nihil non perfectionis inesse cupiam, occurreret dubius super electione hujusmodi, quidnam ego illi decernendum maximè essem consulturus. Quo animadverso, agendum & mihi ducam, ut suaderem alteri.

*Quid elige-
rem morie
ingruente.*

Tertia, mecum insuper reputare, si mors ingrueret, quem me mallem observasse modum in præsentì deliberatione. Juxta hunc igitur, eligendum nunc esse facile intelligam.

Quarta,

Quarta, prospicere non minus, quando pro tribunali sistar judicandus, quo me consilio hac in re usum esse vellem. Quo agnito nunc utar, ut eo tempore magis sim securus.

*Quid cum
tribunali
Dei sistar?*

Adnotandum est postremò, quòd hisce Regulis quatuor propter salutem meam, & animi quietem accuratè servatis, debeo juxta ultimum punctum modi præcedentis, electionem ipsam definire, & offerre Deo comprobendam.

*Quando, &
quomodo fa-
cienda ele-
ctio.*

De emendatione seu reformatione circa vitam statum cuiusvis faciendâ.

IN primis illud est advertendum, quòd si quis vel matrimonio, vel officio dignitatis Ecclesiasticæ sit adstrictus (de temporalium verò bonorum quantitate, magna an parva sit, non refert) unde ipsi non vacet, aut parum libeat circa mutabilium rerum electiones versari; operæpretium est, earum loco methodum ei tradi, seu formulam aliquam, ex qua vitam suam, & statum proprium possit emendare.

*Quid fa-
ciendum
matrimonio
vel dignitate
Ecclesiast.
adstricto.*

Debet igitur, quisquis ejusmodi conditionem sortitus est, ut finem creationis, & vitæ suæ rectè statuatur ac sequatur, per Exercitia supradicta, & electionum modos attendere, atque ruminando sedulò colligere, quàm amplam domum & familiam æquum sit se habere

*Singula sta-
tum perpen-
das.*

bere: quibus eam modis tractare & administrare conveniat: quibus instruere verbis & exemplis: quantum præterea de possessis facultatibus sumptum facere liceat in usus proprios, sive domesticos: quid rursus pauperibus erogare, vel impendere piis operibus deceat, nihil affectando aliud, nec quærendo, nisi quod honorem Dei & salutem suam præstet. Hoc enim unusquisque persuasum habeat, tantum se in studiis spiritualibus promoturum esse, quantum ab amore sui ipsius & commodi proprii affectione sese abstraxerit,



Tu mihi lavas pedes: At DOMINVS: si non lauero te
non habebis partem mecum.

TERTIA

HEBDOMADA

CONTEMPLATIO I.

** Fit in mediâ nocte, & continet Orationem
præparatoriam, tria Præludia, sex Pnn.
Ela, cum uno Colloquio.*

ORATIO præparatoria eadem, quæ sem- Orat. præp.
per. 1. Prælud.

Præludium primum, sumitur ex historiâ:
Quomodo Christus a Bethaniâ misit Hiero-
solyman discipulos duos ad parandam cœ-
nam, quod & ipse cum reliquis deinde profe-
ctus est: ibique post agni Paschalis esum, &
peractam cœnam, pedes lavit omnibus; &
sacrosanctum corpus ac sanguinem suum lar-
gitus est. Postremò sermonem ad eos habuit,
post discessum Judæ, ipsum venditurum.

Secundum, ex compositione loci, confide- 2. Prælud.
rando dictum iter asperum aut lenè, brevè
aut longum, cum ceteris, quæ inesse poterant,
circumstantiis. Deinceps conspiciendo locum
cœnæ amplum, vel angustum, vilem vel or-
natum, & consimilia.

Tertium, ex optatæ rei petitione; scilicet 3. Prælud.
doloris, indignationis, & confusionis, eò
quod

quod ob peccata mea, summus omnium Dominus tantis se tormentis ita objiciat.

*Respicere
cœnantes.*

Punctum primum, erit respicere cœnantes, & aliquid in usum meum adducere.

*Eos audire
loquentes.*

Secundum, eosdem audire, quid loquantur, & fructum inde decerpere.

*Actiones
considerare.*

Tertium, attendere, quid agant, & per omnia proficere.

** x
Quid Christi
sui pati ap-
petat,*

Quartum, * advertere, quid jam inde Christus pati appetat, & incipiat, juxta historiam: unde incipiam & ipse dolorem, mœstitiā, & fletum mihi excitare, meque affligam similiter in subsequētibz.

*Abconsa
divinitate
nō adversa-
rii porcunt.*

Quintum, meditari quo se pacto abscondens Christi Divinitas, adversarios suos, cum tāleat, non perdat, sed pœnas adeo crudeles pati sinat Humanitatem.

*Quid mihi
patiendum.*

Sextum cogitare, cum talia ferat pro peccatis meis, quid agere debeam aut pati ejus causā.

Colloquium.

Colloquium ad Christum fiet, terminandum cum *Pater noster*.

*Notandum
circa Collo-
quia.*

In colloquiis est notandum (ut suprà ex parte jam exposuimus) quod agere convenit, & aliquid petere, juxta præsēntis rei rationem, videlicet, prout sentio in me consolationem, vel perturbationem: prout virtutem unam, vel alteram expeto: prout in hanc, vel illam partem de me statuere intendo: prout etiam de re, quam contemplet, trīstari volō, vel lātari. Denique postulandum erit illud, quod circa rem certam aliquam maximè desidero.

dero : & unum dumtaxat colloquium poterit
confici ad Christum Dominum, vel triplex, si
devotio instiget, nempe ad Matrem, Filium,
& Patrem, sicut traditum est in contempla-
tione secundæ hebdomadæ, de tribus classi-
bus, cum sequente illic annotatione.





AMICE AD QUID VENISTI *Matth. 26*

200.11

II. CONTEMPLATIO,

*In aurorâ, de rebus à Christo post cœnam, &
in horto gestis.*

O Ratio præparatoria consueta semper. Præludium primum, est juxta historiam. Quomodo Jesus Christus unâ cum undecim suis Apostolis, descendit ex monte Sion ubi fuerant cœnati, & transiens per vallem Josaphat, relictis ibi ex illis octo aliis vero tribus in horti parte, seorsum ipse digrediens, oravit, ad sudorem usque sanguineum, iteratâ jam ter eadem ad Patrem suum oratione. Postea excitis discipulis à somno, prostratis ad solam vocem cum Juda per osculum prodente, adversariis: restituta deinceps, quam amputaverat Petrus, Malchi auricula; comprehensus tandem est, quasi nefarius aut latro quipiam, & per vallem illam ad Annæ domum primo tractus.

*Orat. præp.
1. Prælud.
historia.*

Secundum est, pro construendo loco, viam intueri declivem, planam, & arduam; item hortum certâ magnitudine, figurâ, & habitudine depingendum.

2. Prælud.

Tertium, pro voti consecutione, poscere mororem, planctum, anxietatem, & ceteras id genus pœnas interiores, ut Christo patienti pro me compatiar.

3. Prælud.

Notanda simul hæc quatuor.

*Quid post
orationem
præp. &
præludia.*

Primum, quod post præparatoriam orationem, cum tribus præludiis secundi hujus Exercitii, eodem modo, & ordine procedendum est per puncta, & per colloquium, ut in præcedente de cœnâ peractum est. Adjiciendæ quoque erunt circa Missæ & vespærarum tempus duæ repetitiones super unâ, & alterâ dictâ contemplatione. Ante cœnam vero, applicabuntur quinque sensus, præmissâ ubique oratione præparatoriâ, cum tribus præludiis, oblatæ materiæ congruentibus, quemadmodum in hebdomadâ secundâ satis descriptum est.

*Exercitia
danda pro
qualitate
persona.*

Secundum, quod habitâ ætatis, complexionis corporalis, ac dispositionis totius ratione vel quinque, vel pauciora Exercitia, diebus singulis implebuntur.

*Quid in
hac 3. heb-
domadâ
notandum.*

Tertium, quod in hac tertiâ hebdomada, mutandæ sunt ex parte, Additio secunda & sexta, siquidem (quod ad secundam spectat) ubi fuero experrectus præcogitans, quò tendam, & instantem contemplationem paululû delibans, interim dum surgo & accingor, adnitar simul ad tristitiam, & dolorem, de tot, ac tantis Christi pœnis, me ipsum acriter incitare. Quoad sextam verò, suffugiam potius, quàm queram, aut admittam jucundas cogitationes, licet alioqui utiles & sanctas, ut sunt de resurrectione Christi & gloria. Pro quibus in me-
ditanda

ditanda ejus passione, angores ac pœnas hauriam, ex frequenti eorum recordatione, quæ ab horâ suæ nativitatis, ad exitum usque vitæ hujus ipse perpeffus est.

Quartum, quod examen particulare, circa *Examen particulare.* tam Exercitiorum, quam Additionum functionem; fiet ad eundem modum, ut in hebdomada præcedente.

In secunda autem die, contemplatio alia *2. Die de gestis in domo Annæ,* succedet, noctu transigenda, de gestis in domo Annæ, ut narratur, pag. 223. Sub auroram verò de secutis rebus in domo Caiphæ; pag. 225. Deinde repetitiones & usus sensuum, velut prius.

In tertia die, contemplabimur per noctem *3 Die quomodo ductus ad Pilatum.* mediam, quomodo ductus est ad Pilatum Christus, & quid ibi actum, ut dicitur pag. 225. Diluculo verò, de iis quæ gesta sunt, transmissio Christo ad Herodem, pag. 226. Subdetur repetitionum & sensuum consuetus usus:

Die quarta, meditatio nocturna percurreret historiam de reditu ab Herode, *4 Die de reditu ab Herode.* paginâ 227. usque ad mediam partem mysteriorum, quæ apud Pilatum secuta sunt: reliquam verò partem circa lucem primam prosequemur. De repetitionibus quoque, & sensibus, pro consuetudine sit agendum.

Die quinta sub noctis medium, de progressu ipso passionis contemplabimur, à sententia Pilati usque ad crucifixionem, p. 229. Sub *Die 5. à sententia Pilati usque ad crucifixionem.* auro-

auroram deinceps , ab elevatione crucis , ad Christi usque expirationem , de quibus paginâ 231. Repetitiones & sensuum exercitatio, ut supra.

*Die 6. de
cruci de-
positione.*

Die sexta noctu, quomodo mortuus Dominus , sublatus de cruce , & ad monumentum delatus est, pag. 233. Primo manè, ex quo sepultus fuit, pag. eadem , donec B. Virgo in domum aliquam se recepit.

*Die 7. tota
passio resol-
venda.*

Die Septima, internoctu & mane passionem totam revoluemus. Postea repetitionum , & sensuum vice , per diem totum considerabimus , quam licebit frequentissime , quo pacto sanctissimum Jesu Christi corpus remanserit ab animâ sejunctum : & ubinam, aut quomodo sepultum , item quæ fuerit B. MARIE Matris solitudo, delolatio qualis , & quanta afflictio. Quàm acerbis quoque discipulorum mœror extiterit.

*Quid si im-
morandum
in passione.*

Subnotandum est, quod si cui libeat, meditandæ Christi passioni diutius instare , contemplationes singulas debet absolvere cum paucioribus mysteriis, ita ut prima solum comprehendat cœnam: Secunda, lotionem pedum: Tertia , Eucharistiæ sanctæ institutionem : Quarta , sermonem ibi subsequutum : & sic in ceteris agendum.

*Iteratio pas-
sionis.*

Ad hæc, trajectâ totâ passione, licebit proximo post die iterare ejus dimidium , atque reliquum postridie : perendie rursus totam simul.

E contrario vero, si quis malit tempus succidere,

dere, contempletur de cœna Domini per noctem: de horto, in aurorâ: de Annæ domo, circa Missam: sub vesp̄as, de domo Caiphæ: de prætorio Pilati, ante cœnam: & ita pergendo, per dies singulos diversa Exercitia quinque implebuntur, utpote repetitionum, ac sensuum usu prætermisso. Transcursa vero passione, operæpretium fuerit, eandem simul totam, die unico revolvēre, sive in unum tantum Exercitium congestam, sive distributam in plura, prout sibi fore conducibilius ille censuerit.

REGVLÆ ALIQVOT

Ad dictum rectè temperandum.

Prima est, quod à pane minus abstinendum sit, quàm à reliquis alimentis: cum neque gulam adeo irriter, nec tentationi æque obnoxios nos reddat.

A pane minus abstinendum.

Secunda, quod circa potum attendenda sit magis abstinētia, quàm circa panem: cautè observando, quæ prosit mensura potus, ut sumatur semper: quæruum noceat, ut tollatur.

Magis à potu temperandum.

Tertia, quod circa pulmenta & edulia potissimum abstinētiæ ratio versetur, cum per illa, tum appetitui ad peccandum, tum inimico ad tentandum, major subministretur occasio. Temperanda sunt igitur, vitandi excessus causa: quod fit dupliciter, dum vel cibus

Potissimum ab edulia.

L 3

grossio-

auroram deinceps, ab elevatione crucis, ad Christi usque expirationem, de quibus pagina 231. Repetitiones & sensuum exercitatio, ut supra.

*Die 6. de
cruci de-
positione.*

Die sexta noctu, quomodo mortuus Dominus, sublatus de cruce, & ad monumentum delatus est, pag. 233. Primo manè, ex quo sepultus fuit, pag. eadem, donec B. Virgo in domum aliquam se recepit.

*Die 7. tota
passio resoluenda.*

Die Septima, internoctu & mane passionem totam revoluemus. Postea repetitionum, & sensuum vice, per diem totum considerabimus, quam licebit frequentissime, quo pacto sanctissimum Jesu Christi corpus remanserit ab animâ sejunctum: & ubinam, aut quomodo sepultum, item quæ fuerit B. MARIE Matris solitudo, desolatio qualis, & quanta afflictio. Quàm acerbus quoque discipulorum mœror extiterit.

*Quid si im-
morandum
in passione.*

Subnotandum est, quod si cui libeat, meditandæ Christi passioni diutius instare, contemplationes singulas debet absolvere cum paucioribus mysteriis, ita ut prima solum comprehendat cœnam: Secunda, lotionem pedum: Tertia, Eucharistiæ sanctæ institutionem: Quarta, sermonem ibi subsequutum: & sic in ceteris agendum.

*Iteratio pas-
sionis.*

Ad hæc, trajectâ totâ passione, licebit proximo post die iterare ejus dimidium, atque reliquum postredie: perendie rursus totam simul.

E contrario vero, si quis malit tempus succidere,

dere, contempletur de cœna Domini per noctem: de horto, in aurorâ: de Annæ domo, circa Missam: sub vesperas, de domo Caiphæ: de prætorio Pilati, ante cœnam: & ita pergendo, per dies singulos diversa Exercitia quinque implebuntur, utpote repetitionum, ac sensuum usu prætermisso. Transcursa vero passione, operæpretium fuerit, eandem simul totam, die unico revolvare, sive in unum tantum Exercitium congestam, sive distributam in plura, prout sibi fore conducibilius ille censuerit.

REGULÆ ALIQVOT

Ad victum rectè temperandum.

PRima est, quod à pane minus abstinendum sit, quàm à reliquis alimentis: cum neque gulam adeo irritet, nec tentationi æque obnoxios nos reddat. *A pane minus abstinendum.*

Secunda, quod circa potum attendenda sit magis abstinencia, quàm circa panem: caute observando, quæ pro sit mensura potus, ut sumatur semper: quærum noceat, ut tollatur. *Magis à potu temperandum.*

Tertia, quod circa pulmenta & edulia potissimum abstinencia ratio versetur, cum per illa, tum appetitui ad peccandum, tum inimico ad tentandum, major subministretur occasio. Temperanda sunt igitur, vitandi excessus causa: quod fit dupliciter, dum vel cibis

L 3

grossio-

grossioribus vescimur atque assuescimus, vel dum parcè delicatis utimur.

*Ut reperien-
da iusta cibi
mensura.*

Quarta est, quod quanto plus de conveniente victu sibi quis ademerit (vitato interim valetudinis adversæ gravi periculo) tanto celerius mensuram cibi ac potus justam reperiet: tum quia, hoc modo melius se disponens, & obnixius tendens ad perfectionem, sentiet interdum quosdam cognitionis internæ radios, & consolatorios motus sibi cælitus immisos, ex quibus facile poterit rationem victus commodiorem discernere: tum quoniam si quis ita abstinendo, se deprehenderit viribus imbecilliores esse, quam ut Exercitia ipsa spiritualia peragere commode valeat, sic facile advertet, quam mensuram victus naturæ necessitas requirat.

*Inter com-
edendum, ali-
quid primum
imaginari.*

Quinta, quod expedit inter comedendum imaginari, quasi videamus Jesum Christum Dominum nostrum vespem cum suis discipulis, observando quem teneat edendi, bibendi, respiciendi, & loquendi modum, cumque ad imitandum nobis proponendo. Usuveniet enim, ut occupato magis intellectu circa meditationem talem, quæ circa corporalem cibum, discamus facilius victum moderari.

*Alia medi-
tationes in-
termiscenda*

Sexta, quod gratiâ varietatis, aliæ adhiberi possunt meditationes inter vescendum, ut sunt de Sanctorum vitâ, de piâ quapiam doctrinâ, vel de aliquo spirituali negotio agendo: unde sic abstractâ mente, cibum ipse & vescendi delectatio parum sentiat.

Septima,

Septima, quòd cavendum sit præcipuè, ne super sumendos cibos, animus quodammodo totus effundatur, & ne avidè velcamur, aut festinè: sed appetitui semper dominantes, tum mensuram victus, tum sumendi modum unà temperemus.

Octava est, quòd plurimùm conducit ad tollendam cibi potusque immoderantiam, si ante prandium aut cœnam, & quacumque horâ nulla esuries sentitur, præviâ deliberatione, victum proximè sumendum, definiamus ad mensuram certam, quam deinde nullâ vel propriâ aviditate, vel instigatione inimici, umquam excedamus; sed potiùs vincendæ utriusque causâ, de illa non nihil etiam subducamus.

*Cavenda
aviditas ci-
bi.*

*Quid pro
tollendâ cibi
immoderan-
tia,*

QUAR:



sm̄ multitud: dolor meor consolationes tue

QUARTA

HEBDOMADA.

CONTEMPLATIO.

*Quomodo IESUS Dominus, post resurrectionem
apparuit sanctæ Matris sue, ut habetur in-
frà pag. 235.*

ORATIO preparatoria juxta morem.
Prælium primum accipitur ab hi-
storiâ. Quomodo postquam expiravit Domi-
nus in cruce, sepulto corpore, sed Divini-
tate semper sociato, ipse in animâ, Divinitati
quoque continue unitâ, descendit ad inferos:
exceptisque inde justorum animabus, rediens
ad sepulchrum, corpus cum animâ denuò
univit, ac resurgens, demum apparuit Beatæ
Virginis matri sue vivus, ut pie ac verissimi-
ter credendum est.

Secundum, pro constructione loci, specu-
landum accipiet sepulchri situm, & Beatæ
Virginis domicilium, cujus formam, par-
tes, & reliquam dispositionem, ut cellu-
lari, & oratorium sigillatim perscrutabi-
mur.

Tertium, continebit gratiam petendam,
ut scilicet immensum Christi, ac Matris gau-
dium participemus.

L 5

Pun-

Orat. præp.
1. Prælium.

* y

2. Prælium.

3. Gratia
petitio.

*Eadem qua
in contempla-
tione cœ-
næ.*

Punctum primum, secundum, ac tertium, eadem hic erunt, quæ suprà in contemplatione cœnæ fuerunt exposita, id est, considerare personas, verba, opera.

* 2
*Et divinitas
et resurre-
ctionis elu-
ceat.*

Quartum vero, erit animadvertere, * quomodo Christi Divinitas, passionis, & mortis tempore abscondita, palàm se faciat in resurrectione, ac tot miraculis deinceps elucescat.

*Christi be-
nignitas suos
consolandi.*

Quintum æstimare quàm prompto copiosoque functus sit Dominus consolandi suos officio, adhibitâ consolationis, quæ ab amicissimo quopiam præstari potest, similitudine.

Colloquium.

Colloquio uno, vel pluribus, juxta materiam faciendis, terminetur contemplatio, cum *Pater noster.*

*Recensenda
ordine my-
steria resur-
rectionis &
ascensionis.*

Notandum porrò, quod in sequentibus contemplationibus, seu Exercitiis recensenda erunt per ordinem, mysteria omnia resurrectionis, ascensionisque, & quæ sunt intermedia, servatis ubique iisdem formulis, & modis, sicuti per totam illam hebdomadam factum est, in quâ passionis mysteria contemplati sumus, & juxta modum ac exemplum primæ hujus de resurrectione Domini, meditationis, formandæ sunt sequentes omnes, atque regulandæ, tam in præludiis (nisi quòd hæc rebus sunt accomodanda) quàm in punctis quinque, & additionibus singulis. Pari etiam ratione circa repetitiones, & sensuum operationes, nec non in augendo, minuendove exercitiorum, secundum mysteria numero, di-
rigi

rigi poterimus, sicut in prædictâ meditandâ Christi passionis hebdomadâ fuimus edocti.

Secundò notandum est, convenire magis 4. Hebdo-
mada magis
conveniens
quatuor
Exercitia; quartæ huic hebdomadæ; quàm præcedenti-
bus, ut quatuor dumtaxat fiant Exercitia. Pri-
mum, postquàm manè surreximus. Secundum,
circa Missæ tempus, vel paulo ante prandium
prioris repetitionis loco. Tertium, horâ vespe-
rarum, pro secundâ repetitione. Quartum, ante
coenâ, ad motis sensuū officiis, ad imprimendas
fortius animæ contéplationes tres eo die factas
signatis obiter, & penitiùs tractatis partibus,
seu locis illis, in quibus motus animi efficacio-
res, majoremq; gustum spirituales senserimus.

Tertio, quòd quamvis ei, qui exercitatur, Puncta me-
ditationis
plura, vel
pauciora. certus præscribatur numerus punctorum, putà
ternarius, aut quinaris; liberum tamen ipsi
erit in plura vel pauciora puncta redigere con-
templationem, prout commodiùs se habere ex-
pertus fuerit. Quâ in re magnoperè juvabit,
ante ingressum Exercitii, tractanda puncta
comminisci, & numero certo præfinire.

Quarto denique notandum est, quod per
quartam hanc hebdomadam, variari debent Hæc 4. heb-
domada va-
rianda ali-
qua addi-
tiones. secunda, sexta, septima, & decima Additiones,
In secundâ quidem, ut dum evigilo, repente
mihi ponam ob oculos statutam contempla-
tionem, & de gaudio Domini cum suis, stu-
deam & ipse exhilarescere. In sextâ verò, ut
memoriæ meæ objiciam ea, quæ læritiam spi-
ritualis cient, ut cogitatio de gloriâ. In septi-
mâ, ut lucis & cæli utar commoditate, quæ se-
se

se offeret, putâ per tempus vernum, herbarum
virentium, & florum aspectu, aut aprici loci
amoenitate: per hyemem verò solis, vel ignis
opportuno calore: & ita de ceteris corporis
atque animi oblectationibus congruis, per
quas Creatori & Redemptori meo, congau-
dere queam. In decimâ, ut loco pœnitentiæ,
temperantiâ & mediocritate victus contentus
sim, nisi quo tempore jejunium, vel abstin-
tiam Ecclesia indixit, cujus præceptis semper
obtemperandum est, nisi justum adsit impe-
dimentum,

CON



QVIS NOS SEPARABIT *Rom. VIII.*

CONTEMPLATIO

*Ad amorem spirituales in nobis
excitandum.*

IN primis duo notanda sunt. Primum, quòd *De naturâ amoris.* amor ipse ab operibus magis, quàm à verbis pendet. Secundum, quòd consistit amor in mutuâ facultatum, rerum, & operum communicatione, putà scientiæ, divitiarum, honoris, & boni cujuscumque.

Oratio præmittitur ex more.

1. Prælud.

Præludium primum est, ut coram Domino, Angelis, Sanctisque omnibus, mihi propitiis, stare me videam.

Secundum, ut gratiam Dei efflagitem, per quam beneficiorum ejus, in me collatorum magnitudinem perspiciens, ad amorem, cultum, & servitium ipsius, totum me impendam. *2. Prælud.*

Punctum primum sit; revocare in memoriam beneficia creationis, ac redemptionis: donà itidem particularia, seu privata enumerare: & cum intimo affectu perpendere, quantum meâ causa benignissimus Dominus egerit, atque pertulerit; quantum mihi elargitus sit de thesauris suis, quodq; juxta divinum suum decretum. & beneplacitum, seipsum, mihi, quantum post, donare velit. Quibus optime inspectis, vertar ad meipsum, & disquiram mecum

Beneficiorum recordatio.

cum, quæ meæ sint partes, & quid æquum justumque sit, ut divinæ offeram, & exhibeam majestati: haud sane dubium quin mea omnia offerre debeam, ac meipsum cum summo affectu, & verbis hujusmodi, vel similibus.

Oblatio facta.

Suscipe Domine universam meam libertatem. Accipe memoriam, intellectum, atque voluntatem omnem. Quidquid habeo, vel possideo, mihi largitus es: id tibi totum restituo, ac tuæ prorsus voluntati trado gubernandum. Amorem tui solum cum gratiâ tuâ, mihi dones, & dives sum satis, nec aliud quidquam ultra posco.

*Speculandus
Deus in
venerabilibus
omnibus*

Secundum erit, speculari Deum, in singulis existentem creaturis suis: & elementis quidem dantem, ut sint; plantis verò, ut per vegetationem quoque vivant: animalibus insuper, ut sentiant: hominibus postremò ut simul etiam intelligant. Inter quos accepi & ipse universa hæc beneficia, esse, vivere, sentire, ac intelligere, meque templum quoddam suum efficere voluit, ad imaginem suam & similitudinem creatum. Ex quorum omnium admiratione, reflexus in meipsum, agam ut in primo puncto, vel melius si quid occurrerit; id quod in punctis etiam sequentibus, erit faciendum.

*Dei consideratio
in
creaturis
propter me.*

* a a

Tertium est, considerare eundem Deum ac Dominum, propter me in creaturis suis operantem, & laborantem quoddammodò: * quatenus dat ipsis, conservatque id quod sunt, habent possunt, atque agunt. Quæ omnia,

nia, ut suprà, in mei considerationem reflectenda erunt.

Quantum, prospicere quo pacto munera & bona omnia cœlitus descendunt, ut sunt potentia, justitia, bonitas, scientia, & alia quælibet humana perfectio, terminis quibusdam certis circumscripta: quæ ab infinito illo totius boni thesauro, sicut lumen à sole, & ex fonte aqua, derivantur. Addenda superest reflexio prædicta in mei circumspeditionem.

*Considerare
ut bona à
Deo procedunt.*

Colloquium etiam in fine fiet, terminandum cum *Pater noster*.

Colloquium.

MODI TRES ORANDI.

Primus orandi modus, deducendus est ex mandatis, ex peccatis septem mortalibus, ex tribus animæ potentiis, & ex quinque sensibus consideratis; unde non tam habet orationis formam, quàm Exercitii cujusdam spiritualis, per quod & anima juvatur, & oratio Deo redditur acceptior. Priùs itaque quàm hoc orem modo, juxta illud, quod tertiz Additioni æquipollet, sedebo vel deambulabo paulisper (prout ad animæ quietem facere videro) pensitans apud me, quò mihi accedendum sit, & quid faciendum. Hoc idem Additionis genus ad omnem orandi modum præmitti debet.

*1. Orandi
modus.*

*Orat. præp.
gratia devotionem
continet.*

Oratio præparatoria, gratiæ contineat postulacionem, ut mihi detur agnoscere, quid
M quid

quid deliquero adversus decalogi præcepta, meque in posterum emendare, intellectis illis exactiùs, & (ut par est) ad Dei gloriam & salutem meam solito cautiùs observatis.

*Mandati
cujusque
discussio.*

Primò ergo, mandatum quodlibet ordine discutiam, attendens, quo pacto servaverim illud, aut violaverim, deque succurrentibus in memoriam delictis, veniam precabor, recitândo semel *Pater noster*. Porro in excutiendis singulis præceptis, satis fuerit infumi spatium temporis, quo ter posset oratio Dominica percurri. Notandum tamen, quòd circa præceptum, cujus prævaricatio rarior nobis accideret, minùs immorandum esset; at eò ampliùs, quo lapsus fuerit ex assuetudine frequentior, idque similiter circa mortalia peccata sit præstandum.

*Colloquium
ad Deum.*

Completo de præceptis singulis discursu, post mei accusationem, & gratiæ implorationem, ut ea vigilantius deinceps custodiam, colloquium dirigam ad Deum, juxta rei occasionem.

*Idem orandi
modus circa
mortalia.*

Secundò, similem orationis modum prosequemur circa mortalia peccata, post Additionem, & præparatoriam Orationem, sicut fecimus in præceptis. Nihil enim utrobique varium occurrit, nisi quòd ad materiam attinet, cùm præcepta quidem servanda sint, peccata verò devitanda. Cetera eadem sunt, fietque itidem colloquium.

*Peccatorum
notitiam
quid juvet.*

Sciendum est, peccatorum vitiorumque notitiam juyari per contrariorum actuum & habituum

bituum considerationem. Quapropter per gratiam divinam, & piam quamlibet exercitationem laborandum est unicuique, ut virtutes sibi paret, mortalibus peccatis septem oppositas.

Tertiò, circa tres animæ potentias idem sequitur progressus, per Additionem, Orationem, & discussionem singularum, cum Colloquio ad finem, faciendus, Circa tres anima potentias.

Quarto circa quinque sensus corporis, nulla re mutatâ præter materiam. Ubi subnotandum est, quod si quis optet in sensuum suorum usu, Christum imitari, debet in oratione præparatoria seipsum super hoc Deo commendare, factæque sensuum singulorum examinationi, Dominicam orationem subjicere: si vero similem affectet, B. Virginis Mariæ imitationem. ei se commendet, tamquam à Filio id impetraturæ, & Salutationem Angelicam, dum sensus excutit, idem idem recitet. Circa sensus quinque corporis.

Secundus orandi modus ex vocum orationis singularum perpensa significatione.

Additio eadem, quæ superiùs, it præ- Orat. præp.
via.

Oratio præparatoria personæ congruet ad quam dirigitur.

Secundus orandi modus est, ut flexis genibus vel sedendo (pro habitudine corporis, & animi devotione) oculis vel clausis, vel de- 2. Orandi modus quilibet.

fixis in partem unam, neque huc & illuc motis, precationem Dominicam à principio recitemus, & in prima voce, quæ est, *Pater*, meditationis figamus pedem, quamdiu circa eam variaz nobis significationes, similitudines, spirituales gustus, & aliæ commotiones devotæ incident: & ita deinceps per singula ejusdem, vel alterius orationis verba, factitabimus.

Regula tres circa hæc servanda.

1. *Regula in
2. modo
orandi.*

Prima, ut in tali precationis cujuslibet ruminatione, horæ spatium infumamus, quo expleto *Ave Maria*, *Credo*, *Anima Christi*, & *Salve Regina*, semel juxta communem morem, vel mente solâ, vel etiam voce percurrantur.

2. *Regula.*

Secunda est, quòd si orantibus hoc modo nobis, in unâ voce, vel duabus, meditatio affluat, & interna simul delectatio; postponenda erit transcurrendi cura, licet hora tota prætereat, quâ elapsâ, reliquum orationis cursim recitetur.

3. *Regula.*

Tertia, ut quando ita contigerit, meditandæ voci uni, aut pauculis, horam impendisse, prostridie recitato breviter eo, quod excussum fuit, ad sequentis verbi considerationem pergamus.

*Quid in fine
rationis.*

Post excussam verò ad hunc modum Dominicam precationem totam, succedet Salutatio Angelica: deinde alia oratio, ut sine interruptione hæc orandi exercitatio procedat.

Ad

Ad hæc, oratione qualibet sic completâ, personam illam, ad quam pertinebat, paucis compellabimus, virtutem aliquam, aut gratiam petentes, quâ maximè indigere nos senserimus. *Colloquium*

Tertius orandi modus, per quamdam vocum & temporum commensurationem.

Additio ab utraq; superiore nihil differt. *Orat. præp.*
Oratio præparatoria, fiet sicut in secundo modo.

Tertius hic orandi modus in eo consistit, ut *3. Orandi modus.*
inter singulas respirandi vices, singula Dominicæ, alteriusve orationis verba transmittamus, expensâ interim, vel significatione prolata vocis, vel personæ, ad quam oratio spectat dignitate, vel meâ ipsius utilitate, vel utriusq; postremò differentiâ. Eodem procedendum modo in verbis reliquis. Addendæ quoque orationes suprà memoratæ, Ave Credo, &c.

Regula duæ huc spectantes.

Prior, ut, finitâ juxta hunc orandi modum *Regula prior pro 3. modo orandi.*
precatione Dominicâ, summatur aliis diebus vel horis, Angelica Salutatio, simili respirationum intervallo tractanda, cum aliis orationibus, usitato more recitandis.

Posterior, ut, qui hunc orandi modum exercere cupit diutius, ad cum applicet preces omnes supradictas, aut earū partes, & paria anhelituum, ac vocum interstitia observet.

VITÆ



TOTA DIE MEDITATIO MEA EST. *psal. 118.*

VITÆ

D. N. IESV CHRISTI

MYSTERIA.

NOTANDUM est primicus, omnia *Notandum.*
sequentium mysteriorum verba,
quæ includuntur parenthesi, ex ipsis
evangeliiis deprompta esse, non item ce-
tera. Ad hæc, in unoquoque mysterio,
semper aut fere, poni puncta tria, ut ex-
peditior sit contemplatio, quo est di-
stinctor.



AVE GRATIA PLENA. *Luc. 1.*

*De Annuntiata B. Mariæ Virgini Christi
Incarnatione, de quâ Lucæ 1.*

Primò, quomodò Angelus Gabriel Ang. salu-
sans Virg.
conceptionem num-
tias. Beatam Virginem salutans, divini Verbi conceptionem ei nuntiavit (In-
gressus Angelus ad eam dixit, Ave gratia plena,
&c. Ecce concipies in utero, & paries filium,
&c.

Secundò, confirmat Angelus id quod Confirmas
exemplo Io-
an. Bapt. prædixerat, adducto exemplo de Sancti Ioannis Baptistæ conceptione admirandâ (Et ecce Elisabeth cognata tua, & ipsa concepit filium in senectute suâ, &c.

Tertiò, respondet Angelo Virgo san- MARIA
respondet
Angelo. cta (Ecce ancilla Domini, fiat mihi secundum verbum tuum.)



Vnde hoc mihi, ut veniat Mater Domini mei ad me *Luce. i. v. 4.*

De MARIA Elisabeth cognatam suam visitante,
ut habetur Luc. 1.

Primò, quomodo invisit MARIA Elisabeth, ac S. Ioannes in utero existens, sensit MARIE salutationem, & gestit (*Vt audivit salutationem MARIE, Elisabeth, exultavit infans in utero ejus: & repleta est Spiritu sancto Elisabeth, & exclamavit voce magna, & dixit: Benedicta tu inter mulieres, & benedictus fructus ventris tui.*)

MARIA
invisit Eli-
zabeth.

Secundo, Beata Virgo in hoc canticum præ lætitiâ prorupit (*Magnificat anima mea Dominum. &c.*)

Virgo in câ-
ticum pro-
rumpit.

Tertiò, (*Mansit autem MARIA cum illâ quasi mensibus tribus, & reversa est in domum suam.*)

Quamdiu
apud Elisa-
beth mansit.



Quicumque ergo humiliaverit se sicut PARVULVS ISTE
hic est major in Regno Cælorum *Matth. 18.*

De Christi Nativitate. Luc. 2.

Primò, Beata MARIA cum Joseph spon- ^{E Nazareth}
 so suo è Nazareth proficiscitur Bethle- ^{Bethlehem}
 hem (*Ascendit autem, & Ioseph à Galilaa, &c.* ^{proficiscitur.}
In Bethlehem, &c. ut profiteretur cum Maria de-
sponsatâ sibi uxore pragnante.)

Secundò (*Peperit filium suum primogenitum &* ^{Filium pa-}
pannis eum involvit, & reclinavit eum in praesepio. ^{rit.}

Tertiò, eo tempore (*Facta est cum Angelo mul-* ^{Angeli la-}
titudo militia caelestis, laudantium Deum, dicentium, ^{tantur.}
Gloria in altissimis Deo, &c.

De Pastoribus. Luc. 2.

Primò, Pastoribus revelatur Christi nati- ^{Nuntiatur}
 vitas per Angelum) *Evangelizo vobis gau-* ^{pastoribus.}
dium magnum, &c. Quia natus est vobis hodie
Salvator, &c.

Secundò, pastores properant in Bethlehem ^{Pastorum}
 (*Et venerunt festinantes: & invenerunt Mariam,* ^{adoratio.}
& Ioseph, & infantem positum in praesepio.)

Tertiò, (*Et reversi sunt pastores glorificantes* ^{Pastores}
& laudantes Deum, &c. ^{Deum glori-}
ficant.



Vocatum est nomen ejus IESVS. *Luce 2. v. 21.*

De Circumcisione. Luc. 2.

Primò, circumciscus est Puer.

Secundò (*Vocatum est nomen ejus Ie-* *Circumcidi-*
tur.
sus, quod vocatum est ab Angelo, priusquàm *Vocatur*
Jesus.
in utero conciperetur.)

Tertiò, redditus est Matri suæ Puer, *Redditur*
puer Matr.
quæ illi compatiebatur de sanguinis visâ
effusione.



Invenerunt puerum cum MARIA Mater.
Mat. 2.v.11.


De tribus Magis Regibus. Matth. 2.

Primò, tres Magi Reges ad puerum ^{Magorum}
IESUM adorandum venerunt, stellâ ^{adventus.}
 duce, ita attestantes: *Vidimus enim stellam*
eius in Oriente & venimus adorare eum.)

Secundò (*Proclidentes adoraverunt eum,* ^{Eorundem}
 & apertis thesauris suis, obtulerunt ei munera ^{adoratio.}
aurum, thus, myrrham.)

Tertiò (*Responso accepto in somnis, &* ^{Per aliam}
redirent ad Herodem, per aliam viam reversi ^{viam rever-}
sunt in regionem suam. ^{tuntur.}





Purificatio Virginis Dei Matris. *Luc. 2.*

De Purificatione B. Virginis, & pueri IESU
præsentatione: Luca 2.

Primò, detulerunt puerum in tem- ^{Iesu pueri}
plum, ut præsentarent eum Deo, ^{præsentatione}
tamquàm primogenitum, offerentes pro
eo consuetum munus (*Par turturum, aut*
duos pullos columbarum.)

Secundò, Simeon veniens eadem ^{Simeon &}
horâ in templum (*Accepit eum in ulnas* ^{prophetia}
suas, & benedixit Deum & dixit: Nunc dimi-
tis servum tuum Domine, &c.)

Tertiò, Anna (*Superveniens confitebatur* ^{Anna pro-}
Domino, & loquebatur de illo omnibus, qui ex- ^{phetia}
pectabant redemptionem Israel.)



Fuge in Ægyptum. *Matth. 2*

De fugâ in Ægyptum. Matth. 2.

Primò, volens Herodes puerulum ^{Innocentum} IESUM interficere, occidi fecit Inno- ^{occiso.} centes, præmonito Ioseph per Angelum, ut in Ægyptum profugeret (*Surge & accipe puerum, & Matrem ejus, & fuge in Ægyptum*)

Secundò, iter corripuiunt Ioseph Ægyptum versus) ^{IESV fuga in Ægyptum.} Qui consurgens, nocte, &c. secessit in Ægyptum.)

Tertiò, (*Et erat ibi, usque ad obitum Herodis.*) ^{Quamdiu ibi fuit.}

De reditu ab Ægypto. Matth. 2.

Primò, admonetur Ioseph ab Angelo, ut in terram Israël revertatur (*Surge, & accipe Puerum & Matrem ejus, & vade in terram Israël*) ^{Ab Ægypto revertitur.}

Secundò, *Qui consurgens, &c. venit in terram Israël.* ^{Ejus iter.}

Tertiò, eò quòd regnabat Archelaus ^{Archelaus tempore.} filius Herodis in Iudæâ, recessit in Nazareth.



Vita Christi Domini vsq; ad Baptismum. *Luc. 2*
177.

De Vitâ Domini ab anno ætatis suæ

Duodecimo usque ad trigesimum.

Luc. 2.

Primò, quomodo subditus erat & obediens parentibus. *Christi obediens.*

Secundò (*Proficiebat sapientiâ, & ætate, & Ejus profectus.*
gratia, &c.) *Etus.*

Tertiò, videtur fabrilem artem exercuisse, cùm dicat S. Marcus c. 6. (*Nonne hic est faber?* *Artem fabrilẽ exercuit.*)


De Ascensu in templum anno duodecimo

Luc. 2.

Primò, natus JESUS annos duodecim, è Nazareth profectus est Hierosolymam. *Hierosol. proficiscitur.*

Secundò, remansit illic nesciis parentibus. *Remansit in sciu parent.*

Tertiò, post triduum invenerunt eum in templo, sedentem inter Doctores, & ipse illis causam moræ percotantibus respondit (*Nesciebatis quia in his, quæ Patris mei sunt, oportet me esse?*) *Post triduum in templo repertus.*



Descendit Spiritus Sanctus corporali specie
sicut columba in ipsum *Luc. 3.*

179.

De Baptismo ejus. Matth. 3.

Primò, Matri valedicens, è Nazareth ad Iordanis flumen se contulit, Ad Iordanem profectus est.
ubi tunc Ioannes baptizabat.

Secundò, baptizatus est à Ioanne, A Ioanne baptizatur.
excusante se primum de indignitate, sed
compulso his verbis: (*Sine modò, sic enim
debet nos implere omnem iustitiam.*)

Tertiò, descendit Spiritus sanctus super eum, & vox de cælo sic attestans (Spiritus sancti descendit. *Hic
est filius meus dilectus, in quo mihi complacui.*)



Dic vt lapides isti panes fiant *Matth: 4.*

*De tentatione Christi. Luc. 4.
& Matth. 4.*

Primò, post baptismum secessit in ^{*Secedit in desertum.*} desertum Christus, & ibi per dies quadraginta & totidem noctes jejunavit.

Secundò, ter ab innimico tentatus ^{*Ter tentatur*} est (*Accedens tentator dixit ei, Si filius Dei es, dic ut lapides panes fiant. Mitte te deorsum. Hæc omnia tibi dabo, si cadens adoraveris me.*)

Tertiò, (*Angeli accesserunt, & ministrabant ei.*) ^{*Angelorum ministerium*}





Venite ad me oēs qui laboratis & ego reficiā uos

De Apostolorum vocatione.

Primò, videntur SS. Petrus & Andreas, ^{Qui ter vocati ad A-} fuisse ter vocati Primùm ad solam quam- ^{post.} dam Christi notitiam, *Ioan. 1.* Deinde ad sequelam solum temporaneam, cum animo revertendi ad piscationem, *Luc. 5.* Ultimò ad perpetuam sequelam. *Matth. 4. & Marc. 1.*

Secundò, vocavit filios Zebedæi, *Matthæi 4.* Et Philippum, *Ioan. 1.* Et Matthæum, ^{Quinam postea.} *Matth. 9.*

Tertiò, vocati sunt reliqui, licet de quorundam vocatione, & de ordine vocationum, expressè mentio non fiat in Evangelio. ^{Datum reliqui.}

Tria hinc expendenda sunt. Primum, quomodo erant Apostoli abjectæ conditionis. ^{3. Expendenda hic.}

Secundò, ad quantam fuerint dignitatem, & quàm suaviter vocati.

Tertiò, quibus gratiæ donis, supra omnes veteris Testamenti Patres, novique Sanctos evecti sint.



Quodcumque dixerit vobis, facite.

Ioan. 2. 2. 5.

*De primo Christi miraculo facto in
nuptiis. Ioan. 2.*

Primò, Invitatus fuit Christus cum Discipulis suis ad nuptias. *Invitatur ad nuptias.*

Secundò, deficere vinum Mater commo- *De vini da-*
nuit. (*Vinum non habent.*) Et ministris dixit *fectu mone-*
(*Quodcumque dixerit vobis, facite.*) *tur à Ma-*
tre.

Tertiò, aquam in vinum Dominus con- *Vini mira-*
vertit (*Et manifestavit gloriam suam, & credide-*
runt in eum Discipuli ejus.) *culum.*

*De fugatis è templo negotiatoribus primâ vice.
Ioan. 2.*

Primò, ejecit de templo vendentes illic & *Vendentes*
ementes, facto ex funiculis flagello. *eiiciuntur.*

Secundò (*nummulariorum effudit as, & mensas* *Mensa*
subvertit.) *eversuntur.*

Tertiò, vendentibus columbas mansuetè *Columba*
inquit: *Auferte ista hinc, & nolite facere domum* *auferuntur.*
Patris mei, domum negotiationis.)



Aperiens os suum docebat eos. *March. 5.*

De Sermone Christi, habito in monte.

Matth. 5.

Primò, ad dilectos suos discipulos, octo Sermo octo
 Christus, beatitudinis genera exposuit. Beatitud.
 Beati pauperes spiritu: Mites: Qui lugent:
 Qui esuriunt, & sitiunt iustitiam: Misericor-
 des: Mundo corde: Pacifici: Qui persecutio-
 nem patiuntur.

Secundò, eos exhortatur, ut acceptis donis Sermo de
 seu talentis, utantur rectè. talentorum
(Sic luceat lux vestra usu.
coram hominibus, ut videant opera vestra bona, &
glorificent patrem vestrum, qui in cælis est.)

Tertiò, ostendit non solvere se legem, sed Sermo de
 implere, explicatis præceptis de vitando ho- præceptis.
 micidio, furto, fornicatione, perjurio. Et de di-
 ligendis quoque inimicis *(Ego autem dico vobis,*
diligite inimicos vestros. Benefacite iis, qui oderunt
vos.

De sedatâ maris tempestate.

Matth. 8.

Primò, dormiente Christo coorta est in Oritur tem-
 mari vehemens tempestas. pestas.

Secundò, excitarunt à somno eum terri- De fidei le-
 Discipuli, quos de fidei levitate arguit) vitale ar-
Quid ti- guntur
mi di estis modicæ fidei.) Discip.

Tertiò, ventis & mari præcepit, ut conquie- Fit ejus im-
 scerent, & facta est statim tranquillitas: unde perio maris
 obstupentes homines dicebant *(Qualis est hic,* tranquilli-
quia venti & mare obediunt ei?) tas.

O

De



Domine saluum me fac. *Matth. 14.*
189.

De ambulatione super aquas.
Matth. 14.

Primò, cùm in monte adhuc esset Christus, Discipulis in naviculam abire jussis, & (*Dimissâ turbâ, ascendit in montem solus orare.*)

Secundò, cùm agitaretur noctu navicula, eò ipse venit, ambulans super aquas unde perterriti discipuli phantasma esse judicabant. *Phantasma nocte putatur.*

Tertiò, postquàm dixerat ad eos (*Ego sum, nolite timere*) S. Petrus accedendi petiit facultatem, & gradiendo super aquas ob subortum metum mergi cœpit, quem increpans Dominus de modicâ fide, naviculam intravit, & cessavit ventus. *Petrus mergi cœpit.*

De missis ad prædicandum Apostolis.

Matth. 10.

*Dat potestatem
ejiciendi
dæmonia*

Primò, Discipulis Iesus convocatis dedit potestatem ejiciendi dæmonia ex hominibus, & omne morborum genus sanandi.

*Prudentiam
& patientiam docet.*

Secundò, prudentiam eos docuit & patientiam (*Ecce ego mitto vos sicut oves in medio luporum. Estote ergo prudentes sicut serpentes, & simplices sicut columbæ.*)

*Professionis
modum.*

Tertiò, professionis exponit modum (*Gratis accepistis, gratis date; nolite possidere aurum neque argentum.*) Ad hæc materiam prædicationis expressit (*Euntes autem prædicite, dicentes: Quia appropinquavit regnum cælorum.*)

De conversione Magdalene. Luc. 7.

Primò, Christo accumbente mensæ in *Magdalene*
Pharisæi domo, ingressa est mulier, quæ *accessio ad*
fuerat in civitate peccatrix (sive *Maria Mag- *Iesum.*
dalena, soror Marthæ fuerit, sive alia) deferens * b b
alabastrinum vas, unguento plenum.

Secundò, stans retrò cœpit pedes ejus riga- *Vngit. & ab-*
re lacrymis, & capillis suis abstergere, deos- *stergit.*
culari, & ungere.

Tertio, criminatam eam à Phariseo defen- *Defenditur*
dit Christus, & ad ipsum ait (*Remittuntur ei pec-* *à Christo.*
cata multa, quoniam dilexit multum.) Et ad ipsam
deinceps: (*Fides tua te salvam fecit, vade in pa-*
ce.)

De quinque millium hominum refectiōe.

Matth. 14.

Primò, rogabant Iesum Discipuli, ut di-
mitteret astantes turbas.

• Secundò, ipse afferri jussit, quos habebant *Fractio pa-*
panes, eosque præmissa benedictione frangens, *nu.*
Discipulis porrexerit, turbis hominum discum-
bere jussis, apponendos.

Tertiò, comederunt, & saturati sunt, & su-
peraverunt cophini duodecim.

Tert
taia

De Transfiguratione Christi.
Matth. 17.

Transfigu-
ratio IESV
Christi.

Primò, assumptis Iesus charissimis tribus Discipulis, Petro, Ioanne, & Iacobo, (*Transfiguratus est ante eos, resplenduit facies ejus sicut sol, vestimenta autem ejus facta sunt alba, sicut nix.*)

Coram Moy-
se, & Heliâ.

Secundò, loquebatur cum Moyse & Heliâ.

Patrius vox
cælo è
de lapsa.

Tertiò, rogante Petro, ut fierent ibi tria tabernacula, insonuit vox de cælo: (*Hic est filius meus dilectus, &c. ipsum audite*) Vnde consternati Discipuli, proni collapsi sunt, quos tangendo Christus, dixit: *Surgite, & nolite timere, &c. nemini dixeritis visionem, donec filius hominis à mortuis resurgat.*)

De Lazari suscitatione. Ioan. 11.

P R imò, audit o Christus nuntio de La- Biduum expectat.
zari ægrotatione, per biduum subsistit
ut evidentius foret miraculum.

Secundò, antequàm suscitet mor- Sorum fides.
tuum, utriusque sororis fidem exstimu-
lat (*Ego sum resurrectio & vita: qui credit in
me, etiam si mortuus fuerit, vivet.*)

Tertiò, collacrymatus, ac precatus Lazari suscitatio.
prius suscitavit illum: fuit autem, quo
usus est, suscitandi modus, per manda-
rum (*Lazare veni foras*)

De cœnâ apud Bethaniam. Matth. 26.

P R imò, cœnabat Christus in domo Si- Cœna apud Simonem.
monis leprosi, & pariter Lazarus.

Secundò, effudit MARIA unguentum Unguenti effusio.
super caput ejus.

Tertiò, obmurmurat Iudas: (*Vt quid
perditio hæc?*) Denuò vero excusat Christus Iuda obmurmuratio.
Magdalenam (*Quid molesti estis huic mulieri?
opus enim bonum operata est in me.*)



De ingressu Ierosolymam die Palmarum.

*Mat. 21. Mar. 11.
Luc. 19. Ioa. 12.*

De die Palmarum. Matth. 21.

Primò, præcepit Dominus adduci *Asina & pulli adduci.*
 asinam, & pullum: (Solvite & adducite mihi, & si quis vobis aliquid dixerit, dicite quia Dominus his opus habet, & confestim dimittet eos.)

Secundò, asinam conscendit, Apostolorum vestibibus instratam. *Asinam conscendit.*

Tertiò, excepturus eum populus, *Populus occurrit venienti.*
 cùm veniret obviam, vestimentis suis, & ramis arborum sternebat viam & canebat? (Osanna, filio David: benedictus qui venit in nomine Domini: Osanna in altissimis.

De Prædicatione in templo. Luc. 19.

Primò, docebat quotidie in templo. *Docet in Templo.*
 Secundò, finitâ prædicatione in Bethaniam redibat, nemine apud Hierosolymam ipsum excipiente. *Rediit in Bethaniam.*



Accipite et comedite: ^{199.} HOC EST CORPVS MEVM ^{Walt. 15.}

De cœnâ ultimâ. Matth. 26. &
Ioan. 13.

et 167.

Primò, comedit cum Discipulis pascha- ^{Agnus pas-}
lem agnum, eosque de imminente suâ ^{schalis.}
morte præmonuit (*Amen dico vobis, quia unus*
vestrum me traditurus est.)

Secundò, lavit eorum, Iudæ quoque ip- ^{Pedum lo-}
sius, pedes, incipiens à Petro, qui ad ma- ^{tio.}
jestatem Christi, & indignitatem suam re-
spiciens, sese opponebat (*Domine tu mihi la-*
vas pedes?) Ignarus scilicet præberi à Domino
exemplum humilitatis, ita postcà declarante
[*Exemplum enim dedi vobis, ut, quemadmodum*
ego feci, ita & vos faciatis.])

Tertiò, sanctissimum Eucharistiæ Sacra- ^{Eucharistia}
mentum instituit, in signum summæ dilectio- ^{institutio.}
nis, his verbis utens (*Accipite & comedite, &c.*)
Expletâ autem cœnâ, Iudas ad vendendum
illum egressus est.



Tristis est anima mea usque ad mortem.

Math. 26.

De Myſteriis poſt cœnam & in hortu geſtis.

Matth. 26. & Marc. 14.

Primò peracta cœna, & hymno dicto, profectus est Christus ad Oliveti montem cum Discipulis suis undecim, metu plenis: & octo remanere jussit Gethsemani (*Sedete hic, donec vadam illuc, & orem.*)

Ad Oliveti montem pergit cum suis.

Secundò, ductis secum tribus, Petro, Iacobo, Ioanne, oravit ter dicens, *Pater mi, si possibile est, transeat à me calix iste, verumtamen non sicut ego volo, sed sicut tu.* Et in agoniâ existens prolixius orabat.

Ter orat.

Tertiò, cum eo timoris redigi se passus fuisset, ut diceret (*Tristis est anima mea usque ad mortem*) etiam sanguinem sudavit copiosum, teste Lucâ, (*Factus est sudor ejus sicut gutta sanguinis, decurrentis in terram.*) Unde conjicere licet, vestimenta ejus jam tum fuisse madefacta cruore.

Sanguinem sudat.

De



Ob moderatissimum responsum alapa fœdissima
percutitur à ministro.

De comprehensione Christi, & translatione ad
Annæ domum. Matth. 26. Luc. 22.

Marc. 14 Ioan 18.

Primò, permisit se Dominus osculo à Iu- Osculum
Iudæ.
dâ tradi, & quasi latronem comprehen-
di (*Tamquam ad latronem existis cum gladiis ac
fustibus comprehendere me? Quotidie apud vos se-
debam docens in templo, & non me tenuistis. Ip-
soque interrogante. Quem queritis?*) corruerunt in terram inimici omnes.

Secundò, servum Pontificis percutienti Servi auri-
cula abscis-
sio.
Petro ait (*Mitte gladium tuum in vaginam*) & sa-
navit servum.

Tertiò, captus & à Discipulis relictus, ad Christus ca-
pitur & de-
seritur.
Annæ domum pertrahitur, ubi à Petro pau-
lo post secuto, semel negatus est, & alapam
accepit à ministro quodam objiciente (*Sic
respondes Pontifici?*)

De



GESTA IN CARCERE CAIPHÆ.

De gestis postea in domo Caiphæ. Matth. 26.

Primò, abducitur ligatus Christus ab Annâ in domum Caiphæ, ubi Petrus rursus eum bis negavit, atque respiciente ipsum Domino. (*Egressus foras fluxit amarè.*)

Ab Annâ ad Caiphæ ductus, à Petro negatur.

Secundò, permansit ligatus totâ illâ nocte.

Noctè manet ligatus.

Tertiò, circumstantes cum satellites illudabant, vexabant, & velatâ facie colaphis cædebant, interrogantes (*Prophetiza nobis Christe, quis est qui te percussit?*) ac modis aliis blasphemabât.

Illuditur. & vexatur à satellitibus.

De Christi apud Pilatum accusatione. Matth. 26.

Luc. 23. Marc. 15, & Joan. 18.

Primò, Traducitur deinceps ad Pilatum Christus, & coram eo à Judæis calumniosè accusatur (*Hunc invenimus subvertentem gentem nostram, & prohibentem tributa dare Casari.*)

Coram Pilato accusatur.

Secundo, eo semel atque iterum examinato retulit Pilatus (*Ego nullam invenio in eo causam.*)

Causam non invenit.

Tertiò, Barrabæ latronis, quam Christi Jesu liberationem, malle se Iudæi proclamaverunt (*Non hunc, sed Barrabam.*)

Barrabæ postponitur.

De transmissio Christo ad Herodem. Luc. 23.

Primò, Transmisit Pilatus Christum ad Herodem, æstimans quod esset Galilæus.

ad Herodem mittitur.

Secundò, Herodi poscenti curiosa, nihil penitus respondit, licet à Iudæis validè accusaretur.

Herodi non respondit.

Tertiò, ab Herode cum suo exercitu spreus fuit, atque veste albâ indutus.

Albâ veste spernitur.

P

De



Apprehendit Pilatus Iesum, et flagellavit.

Joan: 19.

De reversione ab Herode ad Pilatum. Matth.
27. Luc. 23. Marc. 15. & Ioan. 19.

Primò, Christum remisit ad Pilatum Remittitur
ad Pilatum
 Herodes, & ambo eâ ipsâ die, cùm
 priùs inimici essent, sibi invicem recon-
 ciliati sunt.

Secundò, IESUM flagellis cædi iussit Flagellatur.
coronatur &
purpura il-
ludatur.
 Pilatus: milites eundem spinis corona-
 runt, atque purpurâ induerunt, deinde
 irridentes dicebant (*Ave Rex Iudæorum.*)
 Et colaphos simul impingebant.

Tertiò, (*Exiit ergo IESUS portans coro-
 nam spineam & purpureum vestimentum*) &
 Pilatus dicit illis (*Ecce homo*) Pontifices
 vero conclamabant (*Crucifige, Crucifige
 eum.*)



Eduxerunt et bajulans sibi crucem exivit.
207. *Joan. 19.*

De condemnatione & Crucifixione Iesu
Christi. Ioan. 19.

Primo, Sedens pro tribunali Pilatus ^{Morte damnatur.} Christum iudicavit, & tradidit crucifigendum, posteaquàm negantes eum Iudæi suum Regem esse, dixerunt (*Non habemus Regem, nisi Cæsarem.*)

Secundò, Bajulavit Christus crucem ^{Crucem bajulas.} suam, donec ob virium defectum, Simon quidam Cyreneus illam post eum ferre compulsus est.

Tertiò, Inter duos latrones crucifixus ^{Inter latrones crucifixus.} fuit ascripto titulo (IESUS NAZARENUS REX IUDÆORUM.)



Pass'ē uobis reliq̃ns exēplū, ut sequam: uestigia ei?

1. Pet. 2

De Myfteriis in Cruce factis. Matth. 27. Luc.

23. Ioan. 19.

Primò, blasphemias pertulit in cruce In cruce blasphemia- tur.
(Vah qui destruis templum Dei)&c. De- scende de Cruce.) Et divisa sunt vestimen-
 ta ejus.

Secundò, effatus est Dominus in cru- Septem Christi verba.
 ce verba septem, Orans videlicet pro
 crucifigentibus: Latroni parcens: Ma-
 trem & Ioannem, sibi mutuo commen-
 dans: Exclamans (*Sitio*) Quando aceto
 eum potaverunt, & deinde se à Patre di-
 cens derelictum, postea (*Consummatum*
est) Ac postremò (*Pater in manus tuas com-*
mendo spiritum meum.)

Tertiò, Sol obscuratus est, ipso expi- Natura Christi morientis com- patitur.
 rante, & petra scissæ sunt, aperta quo-
 que monumenta, & velum templi à
 summo ad infimam usque partem scis-
 sum, & latus lancea confossum aquam &
 sanguinem effudit.



Posuit illum in monumento suo novo *Matth. 27*

De Mystério sepulturæ. Ibidem.

Primò, De Cruce sublatus est mor- ^{De cruce de-}
 tuus Dominus per Ioseph atque ^{ponitur.}
 Nicodemum, in conspectu ipso Matris
 afflictissimæ.

Secundò, Delatum est ad sepulchrum ^{Sepelitur.}
 corpus unctum & inclusum.

Tertiò, adhibiti sunt inibi custodes. ^{Custodia se-}
^{pulcri.}





Convertisti planctum meum in gaudium mihi.

Psal. 29. v. 12.

*De Christi resurrectione & apparitione
primâ.*

Primùm, Apparuit Dominus Matri ^{Matri appa-}
 suæ, postquàm resurrexit, cùm di- ^{ret.}
 cat Scriptura, quod apparuit multis.
 Licet enim nominatim illam non ex-
 primat, id nobis tamen relinquit pro
 certo, tamquàm intellectum habenti-
 bus: ne alioqui jure audiamus illud:
Adbuc & vos sine intellectu estis?



Apparuit primo Mariæ Magdalena. *Marc. 16.*

De secundâ apparitione. Marc. 16.

Primò, Summo manè ad monu- Mulieres ad monumentum.
 mentum profectæ sunt Maria Mag-
 dalene, Iacobi, & Salome inter se di-
 centes (*Quis revolvat nobis lapidem ab ostio*
monumenti?)

Secundò, viderunt lapidem revolu- Angeli re-
 tum, & Angeli dictum audierunt (*re-*
spondit.)
 sum *quaritis Nazarenum Crucifixum. Surre-*
xit, non est hic.)

Tertiò, apparuit Mariæ Magdalene Magdalene apparuit.
 quæ, aliis digressis, juxta sepulcrum re-
 stiterat.

De tertiâ apparitione. Matth. ult.

*Mulierum
reditus ex
monumento.*

Primò, redibant à monumento mulieres cum timore simul & gaudio ingenti, ut narrarent Discipulis, quid quid de Domini resurrectione intellexerant.

Secundò, apparens eis in viâ Christus ait (*Ave*) Et illæ accedentes, ac prostratæ ad pedes ejus, ipsum adorarunt.

Eas affatur.

Tertiò, affatus est illas Dominus (*Nolite timere.*) (*Ite nuntiate fratribus meis, ut eant in Galilæam, ibi me videbunt.*)

De apparitione quartâ. Luc. ultimo.

Primò,, Auditâ Petrus ex mulieribus Petrus cras-
sit ad monu-
mentum.
Christi resurrectione , cucurrit ad
monumentum.

Secundò , introgressus, sola vidit lin- Videt linea-
mina.
teamina, quibus fuerat involutum cor-
pus.

Tertiò , cogitanti super his Petro Petro appa-
ret Christus
Christus se ostendit , unde dicebant A-
postoli (*Surrexit Dominus vere, & apparuit
Simoni.*



Qui sunt hi sermones, quos confertis ad invicem?
Luc: 24.

De apparitione quintâ. Ibidem.

Primò, duobus Discipulis deinceps apparuit cùm irent in Emaus, & de ipso colloquerentur. *Euntibus in Emaus apparet.*

Secundò, Redarguit eorum incredulitatem & mysteria passionis atque resurrectionis ipsis exposuit (*O stulti & tardi corde ad credendum in omnibus, quæ locuti sunt Prophetae. Nonne hæc oportuit pati Christum, & ita intrare in gloriam suam?*) *Incredulitas redarguitur.*

Tertiò, rogatus, cum eis mansit, fractoque ipsis pane disparuit: qui subito in Hierusalem reversi nuntiaverunt Apostolis, quomodo vidissent eum, & in fractione panis agnovissent. *Rogatus cum eis mansit.*

De apparitione sextâ. Ioan. 20.

Primò, Discipuli omnes præter Thomam, domi congregati erant propter Judæorum metum. *Discipuli congregati.*

Secundò, Ingressus januis clausis Christus (*Stetit in medio, & dixit eis, Pax vobis.*) *Januis clausis ingreditur.*

Tertiò, Spiritum sanctum eis dedit, & ait: (*Accipite Spiritum sanctum, quorum remiseritis peccata, remittuntur eis, &c.*) *Dat eis Spiritum sanctum.*



Infer digitum tuum huc, et vide manus meas.
219. *Joan. 20*

De apparitione septima. Ibidem.

Primò, S. Thomas, cum apparitioni prædictæ non interfuisset, protestatus erat (*Nisi videro, &c. non credam.*) Thoma incredulus.

Secundò, Post dies octo, iterum clausis januis obtulit se videndum Christus, & Thomæ dixit: (*Infer digitum tuum hac, & vide, &c. & noli esse incredulus, sed fidelis.*) Apparet eidem Christus.

Tertiò, Exclamavit Thomas, (*Dominus meus & Deus meus.*) Cui subintulit Christus: (*Beati qui non viderunt, & crediderunt.*) Thoma exclamatio.

De apparitione octavâ. Ioan. ultimo.

Primò, Palàm se denuò fecit Christus piscantibus septem Discipulis, qui, cum totâ nocte nil cepissent, jactum ad mandatum ejus rete (*Iam non valebant illud trahere præ multitudine piscium.*) Septem discipuli apparet.

Secundò, per id miraculum, agnoscens eum Joannes, ait Petro (*Dominus est:*) qui confestim desiliens in mare, ad Christum accessit. Christus à Discipulis agnoscitur.

Tertiò, dedit eis, ut comederent panem & piscem. Postea Petro an se diligeret, ter interrogato, suum ovile commendavit (*Pasce oves meas.*) Suas oves commendat.

*De apparitione nonâ. Marc. ultimo.**Ad Thabor
montem.*

Primò, ex Domini mandato abeunt
Discipuli ad montem Thabor.

Eis apparet.

Secundò, iis apparens ille inquit. (*Data
est mihi omnis potestas in celo, & in terrâ.*)

*Mittit ad
predican-
dum.*

Tertiò, mittens eos ad prædicandum
per universum orbem, sic mandavit:
*Euntes ergo docete omnes gentes, baptizantes
eos in nomine Patris, & Filii, & Spiritus san-
cti.*)

*De apparitione decimâ. 1. Cor. 15.**Apparet
plusquàm
quingentis.*

DEinde visus est plusquàm quingentis
fratribus simul.)

De apparitione undecimâ, Ibidem.

Apparuit deinde Iacobo.

De apparitione duodecimâ.

Apparuisse Christum etiam Iosepho ab Arimathiâ, legitur in hagiographis quibusdam: & verisimile est, atque meditati pium.

Apparuisse Iosepho ab Arimathiâ legitur.

De apparitione decima tertiâ. 1. Cor. 15.

Apparuit & Beato Paulo post Ascensionem. (*Novissimè autem omnium tamquàm abortivo visus est & mihi*) inquit ipse. Apparuit etiam Patribus in limbo, quoad animam, & postquàm inde educati sunt.

Apparuit & Paulo.

Denique, resumpto corpore, apparerebat passim Discipulis, & cum eis crebro versabatur.

Passim Discipulis apparerebat.



Data est mihi omnis potestas in cælo
et in terra *Mat. 28.*

De Ascensione Christi. Act. I.

Primò, postquàm jam per dies quadraginta multoties se Christus Discipulis suis vivum exhibuisset (*in multis argumentis, & loquens eis de regno Dei*) misit eos Hierosolymam, ut promissum sibi Spiritum sanctum, illic expectarent.

*Post dies
quadraginta
misit Hie-
rosolymam,*

Secundò, Eduxit eos ad Oliveti montem. (*Et videntibus illis elevatus est, & nubes suscepit eum ab oculis eorum.*)

*Educit ad
montem Oli-
veti.*

Tertiò, iisdem in cælum suspicientibus dictum est per duos illos viros in vestibus albis assistentes, quos Angelos fuisse credimus: (*Viri Galilæi, quid statis aspicientes in cælum? Hic Iesus, qui assumptus est à vobis in cælum, sic veniet quemadmodum vidistis eum euntem in cælum.*)

*Eisdem su-
fficientibus
in cælum
Angeli ap-
parent.*



Heu quā sordet tell^{us} cū cœlum aspicio *S. Ign.*

CONTEMPLATIO

De Paradiso.

O Ratio præparatoria de more.

Præludium primum, erit per imaginationem in cælum conscendere, ac se in loco amplissimo, pulcherrimo & amœnissimo ante divinam Dei majestatem ac sanctos omnes sibi propitios sistere.

Secundum, Erit petere gratiam qua bene possis ea animo perpetrare, quæ præparavit Deus diligentibus se,

Punctum primum, erit contemplari locum in quo homo in æternum est permanens: est enim civitas (ex Apocalypsi 21.) in quadro posita per stadia duodecim millia, & longitudo & latitudo & altitudo ejus æqualia sunt, fundamenta muri civitatis omni lapide pretioso ornata: structura muri ejus ex lapide iaspide: portæ duodecim & singulæ ex singulis margaritis: platea aurum mundum tamquam Vitrum perlucidum, & civitas non eget sole neque luna ut luceant in ea: nam claritas Dei illuminat eam, & nox non est in illa.

Secundum, erit considerare quanta felicitas sit homini futura cum cernet corpus suum agile, subtile, impassibile & splendens, singuli enim beati in cœlorum regno clarius sole fulgebunt in perpetuas æternitates, ubi non

Q5

esurient

esurient neque sitient amplius nec cader super illos sol neque ullus æstus & mors ultra non erit neque luctus neque clamor neque dolor erit, ultra quia prima abierunt.

Tertiò, erit considerare gaudium hominis videntis majestatem divinæ naturæ cum generatione ac processione divinarum personarum, cæterisque omnibus Dei attributis, omnipotentis potentia, immensæ sapientiæ, summa bonitatis & reliquarum infinitarum perfectionum cum pulchritudine & varietate cælorum & rerum omnium creaturarum totius mundi quæ in clara visione & intuitu illius essentiæ tamquam in lucidissimo speculo apparebunt.

Quartò, Erit contemplari gloriam hominis admissi in conspectum gloriosissimæ humanitatis Christi Deificatæ & supra omnem creaturarum altitudinem ad dexteram usque patris sublimatæ : in Christo enim videbit relucere omnia fidei nostræ arcana & cognosceret admirandam Verbi divini cum humana natura unionem & modum ineffabilem præsentia Christi Domini angustissimo Eucharistiæ Sacramento : intelliget etiam rationes cruciatuum mortis & omnium cumulum meritorum quibus ipse divinæ justitiæ pro peccatis hominum abunde satisfacit & illos in filios Dei adoptavit regnique cælestis reges atque hæredes effecit.

Quintò, cogitare felicitatem quam percepturi sunt beati omnes ex societate sanctissimæ
Vir-

Virginis & à dexteris filii assistentis in vestitu
deaurato & Angelorum Deo ministrantium,
millia enim millium ministrant & decies mil-
lies, centena millia assistunt ei cum copiosa
multitudine cælestis patriæ omnium Deum
laudantium & benedicientium qui ex omnibus
gentibus, tribubus & linguis congregati suo
ordine, sede ac dignitate propriis cujusque me-
ritis respondente cernentur sapientissime col-
locati; ita tamen ut alter alterius bono fruatur
ut suo.

Sextò, erit cogitare jucunditatem qua per-
fundentur beati ob securam ac perpetuam tan-
torum gaudiorum possessionem cognita Dei
bonitate qui ipsos à dæmonis jugo, mundi la-
queis & carnis illecebris liberavit: & quod,
spectata multitudine eorum qui perierunt se
conspicient æterna quiete, vita secura atque
immortali donatos, & torrente voluptatis po-
tatos, semper illud canticum concinentes: be-
nedictio & claritas & sapientia & gratiarum
actio, bonor, virtus & fortitudo Deo nostro in
 sæcula sæculorum. Amen.

Colloquio uno vel pluribus pro pio animi
affectu faciendis, terminabitur contemplatio
cum *Pater noster*.

Regula aliquot, ad motus animæ, quos diversi excitant spiritus, discernendos, ut boni solum admittantur, & pellantur mali.

*Conveniunt
præcipue 1.
hebdomada.
De his qui
facile pec-
cant mortali-
ter.*

ADvertendum est, quòd potissimum conveniunt Exercitiis primæ hebdomadæ.

Prima regula est, Quòd illis, qui facile peccant lethali ter, & peccatum peccato addunt, ferè solet inimicus noster illecebras carnis & sensuum delectationes objicere, ut eos teneat peccatis plenos, ac semper cumulum adaugeat. Spiritus verò bonus, e contrario, conscientiam illorum pungit assidue, & per syncretis, rationisque officium à peccando deterret.

*De his qui
sua peccata
abstinent.*

Secunda, Quòd aliis hominibus, qui se à vitiis & peccatis purgandos curant sollicitè, & in obsequii divini studio magis ac magis in dies promovent, immittit spiritus malignus molestias, scrupulos, tristitias, rationes falsas, & alias id genus perturbationes, quibus profectum illum impediat. Spiritui autem bono, ex opposito, proprium consuetumque est rectè agentibus, animum ac vires addere, consolari, devotionis lacrymas ciedere, illustrare mentem, & tranquillitatem dare, sublatiis obstaculis omnibus, ut expeditius alacriusque per opera bona semper ultra tendant.

*Spiritualis
consolatio
quando
diagnoscitur.*

Tertia, quod spiritualis propriè consolatio tunc esse noscitur, quando per internam quan-

quandam motionem exardescit anima in amorem Creatoris sui, nec jam creaturam ullam, nisi propter ipsum potest diligere. Quando etiam lacrymæ funduntur, amorem illum provocantes, sive ex dolore de peccatis profluant sive ex meditatione passionis Christi, sive aliâ ex causa qualibet, in Dei cultum & honorem rectè ordinatâ. Postremo consolatio quoque dici potest, fidei, spei, & charitatis quodlibet augmentum. Item lætitia omnis, quæ animam ad cælestium rerum meditationem, ad studium salutis, ad quietem & pacem cum Domino habendam, solet incitare.

Quarta, Quod spiritualis è contrâ desolatio vocari debet, quævis animæ obtenebratio, conturbatio, instigatio ad res infimas, seu terrenas: omnis denique inquietudo & agitatio, sive tentatio trahens in diffidentiam de salute; & spem, charitatemque expellens. Unde se anima tristari, repescere, ac torpere sentit, & de ipsius Dei Creatoris sui clementiâ, propè desperare. Sicut enim consolationi opponitur desolatio, ita etiam quæ ab utraque oriuntur cogitationes, sunt inter se prorsus oppositæ.

Quinta, Quòd tempore desolationis nihil deliberandum, aut innovandum est circa propositum animi, aut vitæ statum, sed in eis perleverandum quæ fuerant priùs constituta, puta præcedente die, vel horâ consolationis. * Quemadmodum enim, dum fruitur quis consolatione illâ, quam diximus, non proprio suo.

*Quando
spiritualis
desolatio.*

*Tempore de-
solationis
nihil delibe-
randum.*

* c. c.

suo, sed boni spiritus instinctu regitur: ita, obversante sibi desolatione, agitur à malo spiritu, cujus instigatione nihil umquam rectè conficitur.

*Remedia
contra deso-
lationem.*

Sexta, Quòd tametsi desolatione affectus homo, priora sua consilia minimè debet immutare; expediet tamen provideri, & augeri ea, quæ contra desolationis impulsu tendunt: qualia sunt, insistere orationi, cum discussione sui, ac pœnitentiæ aliquid assumere.

*Quod co-
gitandum
tempore de-
solationis.*

Septima, Quòd quamdiu premimur desolatione, cogitandum est, nos interim relinqui à Domino nobis ipsis, probationis causa, ut per naturales quoque vires, insultibus inimici nostri obsistamus. Id quod possumus haud dubiè, * assistente nobis jugiter præsidio divino, licet tunc nequaquam sentiat, eò quod servorem pristinum charitatis Dominus subtraxerit, relicta nihilominus gratiâ, quæ ad benè operandum, & ad consequendam salutem, satis esse queat.

*Invat maxi-
mè patienti-
am.*

Octava, Quod hominem tentatione pulsatum, mirè juvat patientiæ servandæ studium, quæ vexationibus hujusmodi propriè opponitur, & è diametro resistit. Accersenda etiam spes est, & cogitatio ad futuræ brevi consolationis: si præsertim per sanctos conatus in sextâ regulâ signatos, desolationis impetus frangatur.

*Tres desola-
tionis causa.*

Nona, Quòd causæ desolationis tres sunt præcipuæ. Prima, quia propter nostram
in

in spiritualibus studiis seu exercitiis repeditatem atque acediam, consolatione divinâ merito privamur. Secunda, ut probemur quinam sumus, & quomodo in Dei servitium & honorem, absque præsente quodam consolationum, donorumque spiritualium stipendio nosmet impendimus. Tertia, ut certi planè simus nostrarum virium non esse, vel acquirere, vel retinere fervorem devotionis, vehementiam amoris, abundantiam lacrymarum, aut aliam quamlibet internam consolationem: sed omnia hæc gratuita esse Dei dona, quæ si vendicemus nobis ut propria, superbix & vanæ gloriæ crimen, non sine salutis gravi periculo, incursumus.

Decima, Quod fruenti homini consolatione, prospiciendum est, quo se pacto gerere poterit, desolatione deinceps occurrente; ut jam inde acrimoniam & robur animi maturè comparet, ad impetum ejus reprimendum.

*Tempora
consolationis
quid prospiciendum.*

Undecima, ut ille idem, affluente consolatione seipsum deprimat ac vilifaciat quantum potest, reputando secum, quàm imbellis, quamque ignavus esse apparebit, desolatione impugnante, nisi per gratiæ & consolationis divinæ opem cito sublevetur. Contra vero ille, quem desolatio molestat, æstimare debet cum Dei gratiâ, se posse plurimùm, facileque adversarios suos omnes, devicturum esse, dummodo in Dei virtute collocet spem suam, & animum suum corroboret.

*Consolatione
affluente se
deprimas.*

Duodecima, Quod hostis noster, naturam &

*Quomodo
cum hoste
nostro con-
figendum.*

& morem muliebrem refert, quoad imbecillitatem virium, & animi pervicaciam. Nam sicut femina cum viro rixans, si hunc conspexerit, erecto & constanti vultu sibi obsistere, abjicit illico animum, ac terga vertit: sin vero timidum, fugacemque esse animadverterit, in extremam surgit audaciam, & in illum ferociter invadit. Itidem consuevit dæmon animo & robore planè destitui, quoties spirituales athletas, corde impeterrito, ac fronte arduâ tentationibus videt reluctari. Sin autem trepidet, ad primos impetus sustinendos, & quasi animum despondeat, nulla est bestia super terram inimico illo tunc efferior, acrior & pertinacior in hominem, ut cum perniciæ nostrâ, malignæ obstinatæque mentis suæ desiderium adimpleat.

*Exemplum
nequam
amatoris in
dæmon.*

Decima tertia, Quod idem inimicus noster morem insequitur nequissimi cujuspiam amatoris, qui puellam honestorum parentum filiam, vel uxorem viri alicujus probi volens seducere, summopere procurat, ut verba & consilia sua occulta sint, nilque reformidat magis ac ægre fert, quàm si puella patri suo, vel uxor marito illa patefaciat, cum sciat hoc pacto de votis & conatibus suis actum esse. Ad eundem modum obnixè satagit diabolus, ut anima, quam circumvenire cupit ac perdere, fraudulentæ suas suggestiones teneat secretas. Indignatur verò maximè, & gravissimè cruciatur, si cui vel confessionem audienti, vel spirituali homini molimina sua deregantur, à quibus

quibus ita excidere se funditus intelligit.

Decima quarta, Quod solet etiam adversarius imitari aliquem belli ducem, qui obsesam arcem expugnare atque deprædari cupiens, exploratâ prius naturâ & munitione loci, debiliorem partem aggreditur. Sic nimirum & ille circuit animam, & callide inquit, quarumnam virtutum præfidiis, moralium scilicet aut theologicarum, ipsa vel munita vel destituta sit: cæque potissimum parte machinis omnibus admotis irrui, ac subvertere nos sperat, quam in nobis minus ceteris firmatam custoditamque esse præviderit.

*Exemplum
belli ducis in
damonem.*

Regula alia utiles ad pleniorum spirituum discretionem, & secunda hebdomada potissimum convenientes.

PRima est, Quod proprium est Dei, & Angelicæ cuiusque boni, veram infundere spirituales lætitiæ animæ, quam movent, sublatâ tristitiâ & perturbatione omni, quam ingessit dæmon; cum hic è contrariis, sophisticis argumentis quibusdam, veri speciem præ se ferentibus, lætitiæ illam in anima repertam, oppugnare soleat.

Vera spiritalis lætitiæ à qua.

Secunda, Solius est Dei, consolari animam, nulla præcedente consolationis causa, cum sit hoc proprium Creatoris, suam ingredi creaturam, & illam in amorem sui totam convertere trahere, & mutare. Causam vero præcedere

Anima consolaris solius Dei est propria.

R

nul,

nullam tunc dicimus, quando nec sensibus, nec intellectui, neque voluntati nostræ quidquam objectum est, quod ejusmodi consolationem causare ex se possit.

Quando præcisis consolationis causa, quis auctor.

Tertia, Quoties præcessit consolationis causa, auctor ejus potest existere tam malus Angelus, quàm bonus, sed ad fines tendunt contrarios; bonus quidem, ut anima in boni cognitione & operatione magis proficiat, malus autem, ut malè agat illa & pereat.

Mos demonis qualis.

Quarta, Id moris est spiritui maligno, ut in lucis Angelum transfigurans sese, cognitis piis animæ votis, primùm obsecundet, mox inde ad perversa sua desideria illam alliciat. Simulat etenim ab initio bonas sanctasque hominis cogitationes sequi & fovere; at deinde in occultas fallaciarum luarum pedicas paulatim tractum illaqueat.

Sedulo cogitationes excutiende.

Quinta, Sedulo & accurate excutiendæ sunt cogitationes nostræ, circa principium, medium & finem suum, quæ tria si rectè se habeant, Angeli boni argumentum est, cogitationes illas suggerentis: sin autem per discursum mentis, aliquid offertur, vel sequitur, quod ex se malum sit, vel avocet à bono, vel ad minus bonum impellat, quàm anima priùs querendo sequi decrevisset, vel animam ipsam defatiget, angat, ac perturbet, sublatâ quæ priùs aderat, quiete, pace, & tranquillitate, evidens tunc erit indicium, auctorem esse cognitionis ejusmodi, spiritum malignum, utpote utilitati nostræ semper adversantem.

Sexta,

Sexta, Quoties contingit in aliqua suggestione deprehendi hostem ex cauda sua serpentina, id est, sine malo, quem semper nobis insinuare studet; tunc plurimum juvat, revolvere discursum totum, & notare, quid ab initio prætexuerit bonæ cogitationis, & quomodò præcedentem spiritualis gustus suavitatem, animi serenitatem, sensum amovere, ac venenum suum infundere tentarit, ut per hujusmodi experimentum cognitæ illius fraudes, facilius deinceps caveantur.

Quando deprehenditur hostis. quid faciendum.

Septima, eorum, qui promovent in bono salutis, animis se insinuat uterque spiritus diverso modo: bonus quidem leniter, placidè, ac suaviter, sicut aquæ stilla in spongiam illabens; malus vero duriter, implacidè, & violenter, cum strepitu quodam, sicut imber decidens in petram; illis autem, qui indies tendunt in deterius, oppositum prorsus usu venit. Cujus sanè diversitatis ratio est, quatenus Angelo utrilibet similis est vel dissimilis animæ ipsius dispositio. Si enim contrariam sibi eam alteruter spiritus invenerit, cum strepitu & pulsu, qui facile adverti queat, ei se conjungit. Si conformem vero, tamquam in propriam & apertam domum subit cum quiete.

Diversitas utriusque spiritus.

Octava, quoties sine præviâ ullâ causâ consolatio nobis adest, quamvis ei, tamquam divinitus immissæ, ut supra dictum est, nihil fallaciæ subesse possit; debemus tamen attente ac sollicitè distinguere præsens consolationis tempus à proximo sequente, in quo ani-

Quando est consolatio sine prævia causa, quid faciendum.

ma fervet adhuc, & favoris divini nuper accepti sentit reliquias. Nam posteriore hoc tempore, frequenter accidit, ut vel ex habitu, discursu, & judicio proprio, vel ex boni aut mali spiritus instinctu, aliqua sentiamus, vel deliberemus, quæ cum ab ipso Deo, citra medium non emanent, solerti indigent discussione, priusquam recipiant assensum, vel in opus veniant.

Regula nonnullæ, in distribuendis eleemosynis servandæ.

Quando erogatur in conjunctos, quæ servanda,

Prima, Si quid erogare libeat in homines genere vel amicitia conjunctos, erga quos sentitur proclivior affectus; attendendæ erunt regulæ quatuor quas ex parte circa electiones commemoravimus. Earum itaque prima hæc est, ut affectus erga tales meus, recta proveniat ex amore Dei, quem certe amorem debeo sentire in me, ut radicem esse & causam cujuscumque meæ affectionis erga cognatos & amicos omnes, ac operam dare, ut in hoc præsentî negotio præcipua ea ratio elucescat.

* e e
Quid si quis alter me consulat. faciendum.

Secunda, * Ut * considerem, si quis alter, cui parem mecum statum, seu perfectionis gradum optem, me consulat super negotio istiusmodi, quam ego illi erogationis faciendæ dictaturus sim rationem. Hac igitur & me uti par est.

*Quid si vi-
va exitus
instaret.*

Tertia, Ut cogitem, si mihi vitæ nunc exitus instaret, quid in hac re egisse vellem potissimum. Ita ergo agendum in præsentia decernam.

Quarta

Quarta, ut prospiciam similiter, quid malum in die iudicii à me fuisse super his transactum. Id quod & nunc citra dubium præeligam.

Quid malum in die iudicii.

Quinta, ut quoties ad personas, mihi humano aliquo vinculo conjunctas, affectum meum sentio magis inclinare, regulas quatuor prædictas sedulò expendam, & juxta eas examinationem affectum; nihil de eleemosynâ, seu distributione faciendâ cogitans, donec ab animo, si quid non rectum inest, removero.

Quid quando ad conjunctos inclinatur.

Sexta, quamvis facultates divino cultui, & usui Ecclesiastico dicatæ, citra culpam assumi possint distribuendæ ab eo, qui ad hoc ministerium sit vocatus; cum tamen plurimis, in determinandâ propriis suis sumptibus justâ portione, soleat de excessu scrupulus incidere, operæ pretium est juxta regulas superiores, vitæ suæ statum rectè disponere.

Quid servandum pro rebus Ecclesiasticis.

Septima, Propter rationes dictas, & alias plerasque, in administrandis iis, quæ ad propriam personam, conditionem, domum, aut familiam pertinent; optimum ac securissimum est unicuique, distributionis curam subeunti, ut suæ subtrahat commoditati quantum potest ac seipsum proximè conformet, ad exemplar Domini nostri Jesu Christi summi Pontificis: quandoquidem in tertio etiam Cathaginensi Concilio, in quo interfuit S. Augustinus, decretum fuit, suppellectilem Episcopi, vilem ac pauperem debere esse. Hoc idem in quolibet statu seu vitæ genere provideri convenit, habi-

Optimatio distributi.

tâ interim ratione personarum, & statuum ipsorum : sicut in matrimonio exemplum præbent S. Joachimus & S. Anna, qui divisim per annos singulos facultatibus suis in tres partes, pauperibus unam erogabant, alteram dicabant in templi & divini cultus ministerium, & tertiam postremò necessitati suæ reservabant.

Quædam notatu digna de scrupulis, quos animæ demon injicit, dignoscendis.

*Scrupulus
improprius.*

Primum, Vulgò scrupulum appellant, quando ex proprio liberi arbitrii motu & judicio, aliquid concludimus peccatum esse, cum peccatum non sit, veluti si quis animadvertens se crucem, ex paleis humi figuratam, in transitu calcasse, crimini sibi vertat. Hoc autem non scrupulus propriè, sed judicium potius erroneum vocari debet.

*Scrupulus
propriè quan-
tus.*

Secundum, Scrupulus propriè dicendus est quoties post calcatam crucem ejusmodi, vel post cogitationem, loquelam, aut operationem aliquam, oboritur nobis extrinsecus, peccati admissi suspicio. Et quamvis alterâ ex parte veniat in mentem, nos minimè peccasse; ambiguitatem tamen quamdam, atque animi perturbationem sentimus, à dæmone videlicet obtrusam.

*Prior species
scrupuli im-
propriæ, fu-
gienda.*

Tertium, Prior scrupuli species, impropriè sic dicti, prorsus abhorrenda est ut erroris plena. Posterior vero, per tempus aliquod
(dum

(dum præsertim recens est vitæ melioris institutio) animam rebus spiritualibus vacantem, non parum juvat, cum eam mirum in modum purget, atque ab omni peccati specimine abducatur, juxta illud Divi Gregorii: *Bonarum mentium est, ibi culpam agnoscere, ubi culpa non est.*

Quartum, Callidè observare solet inimicus ^{Demonis} qualisnam sit animæ cujusvis conscientia, ^{calliditas in} crassiorne, an delicatior. ^{conscientiâ} Et si quam invenit delicatam, multo quoque delicatiorē efficere nititur, & in extremum quemdam redigere anxietatis gradum, ut sic misere turbatam, à profectu spirituali tandem deiciat. ^{observandâ.}

Putat si animam nōverit, quæ peccato nulli consentiat, mortali, sive veniali, imò ne umbrā quidem (ut sic dicamus) voluntarii peccatī sustinere queat; tunc, quoniam non potest veram peccati rationem illi obijcere, cō satagit adducere, ut peccatum sibi esse credat, quod revera non est, cujusmodi est, de verbo aliquo, vel cogitatione uculā repentinā. Crassam è diverso animam, seu conscientiam, reddere crassiorem studet, ut quæ negligebat prius venalia peccata, mortalia quoque nunc parum curet, ac in dies minùs respiciat.

Quintum, ut anima progredi valeat in viā ^{ut notandum} spirituali, ad illius partis oppositum tendat ^{contra scrupulos.} necesse est, in quam inimicus tentat pertrahere: ut si laxiorem iste conscientiam facere admittitur, faciat illa strictiorem: aut relaxet contrā, si dæmon nimiū velit restringere. Sic

enim continget, vitatis extremæ utriusque partis periculis, animam ipsam in medio quodam quieto & securo statu jugiter manere.

*Cum vanâ
gloriâ pulsa-
tur.*

Sexta, Quotiescumque homini, dicere aut agere aliquid volenti, quod ab Ecclesiæ usu, vel majorum nostrorum sensu non dissonat, quodque tendit in Dei gloriam, obviat extrinsecus suggestio dissuadens, ne dicat aut agat illud propositum, adductâ vel vanæ gloriæ, vel mali alterius cujusvis fucatâ quadam ratione; tunc ad Deum elevanda mens est: sique appareat, ad ejus gloriam spectare dictum aut factum ejusmodi, vel certe contrarium non esse, tendendum recta erit adversus talem cogitationem, atque obstrepenti nobis inimico respondendum cum Divo Bernardo: *Nec propter te cæpi, nec propter te finiam.*

*Regule aliquot servandæ, ut cum orthodoxâ
Ecclesiâ verè sentiamus.*

*Animi
promptitudo*

PRima, Sublato proprio omni judicio, tenendus est semper paratus promptusque animus, ad obediendum veræ Christi sponsæ, ac sanctæ matri nostræ, quæ est orthodoxa, catholica, & hierarchica Ecclesia.

*Laudis fre-
quentia Sa-
cramento
rum.*

Secunda, laudare convenit solitam fieri Sacerdoti confessionem peccatorum, & Euchari- sticæ sacræ sumptionem annuam ut minimum, cum sit laudabilius, octavo quoque die aut semel saltem in mense quolibet, servatis interim con-

conditionibus debitis, Sacramentum ipsum suscipere.

Tertia, Commendare Christi fidelibus, ut frequenter ac devotè Missæ sacrum seu sacrificium audiant. Item cantus Ecclesiasticos, psalmos, & prolixas preces in templis, vel extra templa recitandas: tempora etiam probare, determinata officii divinis & precationibus quibuscumque, ut sunt quas vocamus horas canonicas.

*Commenda-
tio sacrorum
& cantus
Ecclesiastici.*

Quarta, laudare plurimum religionum status, atque cælibatum, seu virginitatem matrimonio præferre.

*Commenda-
tio religiosi
status.*

Quinta, comprobare vota religiosorum de servandâ castitate, paupertate, obedientiâque perpetuâ, cum aliis perfectionis, & supererogationis operibus. Ubi obiter notandum est, quod cum voti ratio ad ea pertineat, quæ ad perfectionem ducunt vitæ Christianæ; de aliis, quæ ab ipsâ perfectione potius avertunt, ut de negotiatione, vel matrimonio, votum nunquam emittendum sit.

*Commenda-
tio votorum
& perfec-
tionis reli-
giosæ.*

Sexta, Laudare præterea reliquias, venerationem & invocationem Sanctorum. Item stationes, peregrinationesque pias, indulgentias, jubilæa, candelas in templis accendi solitas, & reliqua hujusmodi pietatis ac devotionis nostræ adminicula.

*Commenda-
tio reliquia-
rum, statio-
num, &c.*

Septima, Extollere abstinentiæ ac jejuniorum usum, ut quadragesimæ, quatuor temporum, vigiliarum, sextæ feriæ, sabbati, aliorumque pro devotione susceptorum. Item spontaneas

*Commenda-
tio jejunio-
rum, statio-
num, &c.*

neas afflictiones sui, quas pœnitentias dicimus non internas solum, sed etiam externas.

*Commenda-
tio temple-
rum & ima-
ginum.*

Octava, Laudare insuper templorum extructiones, atque ornamenta, nec non imagines, tamquam propter id quod repræsentant, jure optimo venerandas-

*Commenda-
tio præcepto-
rum Eccle-
siasticorum.*

Nona, Confirmare maximè omnia Ecclesiæ præcepta: nec impugnare ullo modo: sed contra impugnantes quæsitis undique rationibus promptè defendere.

*Approbatia
Patrum, de-
cretorum.
&c.*

Decima, Patrum etiam, seu superiorum decreta, mandata, traditiones, ritus, & mores studiosè probare. Licet autem non reperiatur ubique ea, quæ deberet esse, morum integritas; si quis tamen, vel in publicâ concione, vel in populari commercio, ipsis obloquitur, generat potius damna & scandala, quam aliquid afferat remedii aut utilitatis, cùm nihil aliud sequatur, nisi exasperatio & obrectatio populi adversus Principes ac Pastores suos. Temperandum est igitur ab isto invectivarum genere. Verumtamen, sicut damnosum est, primates ipsos absentes, apud populum allatrare, atque proscindere: ita rursus privatim admonere eos, qui si velint, mederi huic malo possunt, operæ pretium videtur fore.

*Doctrina sa-
era, tum po-
sitiva, tum
scholastica
commenda-
tio.*

Undecima, Doctrinam sacram plurimi facere, tum eam, quæ Positiva dici solet, tum, quæ Scholastica. Sicut enim Sanctis Doctoribus antiquis Hieronymo, Augustino, Gregorio, & consimilibus, scopus fuit, ad amorem & cultum Dei amplectendum, ani-
mos

mos movere; ita peculiare est B. Thomæ, Bonaventuræ, Magistro sententiarum, & aliis recentioribus Theologis, dogmata ad salutem necessaria exactius tradere, atque definire, prout convenit suis temporibus, & posteris, ad errores hæresum confutandos. Siquidem Doctores hujusmodi, ut sunt tempore posteriores non solum Scripturæ sacræ intelligentiâ præditi sunt, & veterum auctorum juvantur scriptis; sed etiam cum influxu divini luminis, conciliorum sanctionibus, decretis, & variis Ecclesiæ sanctæ constitutionibus, ad salutis nostræ subsidium feliciter utuntur.

Duodecima, Culpabilis est ac vitanda hominum, qui adhuc in terris vivunt, (quantumvis laudabilium) comparatio cum Sanctis & Beatis, dicendo: Iste est doctior S. Augustino: Ille est alter S. Franciscus: Æqualis est Paulo sanctitate, aut aliquâ virtute, non est inferior, &c.

*Vitanda cū
Sanctis
comparatio.*

Decima tertia, Denique ut ipsi Ecclesiæ Catholicæ omnino unanimes, conformesque simus, si quid, quod oculis nostris apparet album, nigrum illa esse definierit, debemus itidem, quod nigrum sit, pronuntiare. Indubitate namque credendum est, eundem esse Domini nostri Jesu Christi, & Ecclesiæ orthodoxæ, sponsæ ejus, spiritum, per quem gubernamur ac dirigimur ad salutem: neque alium esse Deum, qui olim tradidit Decalogi præcepta, & qui nunc temporis Ecclesiam hierarchicam instruit atque regit.

*Ecclesia de
finitioni
prom. pia
submissa.*

Decima

Ut de prædestinatione loquendum.

Decima quarta, Advertendum quoque est, quamquam verissimum sit, nemini contingere salutem, nisi prædestinato; circumspicte tamen super hoc loquendum esse, ne forte gratiam seu prædestinationem Dei nimis extendentes, liberi arbitrii vires, & operum bonorum merita excludere velle videamur: vel è converso, ne plus æquo hisce tribuentes, illis interim derogemus.

Vitandus de prædestinatione sermo frequens.

Decima quinta, Similem ob causam frequens de prædestinatione sermo habendus non est: sique incidat nonnumquam, ita temperari decet, ut nulla plebi audienti detur occasio erroris, ac dicendi: Si de salute meâ, vel damnatione jam definitum est, sive malè, sive benè agam, aliter evenire non potest: unde solent multi opera bona negligere, & alia subsidia salutis.

Cautè de fide docendum.

Decima sexta, Accidit etiam non rarò, ut ex immodicâ fidei prædicatione & laude, adjectâ distinctione aut explicatione nullâ, ansam arripiat populus, torpescendi circa bona quælibet opera, quæ fidem præeunt aut sequuntur charitatis nexu efformatam.

Ut de gratiâ loquendum.

Decima septima, Neque itidem prædicandæ & inculcandæ gratiæ Dei usque adeò insistendum fuerit, ut serpere inde possit auditorum animis lethalis error, negatâ liberi arbitrii nostri facultate. De gratia ergo ipsa diffuse quidem loqui fas est, Deo aspirante, sed quatenus in gloriam ejus uberiores redundat, idque juxta modum convenientem, nostris præfertim

sertim temporibus, tam periculosis: ne & liberi arbitrii usus, & operum bonorum efficacia tollatur.

Decima octava, Quamvis summè laudabile sit atque utile, ex dilectione pura inservire Deo, nihilominùs tamen valdè commendandus est Majestatis divinæ timor. Neque porrò is timor solùm, quem filialem appellamus, qui pius est ac sanctus maximè; verùm etiam alter, servilis dictus. Quippe qui homini utilis est admodùm, & sæpenumerò necessarius, ut à mortali peccato, quando incidere contingit, resurgere promptè studeamus: à quo, dum erimus immunes atque alieni, faciliùs patebit ascensus ad timorem illum filialem Deo penitùs acceptum, qui nobis cum ipso Deo unionem amoris præstat & conservat.

*Timores
laudabiles.*

Quæ ab aliis impressis, Exercitiorum exemplis variant, ex utroque nostro exemplari manuscripto. In mysteriis autem vitæ Christi, etiam ex editione vulgatâ, emendata sunt.

Loca

Loca quæ ex diligenti cum Hispanico autographo collatione adnotata sunt in hac postremâ editione.



A Patrum deputatio, quæ in V. Generali Congregatione pro recognoscendo Directorio Exercitiorum instituta fuit; illud in primis proposuit, ut antequàm liber Exercitiorum denuò imprimeretur, cum Hispanico autographo, qui Romæ servatur, diligenter conferretur, non ut nova quædam versio fieret, sed ut loca quædam accommodarentur, quæ in vulgatâ Latinâ editione subobscura videbantur. Quod cum R. P. N. fieri mandasset, factâ diligenti collatione, compertum est, Latinam editionem in paucis ab autographo discrepare. His igitur prætermisiss, quæ parvi momenti esse videbantur, ea tantùm loca adnotari placuit, in quibus sensus subobscurus censetur, vel certè clarior hac novâ versione reddi poterat. Quæ omnia cum essent à R. P. N. cum Patribus Assistentibus diligenter examinata, ne vulgatæ editio, ob reverentiam, quæ illi meritò debetur, mutari videretur,

videretur, satius visum est, si in fine Exercitiorum loca omnia, quæ sunt adnotata, ponerentur stellulis quibusdam signata, quæ locis, in quibus facta est mutatio, responderent, ut facilius, quæ in postremâ hac editione fuerunt accommodata, reperiri à quolibet possent. Hic autem labor, ut speramus, majorem quamdam lucem afferet iis, qui Exercitia tractant, omnibusque Societatis nostræ hominibus, qui Exercitiorum usum habere debent frequentissimum, non erit injucundus. Roma, 25. Junii, M. D. XCVI.

Mandato R. P. N. Generalis:

JACOBUS DOMINICUS

Secretarius.

IN

I N

ANNOTATIONIBVS XX.

Quæ sunt in principio Exercitiorum.

Paginâ 57. *Annotatione quartâ in fine, ubi dicitur: * a* Expediit nonnumquam succidi hebdomadam. *Sensus erit clarior si legatur: Contrahi hebdomadam.*

Pag. 58. *Annotatione octavâ, ubi dicitur: * b* In prioribus duabus hebdomadis. *Lege: Pro prioribus duabus hebdomadis.*

Pag. 59. *Annotatione decimâ in fine, ubi habetur: * c* Atque per exercitia primæ hebdomadæ comprehenditur. *Lege: Atque exercitiis primæ hebdomadæ respondet.*

Pag. 61. *Annotatio decima septima ita poni debet: * d* Decima septima. Perutile est, ut qui tradit Exercitia, quamvis inquirere, ac scire non intendat proprias alterius cogitationes & peccata; certior tamen fideliter fiat de variis agitationibus & cogitationibus, quas varii spiritus immittunt. Perspecto enim majori, aut minori ejus profectu, nonnulla spiritualia Exercitia præscribere illi potest, præsentis animæ necessitati opportuna.

In Fundamento.

P Ag. 67. *Ubi dicitur* : * e Prout libertati arbitrii nostri subiectæ sunt , & non prohibetæ. *clarius ex autographo dicatur* : Prout libertati arbitrii nostri permissum est , & non prohibitum.

Pag. eadem. *Circa finem fundamenti, ubi habetur* : * f Sed consentaneum est, ex omnibus eademum, quæ ad finem ducunt, eligere ac desiderare. *dicatur* : Sed consentaneum est ex omnibus eademum, quæ ad finem, cujus gratiâ conditi sumus, nos ducunt, eligere ac desiderare.

In V. Exercitio primæ hebdomadæ.

P Ag. 105. *In primo puncto* : * g Et animas igneis quibusdam corporibus, velut ergastulis inclusas. *dicatur* : Et animas velut igneis quibusdam corporibus, tamquàm ergastulis, inclusas.

In Additionibus.

P Ag. 107. *In primâ Additione, ubi dicitur* : * h Cogitem de horâ, quâ surgendum mihi erit, & de Exercitio faciendo. *Ex autographo dicatur* : Cogitem de horâ, quâ surgendum mihi erit, Exercitii faciendi puncta breviter animo retractans.

S

In

*In Meditatione secunda diei in secundâ
hebdomadâ.*

P Ag. 125. *In primo puncto: * i* Inter quos me adesse fingam, tanquàm pauperculum, eorum utcumque necessitatibus, &c. *addatur ex autographo:* Inter quos me adesse fingam, tanquàm pauperculum, & servulum indignum, eos spectantem, contemplantem, & eorum necessitatibus cum reverentiâ maximâ famulantem.

In quintâ Contemplatione.

P Ag. 127. *In tertio puncto: * k* Dulcedo animæ, divinis donis, &c. *Legatur:* Dulcedo, divinitatis, animæ, ejusque virtutum, ac ceterorum omnium juxta rationem, &c.

In quinque Notandis.

P Ag. 128. *In tertio: * l* Superadditâ circa vespas unâ repetitione, & sensuum applicatione ante cœnam. *Ex autographo:* Superadditâ circa vespas unâ repetitione, & postea sensuum applicatione ante cœnam.

In secundâ die.

P Ag. 130. ** m* Et fuga in Ægyptum. *Additur ex autographo:* Et fuga ejusdem veluti exulantis in Ægyptum.

In Praludio post Contemplationem tertia diei.

P Ag. 131. *Quod ibi dicitur de distinctione duplicis status, clarius ita ponetur ex autographo: * n* Cum supra propositum fuerit exemplum Christi de vitæ genere, quod in mandatorum Dei observatione consistit, dum parentibus suis fuisse subditus memoratur, & primus, seu communis status appellatur. Nunc idem ipse Dominus formam videtur exhibere alterius, seu secundi status perfectionem Evangelicam afferentis, quando videlicet in templum se contulit, &c.

In Meditatione quartæ diei de tribus hominum Classibus.

P Ag. 139. *In fine primi Praludii: * o* Sublato utcumque noxio affectu rerum, utpote saluti impedimento. *Legatur:* Sublato utcumque noxio affectu rei partæ, utpote, &c.

Pag. 140. *In primâ Classe: * p* Debitaque adminicula toto vitæ tempore non admovet. *Ex autographo:* Debitaque adminicula usque ad horam mortis non admovet.

Pag. eadem. *In tertia: * q* Ac, interim omnia relinquens integra, &c. usque ad finem. *Ita ex autographo verti potest clarius:* Ac interim ita se gerit, ut qui omnia in affectu reliquerit, enitendo scilicet, neque hoc, neque aliud quippiam expetere, nisi quantum divini obsequii intuitus

tus moveret; ita ut non aliam admittat relinquendæ, aut retinendæ rei acquisitæ causam, præter rationem ac desiderium melius Deo Domino nostro serviendi.

Pag. 140. *In Notando: * r* Servabimus tamen interca &c. *usque ad finem. In autographo sic habetur:* Atque hoc ipsum optare, petere, & flagitare, spectato solum obsequio & gloriâ divinæ ipsius bonitatis.

*In secundo Notando post duodecimam
Meditationem.*

P Ag. 142. *Secundo: * f* Quòd inchoanda est, &c. *usque ad finem. Omnis dubitandi ratio tollitur, si ita vertatur ex autographo:* Secundò, quòd inchoanda est electionum discussio à contemplatione discessus Christi ex Nazareth Jordanem versus inclusive, quæ fit quinto die, ut in sequentibus declaratur.

In modo secundo benè eligendi.

P Ag. 152. *In secundâ Regulâ: * r* Secunda, est considerare, &c. *usque ad finem. Clariùs ita verti potest ex autographo:* Secunda est considerare, si quis mihi vir antea ignotus, & numquam planè visus, cui tamen nihil non perfectionis inesse cupiam, occurreret dubius super electione hujusmodi, quidnam ego illi faciendum ad majorem Dei gloriam, & majorem animæ illius perfectionem essem consulturus: quo animad-

animadverso, id mihi agendum ducam, quod alteri suaderem.

In tertiâ hebdomadâ.

P Ag. 157. *In titulo primæ contemplationis:* * 1 *Prima contemplatio fit in media nocte, &c. addatur ex autographo:* Prima contemplatio de Christi Domini nostri profectio à Bethania in Hierusalem, & de gestis usque ad ultimam cœnam inclusivè, fit media nocte, & continet orationem præparatoriam.

Pag. 158. *In quarto puncto:* * x *Quartum, advertere, quid jam inde, &c. ita vertendum ex autographo:* Quartum, advertere quid Christus Dominus noster in humanitate patiat, aut pati appetat, juxta punctum, quod meditandum suscipitur: unde incipiam & ipse maximo conatu dolorem, mœstiriam, & fletum mihi excitare: idemque curabo in sublequentibus punctis.

In I. Contemplatione 4 hebdomadæ.

P Ag. 169. *In primo Præludio:* * y *Sepulto corpore. Ex autographo habetur:* Corpore ab anima separato: *vox enim illa (sepulto) non est, neque cohaeret cum aliis.*

Pag. 170. *In quarto puncto:* * z *Quomodo Christi divinitas passionis & mortis tempore abscondita. In autographo habetur:* Quomodo Christi divinitas, quæ passionis tempore videbatur abscondita, &c.

In Contemplatione ad acquirendum amorem.

P Ag. 176. *In tertio puncto, post illa verba: * aa*
Laborantem quodammodo. addantur hæc ex
autographo: Ut in cælis, elementis, plantis, fru-
gibus, & animantibus, quatenus dat, &c.

De Conversione Magdalene.

P Ag. 213. *In autographo non habentur verba illa:*
** bb Sive Maria Magdalena soror Marthæ*
fuerit, sive alia.

In 5. Regulâ de discretione spirituum.

P Ag. 253. *Verba illa: * cc Quemadmodum e-*
enim dum fruitur quis, usque ad finem. ita
commodius verti possunt ex autographo: Quemad-
modum enim in consolatione bonus spiritus
nos magis regit ac dirigit; ita in desolatione
malus, cujus instigatione & consiliis nihil re-
ctum decernere possumus.

In 7. Regulâ de discretione spirituum.

P Ag. 254. *Circa medium: * dd Assistente nobis*
jugiter præsidio divino, licet tunc nequa-
quàm sentiatur. In autographo sic habetur: Assi-
stente nobis præsidio divino, quod semper ma-
net, licet tunc nequaquàm sentiatur.

In 2. Regulá pro distribuendis Eleemosynis.

P Ag. 260. *Secunda*: * *ut* *considerem*, &c. *usque ad finem. Hac regula in autographo sic habetur*: *Secunda*, *Ut considerem* si quis alter esset mihi planè ignotus, cui tamen pro hoc ministerio, & ipsius statu omnem perfectionis gradum exoptem, quam ego illum in hac distributione rationem sequi vellem ad maiorem Dei gloriam, & animæ suæ perfectionem, hac ipsa eadem mihi utendum esse.

L A U S D E O.

BREVIS INDEX

Meditationum, Additionum, & Notandorum, quæ hoc libro continentur.

C onfirmatio Exercitiorum, Pauli III. pag. 7.	
Testimonia eorum, quibus censura Exercitiorum est commissa.	12.
Alexander Papa VII. ad perpetuam rei memoriam. 152.	
Quidam de Societate Iesu devoto lectori ejusdem societatis S. in Domino.	17.
Præfatio ad lectorem.	19.
ANNOTATIONES, ut jurari possit & is qui tradit, & is qui accipit Exercitia.	55.

Prima hebdomada.

P rinzipium, seu Fundamentum.	67.
Examen particulare.	69.
Examen generale.	73.
Examinis generalis modus.	78.
Confessionis generalis, & communionis usus.	Ibid.
Primum Exercitium secundum tres animæ potentias circa triplex peccatum.	81.
Secundum Exercitium, meditatio de peccatis.	87.
Tertium Exercitium, repetitio primi & secundi cum tribus colloquiis.	89.
Quartum simile.	91.
Quintum de inferno.	105.
Exercitiorum temporis distributio.	106.
Additiones ad Exercitia melius agenda.	108.
De pœnitentiâ, seu afflictione corporis.	109.
Notanda alia quatuor.	110.
	Heb-

INDEX

Hebdomada secunda.

C ontemplatio regni Christi.	117.
Prima diei meditatio prima de Incarnatione:	121. et 126.
Contemplatio secunda de Nativitate.	125. 129.
Tertia, repetitio utriusque.	126.
Quarta similis.	127.
Quinta, applicatio sensuum ad prædictas.	Ibid.
Annotationes quinque.	128.
Secunda diei contemplationes.	130. 195.
Tertia diei.	130. 197.
Preludium considerationis statuum diversorum.	131.
Quarta diei meditatio de duobus vexillis.	133.
Ejusdem diei meditatio de tribus hominum classibus.	139.
Quinta diei.	141. 201.
Sexta, Septima, Octava, Nona, Decima, Undecima, & Duodecima.	142.
Annotationes tres.	Ibid.
Tres modi humilitatis.	145.
Preludium ad electionem faciendam.	146.
Introductio ad eligendarum rerum notitiam.	147.
De tempore triplici ad electiones faciendas.	148.
Modus prior bonæ electionis faciendæ.	151.
Modus posterior.	152.
De emendatione, seu reformatione vitæ status.	153.

Tertia hebdomada.

C ontemplatio prima, de cænâ Domini.	157.
Secunda, de gestis post cænâ, & in horto.	161. 222.
S 5	Notan-

INDEX

<i>Notanda quatuor:</i>	162.
<i>Secundâ & terciâ die.</i>	163.
<i>Quartâ, quintâ, sextâ & septimâ cum annotationibus.</i>	163. & 164.
<i>Regula ad victum temporandum.</i>	165.

221

Quarta hebdomada.

C <i>Contemplatio prima de Resurrectione.</i>	169.
<i>Annotationes aliqua.</i>	170.
<i>Contemplatio ad amorem spirituales excitandum.</i>	175.
<i>Modi tres orandi, primus.</i>	177.
<i>Secundus.</i>	179.
<i>Ejus regula.</i>	180.
<i>Tertius.</i>	181.
<i>Ejus regula.</i>	Ibid.

102

Vitæ D.N. Iesu Christi Myſteria.

N <i>otandum.</i>	183.
<i>De Annuntiatione. 131. et</i>	185.
<i>De Visitatione.</i>	187.
<i>De Nativitate. 136. et</i>	189.
<i>De Paſtoribus.</i>	Ibid.
<i>De Circumciſione.</i>	192.
<i>De tribus Magis.</i>	193.
<i>De Purificatione B. Virginis, & pueri IESU præſentatione. ————</i>	195.
<i>De fugâ in Ægyptum. } 130. et ————</i>	197.
<i>De reditu.</i>	Ibid.
<i>De Vitâ Domini ab anno ætatis ſuæ duodecimo uſque ad trigefimum.</i>	199.
<i>De Aſcenſu in Templum.</i>	Ibid.
	De

esse. 8

INDEX

<i>De Baptismo. /41. —</i>	201.
<i>De tentatione.</i>	203.
<i>De Apostolorum vocatione.</i>	205.
<i>De Primo Christi miraculo facto in nuptiis.</i>	207.
<i>De fugatis è templo negotiatoribus primâ vice.</i>	Ibid.
<i>De Sermone Christi, in monte.</i>	209.
<i>De sedatâ Maris tempestate.</i>	Ibid.
<i>De ambulatione super aquas.</i>	211.
<i>De missis ad prædicandum Apostolis.</i>	212.
<i>De conversione Magdalena.</i>	213.
<i>De quinque millium hominum refectiõne.</i>	Ibid.
<i>De Transfiguratione.</i>	214.
<i>De Lazari suscitatione.</i>	215.
<i>De cænâ apud Bethaniam.</i>	Ibid.
<i>De die Palmarum.</i>	217.
<i>De Prædicatione in templo.</i>	Ibid.
<i>De cænâ ultimâ.</i>	219. 157
<i>De mysteriis post cænâ : & in horto gestis.</i>	221. 161
<i>De comprehensione Christi, & traductione ad Annam.</i>	223.
<i>De gestis in Domo Caipha.</i>	225.
<i>De Christi apud Pilatum accusatione.</i>	Ibid.
<i>De transmissio Christi ad Herodem.</i>	226.
<i>De reversione ab Herode ad Pilatum.</i>	227.
<i>De condemnatione & Crucifixione IESU Christi.</i>	229.
<i>De mysteriis in Cruce factis.</i>	231.
<i>De mysterio sepulture.</i>	233.
<i>De Christi resurrectione & apparitione primâ.</i>	235.
<i>De apparitione secundâ.</i>	237.
<i>De apparitione terciâ.</i>	238.
<i>De apparitione quartâ.</i>	239.
<i>De apparitione quintâ.</i>	241.
<i>De</i>	

INDEX.

<i>De apparitione sextâ.</i>	ibid.
<i>De apparitione septimâ.</i>	243.
<i>De apparitione octavâ.</i>	ibid.
<i>De apparitione nonâ.</i>	244.
<i>De apparitione decimâ, undecimâ.</i>	ibid.
<i>De apparitione duodecimâ, & decimatertiâ.</i>	245.
<i>De Ascensione.</i>	ibid.
<i>Consemplassio de Paradiso.</i>	249.

Regulæ utiles.

<i>Ad motus animæ discernendos.</i>	252.
<i>Ad pleniorẽ spirituum discretionem.</i>	257.
<i>In distribuendis eleemosynis.</i>	260.
<i>De scrupulis dignoscendis.</i>	262.
<i>Vt cum Ecclesiâ sentiamus.</i>	264.
<i>Loca adnotata in postremâ editione ex collatione cum Hispanico autographo.</i>	270.

INDEX SECVNDVS.

Tam pro eo, qui dirigit ; quam qui dirigitur :

Observandum est 1. numeros arithmeticos maiores priores , designare dies Exercitiorum usque ad XXV.

2. Literas capitales sive Romanos , ordine secundos , innuere sequelam Exercitiorum ejusdem diei. Sic, ut A. primum suggerat , B. secundum ; C. tertium ; &c.

3. Arithmeticos numeros minores sive communes, quæ tertio ac ultimo loco notantur, indicare paginam, in quâ , quod ponitur , invenitur.

4. Utile esse, ad præparationem Exercitiorum, prælegere Bullas Pontificias tum PAULI. PP. III. pag. 7. & Censuræ testimonia , pag. 12. tum ALEXANDRI. PP. VII. pag. 15. Uti etiam Brevem Instructionem meditandi. à pag. 23. usque ad pag. 54. Nec non Annotationes pag. 55. Atque Additiones pag. 107.

I. Die. Principium sive fundamentum.	I. A. 67.
Examen particulare.	I. B. 69.
Examen generale.	I. C. 73.
Examinis generalis modus.	I. D. 78.
Confessionis , & Communionis usus.	I. E. 79.
II. Die. Primum Exercitium.	II. A. 81.
Secundum Exercitium.	II. B. 87.
Tertium Exercitium.	II. C. 89.
Quartum Exercitium.	II. D. 91.
De damnis è peccato mortali.	II. E. 93.
III. Die. Primus orandi modus.	III. A. 177.
Exercitium de morte.	III. B. 97.
Examen particulare.	III. C. 69.
Regula in distribuendis eleemosynis.	III. D. 260.
IV. Die. Exercitium de Judicio generali.	IV. A. 101.
Examen Conscientiæ generale.	IV. B. 73.
Quintum Exercitium de Inferno.	IV. C. 105.
Meditatio de filio prodigo.	IV. D. 113.
	V. Die.

INDEX SECVNDVS.

V. Die. Contemplatio regni Jesu Christi.	V. A. 117.
Secundus modus orandi.	V. B. 179.
Regulæ ad Spirituum discretionem.	V. C. 252. 257.
VI. Die. Meditatio de Incarnatione.	VI. A. 121.
Contemplatio de Nativitate.	VI. B. 125.
Repetitio duarum præcedentium.	VI. C. 126.
Applicatio sensuum.	VI. D. 127.
VII. Die. De Purificatione B. Virginis.	VII. A. 130. 195.
De fugâ in Ægyptum.	VII. B. 130. 197.
De reditu ab Ægypto.	VII. C. 197.
VIII. die. De vitâ Dñi ab anno duodecimo.	VIII. A. 199.
De ascensu in templum.	VIII. C. 199.
Repetitio, & applicatio sensuum.	VIII. B. 126. 127.
IX. Die. Meditatio de duobus vexillis.	IX. A. 133.
De tribus hominum classibus.	IX. B. 139.
Tres gradus humilitatis.	IX. C. 145.
X. Die. De Baptismo Christi.	X. A. 201.
De tentatione Christi.	X. B. 203.
Præludium ad electionem.	X. C. 146.
Introductio ad notitiam.	X. D. 147.
De tempore triplici ad electiones.	X. E. 148.
XI. Die. De Apostolorum vocatione.	XI. A. 205.
De sermone Christi habito in monte.	XI. B. 209.
Modus prior sanæ electionis.	XI. C. 151.
Modus posterior bene eligendi.	XI. D. 152.
XII. Die. De ambulatione super aquas.	XII. A. 211.
De prædicatione in templo.	XII. B. 217.
Repetitio, & applicatio sensuum.	XII. C. 126. 127.
XIII. Die. De Lazari suscitatione.	XIII. A. 215.
De die Palmarum.	XIII. B. 217.
De emendatione circa Vitæ statum.	XIII. C. 153.
Regulæ in distribuendis eleëmofynis.	XIII. D. 260.
XIV. Die. De cœnâ ultimâ.	XIV. A. 157. 219.
De post cœnam in horto gestis.	XIV. B. 161. 221.
Repetitio, & applicatio sensuum.	XIV. C. 126. 127.
XV. Die. De comprehensione Christi.	XV. A. 223.
De	

INDEX SECVNDVS.

- De gestis in domo Caiphæ. XV. B. 225.
 Repetitio, & applicatio sensuum. XV. C. 126. 127.
XVI. Die. De Christi apud Pilatum accusatione. XVI. A. 225.
 De transmissio Christo ad Herodem. XVI. B. 225.
 Repetitio, & applicatio sensuum. XVI. C. 126. 127.
XVII. Die. De reversione ab Herode ad Pilatum. XVII. A. 227.
 De condemnatione, & crucifixione. XVII. B. 229.
 Repetitio, & applicatio sensuum. XVII. C. 126. 127.
XVIII. Die. De mysterijs in Cruce. XVIII. A. 231.
 De mysterio sepulturæ. XVIII. B. 233.
 Regulæ ad victum temperandum. XVIII. C. 165.
XIX. Die. Repetitio Passionis, XIX. A. B. C. D. E. 157. 183. 126. 127.
XX. Die. Post Resurrectionem apparuit matri suæ. XX. A. 169. 235.
 De secundâ apparitione. XX. B. 237.
 Repetitio, & applicatio sensuum. XX. C. 126. 127.
XXI. Die. De tertiâ apparitione. XXI. A. 238.
 De apparitione quartâ. XXI. B. 239.
 Repetitio, & applicatio sensuum. XXI. C. 126. 127.
XXII. Die. De apparitione quintâ. XXII. A. 241.
 De apparitione sextâ. XXII. B. 241.
 Repetitio, & applicatio sensuum. XXII. C. 126. 127.
XXIII. Die. De apparitione septimâ. XXIII. A. 243.
 De apparitione octavâ. XXIII. B. 243.
 De apparitione nonâ. XXIII. C. 244.
XXIV. die. De apparitione. X. XI. XII. XXIV. A. 244
 De apparitione decimatertiâ. XXIV. B. 245.
 De ascensione Christi. XXIV. C. 247.
 De Paradiso. XXIV. D. 249.
XXV. Die. De tertio modo orandi. XXV. A. 181.
 Ad amorem spiritualem excitandum. XXV. B. 175.
 Regulæ de scrupulis. XXV. C. 262.
 Regulæ ut cum Ecclesiâ sentiamus. XXV. D. 264.

Ad maiorem Dei gloriam.

